



তকথু হাজারিনি কেয়াও কথমা

উপেন্দ্র দেববর্মা

কমথিঙনাই

ড. নিতাই আচার্য



Tribal Research and Cultural Institute
Govt. of Tripura, Agartala

তকথু হাজারিনি কেৰাঙ কথমা

উপেন্দ্ৰ দেববৰ্মা

কমথিঙনাই
ড. নিতাই আচাৰ্য



TRIBAL RESEARCH & CULTURAL INSTITUTE
GOVERNMENT OF TRIPURA

*a Kokborok folk tale, Takthu Hajarani Kerang Kothoma written by
Upendra Debbarma and edited by Dr. Nitai Acharjee*

© Tribal Research & Cultural Institute
Government of Tripura

First edition :
21st August, 2020

Cover Design : Shabdachitra, Agartala

Type Setting : Shabdachitra, Agartala

Printed by : Kalika Press Pvt. Ltd., Kolkata

Published by :
Tribal Research & Cultural Institute
Government of Tripura.

ISBN : 978-93-86707-40-6

Price : ₹100/-

তকথু হাজারিনি কেৰাঙ কথমা

কমথিঙনাইনি কক

আগি নানা দাবুরাসঙনি থানি তকথু হাজারিনি কেৰাঙ কথমা আঙ খীনামানি আ-ব জত সীয়সুগই মানলিয়া, তব জে মুইতু মানমানি আব-ন সীয়খা, সীয়মানি ফা-ন মিলিয়া জাগাঅ মিলিরিঅই মারিখা। কিসা কুসু জাগাঅ সীইথানি চায়া ফা-ন উঙগই মান', চায়াখাই সীনামই তীলাঙদি ব জাগাঅ বীবতীই ককন রিনানি। চিনি তকথু হাজারিনি কেৰাঙ কথমানি হুকুমু মুকুমুন নারীকনানি বাগই-ন আগি খীনামানি আঙ কিসা সীয়জাখা। আঙ আসা খাইঅ নরগনি থানি অনুমোদন মানানী হিনই। অনুমোদন মানখাই আনি সীয়মানি সার্থক উঙগানী। আনি আসীক-ন কক-চুবাই জত' ন-ন খুলুমবাইখা।

তাং ২০১৭ ইং, ১৬ই আগস্ট
বাং ১৪২৪, ৩০শে শ্রাবণ, বুধবার


য়াকজুর
উপেন্দ্র দেবৰ্মা

ককসীকাঙ

ট্ৰাইবেল রিসার্চ এন্ড কালচারেল ইনস্টিটিউটনি তায় চাঁঙ বিসি বুরুম বুরুমন' হান্তেনি যন্ত দফানি লাইবুমা, তাঙমুঙ-তাইমুঙ, কেৰেংকথমা, ককলপ বিজাপরগ কারিঅ, অব' চিনি সামুঙ বাঁতাঙগ' খবজাক। চিনি দফানি সাইকৌরীঙ সিনাই - নুকনাইরগ তাইব' আব' হয় দাল বিদাল বিজাপ সাইথানি সাকথারমুঙ নাথুঙ হিনয় চাঁঙ মাঁচাং শ্ৰী উপেন্দ্ৰ দেববৰ্মাবায় সাইজাক "তকথু হাজারিনি কেৰাঙ কথমা" বিজাবন' কারিনা বাৰ্গাই সাকথারখা।

বিনি অ পালকতিনি কেৰাঙ কথমানি বিসিংতাই চিনি দফানি সিরিসিতিনি সিমি ফাইমা তাংরাইদা ছুকুমু, মুকুমুনি মারিন' খবাই উানসুকমা ফেহেলাই তিসামা নুগজাগ'। অ বিজাব জতনি থানি হামজাকমুঙ মানানী খাখীলাইঅ।

আং শ্ৰী উপেন্দ্ৰ দেববৰ্মা তাই কমথিংনাই ড. নিতাই আচার্যন' অ "তকথু হাজারিনি কেৰাঙ কথমা" সাইথানি সাকথারমানি বাৰ্গাই বেলাইখে হামবাই য়াফার'।


01.09/2020

(ধনঞ্জয় দেববৰ্মা)

দাগিফাঙ

আপ্তলি,
১ সেপ্টেম্বর, ২০২০

ট্ৰাইবেল রিসার্চ এন্ড কালচারেল ইনস্টিটিউট
ত্রিপুরা হাফাঙ

কমথিঙনাইনি কক

খোয়াইনি লাথা কলকনি তাখুক অকরা মীচাঙ উপেন্দ্র দেববর্মা ককবরক ককরীবাই তেই হুকুমনি আথুকিরি কীচাঙ কলসা। বিনি কেরাঙকথমানি বিজাপ কাঙসা তেই জাদু কলিজানি রীচাবমুঙ বিজাপ কাঙসান-ব সীকাঙগ-ন ত্রিপুরা হাফাঙনি সঙদুক নাইফিল তাই হুকুম তাঙখর বাই সাপগাঁই কারিজাগখা। রীচাবমুঙ-মীসামুঙ বাই ব বীসীক গীদালজাক আবন আঙ বাইথাঙনি মকল বাই নাইনানি সেপ মানখা রবীন্দ্রনাথ ঠাকুরনি ফিল ১২৫ আচাইমা সালন রীগাঁই ত্রিপুরা হাফাঙনি ককথুম হুকুম তাই বেরাইখিরি তাঙখর বাই লুডাজিজাক তেই আগরতলানি বেসিক ট্রেনিং কলেজ' সঙচাজাক ককবরক বাই রবীন্দ্ররীচাবমুঙ তেই মীসামুঙনি মেইল'। আফুর ব-ন আ মেইলনি জতনি অকরা ককবরক বাই রবীন্দ্ররীচাবমুঙ রীচাবনাই তেই মীসানাই।

আঙ মীচাঙ উপেন্দ্র দেববর্মানি য়াক বাই সীয়জাক কেরাঙকথমা থাইবান মা পরিখা। আবরগ আংখা — ১. হজলাইতিনি কেরাঙকথমা, ২. তকসা রাঙগিয়ানি কেরাঙকথমা, ৩. যঙলা আবুমনি কেরাঙকথমা, ৪. মারে মারাইনি কেরাঙকথমা তেই ৫. তকথু হাজারিনি কেরাঙ কথমা। সীয়নাইনি ককন সীয়থানি ব সাখা, ব বিনি নানা-দাবুরাসঙনি থানি খীনামানি কেরাঙকথমারগন মুয়তু খীলাই খীলায়ীই উানসুগাঁই ব আবরগন সীয়খাফন। বিনি অ কেরাঙকথমারগন পরিউই আঙ অবরগন থাঙনুক হাইসে মা তঙখা। অবরগন কেরাঙকথমা রীগাঁই সীয়জাক থাঙনুক হিনীই সাখাই-ন চাকুগনাই হিনীই আঙ খা খীলায়'। তেই থাইসা কক অবরগ বীসীক জরাতীই ককবরক কেরাঙকথমানি গীরাঙ বাই গীদালজাক অ সীঙমুঙ-ব ফায়'। পরিনাইরগ-ন অ ককরগন উানসুগাঁই নাইলাইজাথুন। ফিয়াবা অবলে মানীই কীতাল মুঙসা, অ ককনলে জত-ন গসিনাই হিনীই খা খীলাইজাগ'।

পাইথাগ' আঙ সানা মুচুঙগ, কেরাঙকথমা ফান' হিনদি এবা কেরাঙকথমা রীগাঁই সীয়জাক থাঙনুক ফান' হিনদি অবরগ জত-ন আংখা সীয়কীরীঙ তেই কককীরীঙ

তাখুক অকরা মীচাঙ উপেন্দ্র দেববৰ্মানি ককবরক ককরীবাই রীগজাক সামুঙনি
বীথাইরগ। আঙ খা বাই খুক বাই-ন পুইতু চাঅ বিনি “তকথু হাজারিনি কেৰাঙ
কথমা” ককবরক ককরীবাইন তেই-ব গীনাঙ খারিনাই তেই তেই-ব কুচুগ’
তিসাথানি-ব চুবানাই।

আগরতলা
১৪/০৮/২০২০

খুলুমবাইখা
ড. নিতাই আচার্য

তকথু হাজারিনি কেরেঙ কথমা

বীরাই বাই চীলা রগ

- ১। আসুবুরা
- ২। কাথি (আসুবুরানি বিহিক)
- ৩। কয়া (আসুবুরানি বীসীলা)
- ৪। মইনাক
- ৫। বলঙতি, মইনাকনি বিহিগ
- ৬। বুবাগ্রা
- ৭। মেবুডা (বুবাগ্রা কুসু)
- ৮। সদার
- ৯। বলনতিয়ারগ
- ১০। সেঙ বুবাগ্রা
- ১১। গুয়া (খাম বুনাই)
- ১২। চবারাই
- ১৩। চাকসিয়া
- ১৪। বিরিনদিয়া
- ১৫। চনদিয়া
- ১৬। চাকতি (চনদিয়ানি বীসাজীক)
- ১৭। চিলঙতি
- ১৮। মনিয়া (চিলঙতিনি বীসীলা)
- ১৯। দয়াতি
- ২০। বদনিয়া

তকথু হাজারিনি কেৰেঙ কথমা

ককয়াফাঙ উঙখা তকথু হাজারি কামিঙ কাইসা তঙগ। অ কামিঙ হিনকাই কতর নগ কুরি দক নক দক চালাই কুরিদক চালাই দকনি কামিঙ। অ কামিঙগ তঙনাইরক বুড়া বাই- বুড়া বাঁৰাইচীক বাই বাঁৰাই চীক, সাগীনাঙনি বুফাবাই সাগীনাঙনি বুফা, সা গীনাঙনি বুমা বাই সা গীনাঙনি বুমা, চীলা সিকিলা বাই চীলা সিকিলা, বাঁৰাই সিকিলা বাই বাঁৰাই সিকিলা খাপেলাইয়ই নিনি আনি হিনলাইয়াঅই কাইসান তাই কাইসা চুবুচুবুলায়ই হমদম দমদম খাইলাইয়ই ডাসেক ডারেঙ খাইলাইয়ই বুলাইয়া খাইলাইয়ই থানচা চুবুবাগসা খায়ই তঙলায়’। অ কামিঙনি কামিঙ কাসুক রাজা জত-নন তাঁইদুলই নাইকলই তঙগ, চাথানি নুঙথানি বাগসানি বাগসা খায়ই তনিঅ। অ তকথু হাজারিনি কেৰেঙ কথমান সাসুগই মান’ উদয় হিনই বরক খরকসা, তাবুক খীনাডি বিনি থানি তকথু হাজারিনি কেৰেঙ কথমান।

উদয়, কিতঙ, দুলিয়া, ফুকু তেই কনিয়া ফাইকা।

- কনিয়া : দাবুৰা নীঙত জাতের জাতনি কেৰেঙ কথমা-ন সাঅই খীনারি মান’। নীঙ জে চীঙ খীনায়া কেৰেঙ কথমান সাঅই খীনারিদি।
- উদয় : নরগ আনি থানি তাম কেৰেঙ কথমান খীনানানি নাইবা তাবুক আনি থানি নরক জে খীনানানি হিনমানিনি আঙ আব নন সাঅই খীনারিউনো। সাডি বুবতাই কেৰেঙ কথমান খীনানানি।
- কনিয়া : চীঙ তকথু হাজারিনি কেৰেঙ কথমান খীনায়াখ, অ কেৰেঙ কথমানন চীঙন কিসা সাঅই খীনারিদি দাবুৰা।

- উদয় : তাবুক আহাই কাই আঙ তকথু হাজারিনি
কেৰেঙ কথমান সাঅই খীনারিডানু তা আহাই
কাই।
- কনিয়া : আউ, দ-সাদি খাই দাবুৱা।
- উদয় : আগি আইদঅ তকথু হাজারি হিনই কামিঙ
খুঙসা তঙফন, অ কামিঙনি কামিঙ কাসকু
রাজা জত-নন তীয়দুলই নাইকলই সাব মাঁচাখা
সাব মানীঙখা নায়ই তঙগই কাজিয়া কলঙক
কীরাই খায়ই ডাসেক ডাসেক ডাৰেঙ ডাৰেঙ
খায়ই তনিবাইফন। কেব-ন বিসি কেব-ন কম
খইয়াঅই জত-নন নগ কাইসা হাই খাইরিঅই
ডালাইয়া সুকলাইয়া খায়ই তনিবাই হিনতা।
- ফুকু : উলখাই তাই তাম উঙখা হিন দাবুৱা।
- উদয় : উলখাই তাই তাম উঙখা খীনাদি তাবুক।

মইনাক বাই বলঙতি ফাইকা।

- বলঙতি : চুইতর তাল ফায়ই তঙখাবেলে হুক সকনানি
জরা সকপায়ই তঙখা, নীঙ বুফুবু হুগ সকনানি
তাই কিসা খাই-ন হারি বুইসর ফাইয়ানী, হুগ
মাই কাইমানি জরা সকপাই যানী কামিঙনি
বররক বাই জত বাই-ন সালায়ই সকলাইনানি
খীলাইদি নীঙ।
- মইনাক : আউ আব নিনি কক থিক-ন, তাকীলাই খাই
কামিঙ গানাঅ হগলাইমানিবা কামিঙব খামই
থানানি কিরিঅ ম তামসে খীলাই লাইনানি
উঙখা হুগ-ন সগই রিখাই কামিঙ আকনদে
খাম-খুমই থাং-থুংন'।
- বলঙতি : আববাই-ন কামিঙনি বররক বাই সালায়ই
ককলায়ই সকলাইদি নাইকলই, উঙয়াখাই
কামিঙ খামই ফা-ন থাংগই মান'।
- মইনাক : আঙ কামিঙনি বররক বাই সালাইগীৱানা,

সালাইয়ই-ন সকলাইয়ানী আ-ব আনি
সাইচুঙনি কাময়াবেলে।

মইনাক, বলঙতি, থাংকা।

কামিঙ কাসুক বুবাগ্রা, বুবাগ্রাকুসু ফাইকা।

কামিঙ কাসুক বুবাগ্রা : বুবাগ্রা কুসু বুইসর গরিয়া ফাইনানি কাসকগই
তঙখাবেলে, বুফুরু হুকরক সকলাইনানি-ব
হিনলাই সককাই সগই আপদ পায়ই
খিবমানি-ন হাম', আয়াঙব তাকীলাই খাই
কামিঙ গানাঅসে হগলাই জাকতাই
কীলাইলাইসিঅ, নকবার তীয় বার নায়ই
সকলাইনানি নাঙগানী।

বুবাগ্রাকুসু : খুলুমকা বুবাগ্রা কামিঙ গানানি হুগবা কাহাম
কাই নায়ই যাপ্রি কাইচমই মা সকলাইনাই
উঙয়াখাইলে কামিঙ ফা-ন খামই লান-সান
উঙলায়ই থাংলায়ই মা। বুবাগ্রা চিনি অ হুগ
সকমানি সালচিনি বলনতিয়ারক-ন কাঁচারিঅই
থিক খায়ই মা তনিনাই। তাই চিনি প্রজারকনব
তীয় গলা তীয় কুপুলুঙ খায়ই খকরিঅই
বীচারিঅই মা তনিনাই উঙয়াখাই দসা ফা-ন
খুলায়ই মান'।

বুবাগ্রা : আঙ বলনতিয়ারকনি বাগই আঙ তঙগ, নীঙ
চিনি প্রজারকনি বাগই নীঙ-বার নাহার দি।

বুবাগ্রাকুসু : আউ আবতাই-ন খাইদি বুবাগ্রা।

বুবাগ্রা, বুবাগ্রাকুসু, থাংকা।

বুবাগ্রাকুসু তাই প্রজারক ফাইকা।

বুবাগ্রাকুসু : খীনা সালচা তঙগই চিনি হুগন সকলাই নানি
চিনি বুবাগ্রানি হুকুমবাই নরকন আঙ সাঅ চিনি

কামিঙগ জে প্রজা হিনজাগনাই রক বরক গলা
লাঙগিঅ তীয় দাঅই কুপুলুঙ খায়ই মা তনিনাই
হর কামিঙ ফাইসিঙগ জাবেরখাই-ন লাঙগিনি
তীয় গলানি তীয় বাই হর ফাইসিঙগ খিতারই
মা রিনাই, অ হর কামিঙ ফাইসিঙগ ফায়ই
মানয়া জাত খায়ই।

- প্রজারক : খরকসা সাকা-বুবাগ্রা কুসু চাঁঙ য়াগ' তীয় গলা
কুপুলুঙ তীয় তীয়ই বাঁচলায়ই তঙলাইনাই,
হর য়াঙ নগ ফাইসিঙ জাবেরখাই-ন চিনি
য়োগনি গলা কুপুলুঙ তীয়-ন সারচাঅই
রিহরনাই নীঙ চিনি বাগই কুসতাম ফা-ন তা
উনাদি চাঁঙ তঙগই।
- বুবাগ্রাকুসু : হর বাই তা থাঁঙদি হর বাই থাঁঙমানি মানাইয়া,
উল কামিঙ ফা-ন খামই থাঙগই লালালিলিঙ
ফা-ন উঙলায়ই মা-ন'।
- প্রজারক : চাঁঙ গুরিলায়ই কাসলায়ই তঙলাইয়ানী য়া-গ
গলা তীয় কুপুলুঙ তইলাইয়ই চিনি বাঁরাই
চেরাইরক-ব জুইত খায়ই নাই সিকলায়ই মা
তঙলাইনাইতা-অ হুগন সকমানি সাল'।
- বুবাগ্রাকুসু : ব সালবা চিনি হুগন সকলাইনানি আঙ চিনি
বুবাগ্রা বাই মালাইগ্রানাখু মালাইয়ই হুগন
সকনানি সালন থিক খীলাইলাইয়ানী।
- প্রজারক : আউ বুবাগ্রা কুসু নীঙ বুবাগ্রা বাই মালায়ই-ন
থিক খীলাইদি হুগ সকনানিন।

বুবাগ্রা কুসু তাই প্রজারক থাংকা।
মইনাক বাই বলঙতি ফাইকা।

- বলঙতি : তাকীলাই নরক কামিঙ গানাঅ হুগন হগই
কিরিমিসিসা উঙগই তঙখা, হগপুরু-ত হগই-ন

খিবকা তাবুক সকপুবুসে তামবা উঙন আঙখাই
কিরিমাসিঙসা উঙগই তঙখা তাবুকনি সিমি-ন।
হর জান চাসাই ফাইকাই অ হর-ন নারীকনানি
খমতা কেবনি ফা-ন কীরীই। উঙয়াখাই
তাকীলাই নগ হুগ খামলাই ফা-ন বিরমা
নাঙলাইনানি তঙলাই ফা-ন মা-ন নরক কামিঙ
গানাঅ হুগন হগলাইমানি বিসি চালাইখালিয়া
আঙ খাই তাবুকনি সিমি-ন কিরিঅই তঙখা।

মইনাক

: কামিঙ গানাঅ হুগ হিন-ব বন কিরিনাই তঙ
হিন, হুগ হুগফুবু পালেম লেখাই হগ মানি হাই
কাই-ন তাবুক সকপুবু-ব পালেমলে খাই-ন
সকলাইয়ানীতা। বনলে তামসীক আসীক
কিরিঅই তঙনানি নাঙবা, চিনি বুবাগ্রা তঙগ
বুবাগ্রা কুসু তঙগ সদার তঙগ বলনতিয়া তঙগ;
বরগ-ন সামেলে -লাইয়ানী নয়ই তঙদি।

বলঙতি

: বুবাগ্রা সদার বলনতিয়া তঙ হিনলে হর-ন
সামেলেদে মাননবা, হর হাই বেদীরা মানীই
তাই বর তঙবা ?

মইনাক

: দ-জে উঙতীই উঙলাইয়ানী তা।

মইনাকবাই বলঙতি থাংকা।

সদার বাই বলনতিয়া ফাইকা।

সদার

: বলঙতিয়া নরক-ন সাঅই মা-ন চুইতর তাল
থাঙতীতীই উঙগই তঙখা চিনি বুবাগ্রা খীনা
সনি-ন হুগ সকনানি সালন থিক খাইয়ানী নরক
অ হুগন সকমানি সাল' জুইত খায়ই নাইসিগই
কামন খারা খায়ই মা তঙনাই উঙয়াখাইলে
চিনি তকথু হাজারি কামিঙ ফা-ন খামই
পাইসুগই থাঙগই মান' হাতাল চাঅই।

- বলনতিয়া রক : চিনি বাগই তা উানাডি সদাৰ চাঙ কামন খাৰা
খাইয়ই-ন তঙনাই চিনি হুগ সকমানি সাল’।
- সদাৰ : নরকলে চেৰাইরক বাীলা, নরকন-ন চাঙ
আসাই মা তঙগ। নরক সে চাঙ বাই আসা
জাগনাইরক চিনি সাীলাই উল তঙগই
থাঙনাইরকচিনি উল’ তঙগই চিনি মুঙন
সানাইরক নরক হামই চাই তঙবাইদি।
- বলনতিয়া রক : চাঙ নাইয়ানী চিনি ফান তঙসাক ফিয়া হরনলে
বিসি পাইনানি কাঁরাই হর আহাই মানাইয়া,
হর উঙখা বেদীরা মানাই।
- সদাৰ : তেব নরক নন চাঙ আসাই তঙগ।

সদাৰ বাই বলনতিয়া থাংকা।

বুবাগ্ৰা বাই বুবাগ্ৰা কুসু ফাইকা।

- বুবাগ্ৰাকুসু : খুলুমকা বুবাগ্ৰা। চাঙব সাল’ চিনি হুগন
সকলাইমানি হামন সাীলাই বুবাগ্ৰা ?
- বুবাগ্ৰা : হুগন সকনানি হিনকাইবা সাঁকাঙনি রববারনি
সাল’ ফা-ন সকলাইদিতা, নীঙ চিনি প্রজারক
বাই চিনি বলনতিয়ারক বাই কক কাহাম কাই
সালায়ই খিবদি চাঙ চিনি কামিঙ-ন জেসা খাই
ফান’ সামেলেনানি নাঙগানী।
- বুবাগ্ৰাকুসু : আঙ জত বাই-ন সালাইবাইখা সালায়ই জত-ন
থিক থাক-ন উঙলাই তঙবাইখা নাইকললায়ই।
আঙ খাই উানাইসে ফাইঅ হকপুবু খাই
হগলাইয়ই-ন খিবকা তাবুক সকপুবুসে তাম
খায়ই সকনাই আবসে আঙ বিসি খায়ই
উানাঅই ফাইঅ। চিনি কামিঙরক খাম খুমই
থাঙকাইত কাঁরাইখা বুবাগ্ৰা।
- বুবাগ্ৰা : খাময়া হিনই-ত সাঅই মানয়া তব জত-ন

নাইকলই মা তঙলাই নানি নাঙগানীতা। অ
 হুগ সকমানি সা-ল হিনকাই চেরাই খীনই বুৱা
 বীৱীইচীক জত-ন যাপ্তি কাইচমই মা
 তঙলাইয়ানীতা দকদাক খাইলাইয়ই জত-ন
 লাঙগি গলা তীয় কুপুলুঙ খায়ই যা-গ
 তাঁইলায়ই মা তঙলাইয়ানীতা। হর ফাইকাই-ন
 তীয় লুপুৱীই রিনানি জাত খায়ই জত-ন
 নাইচমলায়ই।

বুবাথাকুসু

: আঙ বলনতিয়ারকন জতন-ন সাতই রিবাইখা
 নকবীৰুম নরবীৰুম হজাগ খায়ই তঙনানি বাগই
 অ-হুগ সকমানি সাল', বলনতিয়া রক-ব
 জতনন সাতই রিবাইখা ফন।

বুবাথা বাই বুবাথাকুসু থাংকা।
 উদয়, কিতঙ তাই দুলিয়া ফাইকা।

কিতঙ

উদয়

: আবনি উলখাই তাই তাম উঙখা দাবুৱা।
 : আবতাই খায়ই তকথু হাজারিনি কামিঙ কাসকু
 রাজা বুবাথা কুসুসঙ বাই আক বাই খায়ই জত
 বাই-ন কক চাবলাইয়ই রববারনি সাল' খাই
 সাইরিকনি দিব-র খাই-ন কামিঙনি বররক
 পাল খায়ই নখর লায়ই জত-ন থিক থাক খায়ই
 লাঙগি কুপুলুঙ তীয় গলা কুপুলুঙ তীয়-ন
 তাঁইলাইয়ই নখরলাইখা হুগন সকনানি হিনই।

দুলিয়া

উদয়

: উল খাই তাই তাম উঙখা দাবুৱা ?
 : উলখাই অ হুগ আলেমন হর সুনুঅই রিখা
 সগই, সগই রিমনি বাগসা বাই-ন অ হুগ জে
 খামই ফাইমানি তাই সামেলেলাই মানলাইলিয়া
 হুগ খামই ফাইমানি নখা বাই হা বাই নাঙগই
 ফাইকা গীলা গীলা সাকা গীলা গীলা খায়ই।

কিতঙ

উদয়

- : উল খাই তাম উঙখা দাবুৱা ?
- : উল খাই কামিঙনি বৱৱক অ লাঙগি গলা তীয় কুপুলুঙ খায়ই তইয়ই তঙনাইৱক, গলা লাঙগি তীয় কুপুলুঙ খায়ই তইয়ই তঙনাইৱক বলনতিয়াৱক জত-ন অ হৱন সামেলেঅই মানয়া উঙগই কামিঙগ হৱ নাঙগই উ নকনি উ নগ' হৱ বাহাৱই হৱ নাঙগই জত কামিঙনি নগ-ন খামই থাংবাইখা ।

দুলিয়া

উদয়

- : উল খাই তাম উঙখা দাবুৱা ?
- : উল খাই অ তকথু হাজাৰি কামিঙ পাইসুগই খামই থাংবাইখা আবনি লগি বাকসাবা খাৱই বানচেবাইখা বাকসাবা খাৱই মানলিয়া বীৱাই চীলা চেৱাই খীনাই খাৱই মানলিয়া অ হৱ-ন কীলায়ই থীয়কা বুবাথ্ৰা বুবাথ্ৰাজীক-ব অ হৱ-ন কীলায়ই থীইকা । আবতাই খায়ই থীয়ই কামিঙ হাহাকাৱ নাঙগই থাংকা ।

কিতঙ

উদয়

- : উলখাই তাই তাম উঙখা দাবুৱা ?
- : উলখাই অ তকথু হাজাৰি কামিঙনি বৱৱক জানি-মাথা তাঙ উঙলায়ই থাংবাইখা উৰুই পুৰুই উঙলায়ই ।

দুলিয়া

উদয়

- : আবনি উল তাই তাম উঙখা দাবুৱা ?
- : আবনি উল খাই তাই বিসা বিসিকনাইনি উল হিনকাই জত-ন অ তকথু হাজাৰিনি বৱৱক উৰুইপীৰুই খায়ই থাঙগই তঙলাই বাইমানি তাই উইসা সেলাইয়ই ফাইলাইউখা নিজিনি তকথু হাজাৰি কামিঙগ-ন ফায়ই থানচা উঙলাই ফাইউকা জত-ন জে কীথাঙ বানচেঅই তঙনাইৱক তাবুক খীনাদি বৱক তাম উঙলাইখা ।

উদয়, কিতঙ, দুলিয়া থাংকা।
সদার বাই সেঙবুবাগ্রা ফাইকা।

সেঙ বুবাগ্রা

: সদার বিয়াঙনি বিয়াঙ থাংগই সগই নাইদি
জত-ন চালাই চুকলাইনানি হিনই কামিঙ
গানাঅ হুগন হগলাইমানি তাবুক তামঙ
থাংলাইখা নাইদি বিয়াঙ তাম উঙগই থাং
উবুই পুবুই উঙগই তাবুক খাই চিনি বুবাগ্রাসে
কীরাই উঙগই থাঙকা। হর খামই থীয়ই
থাঙগই চিনি বুবাগ্রানি লগিলগি বুবাগ্রাজীক
সুদু-ন থীয়ই থাঙকা হর খামই, তাবুক তাম
খাইনানি চিনিত বুবাগ্রা কীরাই উঙগই তঙখা
আববাই-ন চাঙ বাই কক চাবলাইনানি হিনই
নন আঙ রিঙগ।

সদার

: আবত আই-ন বুবাগ্রা কীরাই উঙগই তঙখা
তাবুক, চাঙ জত-ন ককন চাবলাইয়ই বুবাগ্রা
কাইসা খায়ই বুবাগ্রা মা সঙচানাইতা, চাঙ
তাবুক আবসে সাবন সঙচানানি।

সেঙবুবাগ্রা

: চিনি বুবাগ্রা কুসু হিন-ব বরক কাহাম-ন বেলে
বন রিখাইবা তামঙ বুবাগ্রা সীনামই বেলে
বুবাগ্রানি য়াকচুবা ব খাই কাহাম খাই-ন চালগই
মানানী। নীঙ খাই তাম হিন সীলাই সদার।

সদার

: নাইসিকখাইত বরক কাহাম-ন বন হানি বুবাগ্রা
খায়ই কতর চঙগই রিখাইবা তাম উঙন সাঅই
মানয়াতা। বরক-ন উঙখা কাম খাইকাইসে
বুজিঅই মান', কাম খাইয়াকাই বুজিঅই মানয়া,
রিঅইদে উল থেকেলাই-ন, আনি খাই মানা
কীরাই।

সেঙ বুবাগ্রা

: উল উানসুকলাই নাইলাইগীরানাতা।

সদার বাই সেঙবুবাগ্রা থাক্কা ।
উদয়, ফুকু, তাই কনিয়া ফাইকা ।

- ফুকু : আবনি উল খাই তাই তাম উঙখা দাবুরা ?
উদয় : আবনি উল খাই বুবাগ্রা কুসুন বুবাগ্রানি বার
রিঅই চঙগই রিখা নৌঙন তাবুকনি সিমি চিনি
বুবাগ্রা উঙখা হিনই । বুবাগ্রা কুসনি মুঙ হিনকাই
মেরুডা, মেরুডা বুবাগ্রা কুসু তঙমানি তাবুক
বুবাগ্রা উঙগই হুগন সগই খামই খাইনাই
বুবাগ্রানি সিঙহাসন-মানই সিঙহাসন' আচুকখা
কুবুইনি বুবাগ্রা উঙগই ।
- কনিয়া : উল খাই তাই তাম উঙখা দাবুরা ?
উদয় : উল খাই তাই তাম উঙখা তাবুক খীনাডি ।

উদয়, ফুকু, কনিয়া থাক্কা ।
মেরুডা বুবাগ্রা, দেনাঙ তাই বুবাগ্রা কুসু ফাইকা ।

- বুবাগ্রা : বুবাগ্রা কুসু তাবুক আঙ প্রজারকন থাপানি
খাজনা হুগনি খাজনা তাই নকনি খাজনাসে
বারে রিঅই মা রিবেলে ।
- বুবাগ্রাকুসু : খুলুমকা বুবাগ্রা তাবুক আতকাসা থাপানি
খাজনা হুগনি খাজনা তাই নগনি খাজনা বারে
রিঅই রিখাকাই চিনি প্রজারক চৌঙন
হামজাগয়া উঙগই থাংনাবীলা সীলাই বুবাগ্রা ।
- বুবাগ্রা : আনি প্রজারকনি বিসিঙগ সাব হামজাগয়া
চাজাগয়া উঙনাই তঙ আন সাপাইদি আঙ
আনি সিপাইরকন রিহররই রমই তুবই সৌঙগই
তাই কুসতাম ককয়া লাময়া বুমানি সিঙ বুঅই
ফাত খিকিলায়ই তনিডানী, আঙ তাবুক ম
তকথু হাজারি কামিঙনি বুবাগ্রা তাবুক আনি

- কক তাঁইমাঙ মা তঙবাইনাই। আঙ জে
খাইনানি হিনমানি আবতাই-ন আঙ খাইনাই।
- বুবাগ্রাকুসু : খাইনানি হিনকাই কিসা কিসা খাই খাইদি চিনি
প্রজারক সাঅই মানই থাংনৌ।
- বুবাগ্রা : আঙ তাবুক সিঙহাসননি বুবাগ্রা আন সাব
পাইনাই তঙ আন তাবুক কেব পাইনাই কীরাই।

মেবুউা বুবাগ্রা, দেনাঙ তাই বুবাগ্রা কুসু থাংকা।
গুয়া খাম বুনাই ফাইকা।

- গুয়া : চিনি মেবুউা রাজা কীতাল হুকুম তাকীলাই
থাপানি খাজনা আগিনি সীলাই বিসি খায়ই মা
রিনাই, নকথাই খাজনা-ব আগিনি সীলাই বিসি
খায়ই মারিনাই, হুগনি খাজনা-ব আগিনি
সীলাই বিসি খায়ই মারিনাই হিনই কামিঙ
কামিঙ গুরিঅই হাতি হাতি, গুরিঅই খাম বুখা
দুম দুম দুম দুম খায়ই। ব তে-ব সাকা সীকাঙনি
হাতিঅ-ন রাজানি তসিল কামিঙ কামিঙগ
কানাই। নরক জত-ন রাজানি খাজনা রিনানি
বাগই রাঙ পুইসা খাতিঅই তনিবাইদি;
উঙয়াখাই মাইরাঙ লুতা রিচুম তসিলরক বাই
কুবুব খাই তীলাঙজাগবাইয়ানী, আবনি
বাগই-ন সীকাঙ বারিয়া খাম বুঅ হিনই খাম
বুঅ দুম দুম দুম দুম।

গুয়া খাম বুনাই থাংকা।
মইনাক বাই বলঙতি ফাইকা।

- বলঙতি : নীঙ খীনাকাদা রাজানি নগনি খাম বুনাইনি কক
তাকীলাই খাই নকথাইনি খাজনা থাপানি

খাজনা হুগনি খাজনারক আগিনি সীলাই বিসি
খায়ীই মা রিলাইনাই ফন আবতাই হিনই
কামিঙ কামিঙগ কাঅই হাতি হাতিঅ থাংগই
খামবুনাই খাম বুখা ।

মইনাক

: আউ অ খাম বুনাই খাম বুমানি আঙ
খীনাখা-বেলে, বুইলে জেসা তেসা চাঙসে তাম
খায়ীইবা খাজনা রিহরনানি আঙ থুঅই চাঅই
মুকতীরাই থাংয়া উঙগই তঙগ । আয়াঙ বেলে
তসিলন খাজনা রিহর মানয়া হিনকাই-ন নকনি
মাইরাঙলুতা রিচুম কুবুক খায়ীই তীলাঙগই
থাংবাইনানি হি-ন, তীলাঙখাই চীঙন
তীলাঙজাগনানি ।

বলঙতি

: তাবুক তাম খাইনানি সীলাই চাঙ?

মইনাক

: চাঙ তসিল বাই কুবুক খাইজাগই তঙমানি
সীলাই ফাইদি চাঙ কুবুনি জাগাঅ তেব সাকাঅ
নগ সেলাই থাঙলাইমানি চাঅ ।

বলঙতি

: আউ আব-ন কাহাম উঙগানী অরঅ তসিল
বাই কুবুক খাইজাগই মাইরাঙ লুতা রিচুম
তীলাঙগই থাংজাগই মা কানয়া মা চুময়া
লাঙতা লাঙতি উঙগই তঙমানি সীলাইলে
কুবুনি জাগাঅ নগ সেঅই থাংমানি-ন কাহাম
উঙনাই; থাঙলাইনানি হিনকাই দাকতিসে
থাংমানি চাঅ ।

বলঙতি

: আউ থানানি হিনকাইবা দাকতি-ন থাংলাই
মানি হামতা তাম খাইনানি-বা অর তঙগই ।
জেথানি হিন-ব তাঙগই-ন চালাইনানি নাঙগ ।

আসুবুরা ফাইকা ।

আসুবুরা

: নরক তামন সালাই তঙলাই সীলাই বুখুকনাই ।

- মইনাক : ইক মিয়াঅ রাজানি উঙগই খাম বুনাই খাম
বুমানি খীনায়াদা তাকীলাই আগিনি সীলাই
জেসা জাগাঅ ফান খাজনা তেই-ব বাৰে
রিনানি হি-ন। খাজনা রিঅই মানয়া হিনকাই
তসিলরক মাইরাঙলুতা রিচুম কুবুক খায়ীই
তীলাঙগই থানানি হিনমানি নীঙ খীনায়াখদা।
- আসুবুৱা : অ আব খাই আঙ খীনাকাবেলে। তাবুক তাম
উঙথাবা।
- মইনাক : আঙ খাই অ খাজনা-ন রিঅই মানয়া, আঙ
খাই মাইরাঙ লুতা রিচুম কুবুক খায়ীই
তীলাঙগই থাংজাগনাই। আঙ কুবুক খায়ই
তীলাঙগই থাংজাগমানি সীলাই আঙ কুবুনি
জাগাঅ নগ সেঅই থাংমানি হাম’।
- আসুবুৱা : আঙব আবতীই-নতা রাজানি খাজনা রিঅই
মানয়া, আঙব নীঙ বাই-ন লগি কাইসা খায়ীই
সেঅই থাংমানি হাম’।
- বলঙতি : আউ ফাইদি খাই বাকসা-ন বাকসা খায়ই কুবুনি
জাগাঅ নগ সেলাই থাংলাইয়ানু।
- আসুবুৱা : নরক থাঙপুবু আ-ন তা খিবদিকু ফিয়া।

মইনাক, বলঙতি, আসুবুৱা থাংকা।

আসুবুৱা বাই কাথি ফাইকা।

- কাথি : নীঙ বর থাংগই আসীক লেরই তঙগইখা
সীলাই, যাঙ বেলে নন ফুঙনি মাই চানানি
হিনই নাইসিঙগই তঙগ।
- আসুবুৱা : তা সাদি ককন।
- কাথি : তামঙবা, ককন সানানি তাম উঙথাবা তাবুক?
- আসুবুৱা : রাজানি তসিলরক সীকাঙনি হাতিঅ খাজনা
রমনানি হিনই ফাইয়ানী, চীঙ রাঙ পুইসা

কীৰ্ত্তাই বব-ন খাজনা হরনানি, বিনি সীলাই
 চাঙ কুবুনি জাগাঅ নগ সেঅই থাংমানি হাম'
 খারই। মইনাকসঙলে খারই নগ সেলাইয়ই
 থানানিসে নাইলাইয়ই তঙখা চাঙব বরক বাই
 বাকসা-ন খগই সেলায়ই থানানি। বরক
 থাংতানি আ-ব বরক বাই সালায়ইসে আঙ
 লেরই তঙগ।

- কাথি : অ আহাইদা আবতীই খারই থানানি হিনকাইবা
 দসে দলাইদি দাকতি খায়ই তিনি খীনা-ন।
- আসুবুৱা : বরক থাংমানি সাল-ন চাঙ-ব থাংগানীতা।
 থাংলাইয়ানীতা বাকসা-ন বাকসা খায়ই-ন।
- আসুবুৱা : বরগ থাংমানি সাল-ন চাঙ-ব থাংগানীতা।
 থাংলাইয়ানীতা বাকসা-ন বাকসা খায়ই-ন।
- কাথি : চাঙ হাই তাই কুবুনিবদে থাংনাইরক তঙ
 সিয়া-দ।
- আসুবুৱা : সিয়া-দ তাইবদে চাঙ হাই থাংনাই তঙ সাঅই
 মানয়াতা।

আসুবুৱা বাই কাথি থাংকা।
 সদার বাই সেঙবুবাগ্ৰা ফাইকা।

- সদার : চিনি তকথু হাজাৰি কামিঙনি বররকবা অরদেক
 সে কীৰ্ত্তাইখীনাবীলা বিয়াঙ-ব নগ সেলায়ই
 থাংবাইখা সাঅই মানলিয়া বিয়াঙ-ব থাংবাইখা
 তাম হিনই সানানি।
- সেঙবুবাগ্ৰা : রাজানি খাজনা রিঅই মানলাইয়া উঙগই
 থাংলাইখীনাতা আগিনি হাই খাই-ন খাজনা
 বকসিনয়াই তনিখাই চাখামন, আগি
 তনতীই-ন তনিখাই উঙখামন। আবতীই খাই
 প্রজারক-ব খাৰগীলাখামন।

- সদার : বুবাগ্রানি ইতসায়াদেবা, বুবাগ্রা জে সামানি
চাঁঙত আবনন মা খীনানাইবেলে, বিনি
ককন-ব চাঁঙ ফিরগই মানয়া হিনকাই বিনি কক
তাই-ন চাঁঙ মা তঙনাইবেলে।
- সেঙবুবাগ্রা : অ খারই থানাইরকসে বিয়াঙ-ব খারই থাং
বাইখা সাঅই মানলিয়া।
- সদার : থাংকাই হাকচালরগ-ন থাংবাইখীনা বুবাগ্রা
সাঅই মানয়া জাগার-গ। উল র-গ হিনকাই
সাঅই মানানী অ খারই থাংনাইরক ব-র
থাংগই তঙগইলাইখা।
- সেঙবুবাগ্রা : আব-ত উল সাঅই মাননাই ব-র থাংগই
তঙগইলাইখা।

সদার বাই সেঙবুবাগ্রা থাংকা।
বুবাগ্রা বাই তসিল ফাইকা।

- তসিল : বুবাগ্রা খুলুমকা বুখীলাই ফিকুঙ য়ামফীরা চানী
তান খীলাই কতকনি থাই নুগানী নিনি প্রজারক
অরদেকনি বিসি-ন কীরীইখা বিয়াঙ-ব খারই
থাংবাইখা খাজনা রমজাগনানি কিরিঅই।
খাজনা-বা, কিসিসাচে মানবুসিঅ কীবাঙ খাই
মানবুলিয়া জত-ন খারই থাংমানি বাই।
- বুবাগ্রা : অ আব কুবুই দা তসিল নীঙ ম কক-ন সামানি।
- তসিল : আঙ কুবুই-ন সাঅ বুবাগ্রা।
- বুবাগ্রা : নীঙ তাবুক থাংসিদি তসিল আঙ নাইয়ানী
বরকন।
- তসিল : খুলুমকা বুবাগ্রা, আঙ থাংকা।

তসিল থাংকা।

- বুবাগ্রা : নরগ আ-ন খাজনা রিয়াঅই খারই থাঙনাই
রকসে দীলা, নরকন আঙ ফানচা নায়ই খিবানী
নরগ তাম খায়ই খাজনা রিয়াঅই য়কগই থাং

আঙ বুবাগ্ৰা থাইয়াঅই তঙখাই, আঙ তাবুক
থাংগই বুবাগ্ৰা কুসু বাই ককন
চাবলাইগীরানাখু।

বুবাগ্ৰা থাংকা।

আসুবুৱা বাই মইনাক ফাইকা।

মইনাক : দা আসু তকথু হাজাৰি কামিঙগ তঙরীক-
নাইরকনি সীলাইবা চাঙ কামিঙ সেঅই খারই
ফাইনাইরকসে বিসি খায়ই বাঙসিনা বেলে,
চাঙব তাবুক কক থানচা খুক থানচা খায়ই
তঙলাই খাই বুই তাই চাঙন পাইনাই কীরাই।

আসুবুৱা : সীকাঙনি খাজনানসে রিলায়ই কুলকলায়ই
মানয়া আবসে তাবুক তাই উইসা বিসি খায়ই
বকসিনই রিনানি হিনকাই আবদে তাই রিঅই
কুলকলায়ই মানসি? চাঙ অর খারলায়ই
ফাইকাবা কাহাম-ন-উঙখা।

মইনাক : আবতাই য়াখাই তাই য়সে য়কলিয়াতা।
আসুবুৱা : তাবুক জত-ন বখরক বমদরপ খায়ই নক রক
তাঙবাইগীরাখন। সালচা চাঙ জত-ন পানদা
খায়ই আচুগই ককন সালাইয়ানী তাবুক নিরাল
খায়ই তঙগাদি।

মইনাক : আউ দা আসু তাবুক নিরাল খাইন তঙলাই-
গীরানাই। তাই থাইচা কক উঙখা চাঙ অর
খারই ফাইলাইমানি ককন কে বাই কেব তা
সালাইদিকু। রাজা খীনাকাই চাঙন রমই ফান
তীলাঙগই থাংপাই মান'। আহাই-ন নিরাল
খায়ই তঙলাইনানি খীলাইগীরাডি। আবতাই
হিনই জতনন সাঅই রিবাইদি তেতেব তাতাব
খায়ই।

আসুবুৱা

: আউ নিনি আব হিনব কক চামানি-ন।

আসুবুৱা বাই মইনাক থাংকা।

বুবাগ্ৰা বাই বুবাগ্ৰা কুসু ফাইকা।

বুবাগ্ৰাকুসু

: খলুমকা বুবাগ্ৰা তাম খাইনানি বাগই আন মা
রিঙখাসীলাই, তাম কাম তঙ আঙ বাই বুবাগ্ৰা ?

বুবাগ্ৰা

: নাহাৱদি চিনি তকথু হাজাৰি কামিঙ প্ৰজাৱক
চীঙন খাজনা ৱিনানি কিৱিঅই অৱদেকনি বিসি
বৱক বিয়াঙব নগ সেঅই থাংবাইখা।
আববাই-ন চীঙ খাজনা পাই সুগই মাননানি
কক মানবাইসুকনিয়া। তাবুক চীঙ তাম
খাইনানি হিনই ককন চাবনানি বাগই-ন নন
আঙ ৱিঙগ, সাদি তাবুক চীঙ তাম খাইনানি।

বুবাগ্ৰাকুসু

: আব খাই চিনি কামিঙনি বৱৱকন খাৱি অই
ৱিহৱ কীনা চিনি বিৱিনদিয়াৱক তঙগ বৱক-ন
কামিঙ কামিঙগ কীসাৱি ৱিঅই সীঙৱিঅই
নাইদি, সীঙগই খৱকসা ফান নগ সেঅই
থাংমানি-ন নুগ হিনই গসেয়াখাই বুঅই ফান
মা সীঙনাইতা। আবতীই খায়ই সীঙগই ফা-ন
গসেয়া হিনকাই ৱমই ফা-ত ফান থিকিলাইয়ই
মা তনিফাইসিনাইতা। খীনানি সিমি-ন অ
কামন খাইদি বুবাগ্ৰা। কাম-ন খাইনানি হিনকাই
দাকতি-ন খাইমানি চাঅ।

বুবাগ্ৰা

: আউ আবতীই-ন খাইনাই।

বুবাগ্ৰা বাই বুবাগ্ৰা কুসু থাঙকা।

বিৱিনদিয়া, চবাৱাই তাই চাকসিয়া ফাইকা।

বিৱিনদিয়া

: এই নিনি মুঙ তাম।

চবাৱাই

: আনি মুঙখাই চবাৱাই।

- বিৱিনদিয়া : নীঙ নিনি কামিঙনি বরক কুবুনি জাগা খারই
নগ সেঅই থাংমানি নীঙ সাঅইদে মান ব-র
নগ সেঅই থাংকা ?
- চবাহই : ইহি আব আঙ সাঅই মানয়া হুজুর ।
- বিৱিনদিয়া : নীঙ নিনি নগ গানানি বরক কুবুনি জাগাঅ নগ
সেঅই থাংমানিদে নীঙ সাঅই মানয়া ? নীঙ
থিক খায়ই সাদি, নীঙ সায়াখাই নন ম লাথা
বাই-ন বুনাি ।
- চবাহই : নরগ আন বুফা-ন বুদি আঙ সাঅই মানয়া ।
- বিৱিনদিয়া : সালা মীখীরা বীসান ম লাথা বাই-ন
সীপীৱাকগীৱানা ।
- চবাহই : অ মাইঅ আন আসীক খায়ই তা বুদি আঙ
সাঅই মানয়া বুই খগই নগ সেলায়ই থাং
মানিন, অ মাইঅ আন আসীক খায়ই তা বুদি
আঙ থাঁইনানি উঙখা । আঙ সাঅই মানয়াবা
সাঅই মানয়া-ন হিনই সাঅ ।
- বিৱিনদিয়া : সাদি নীঙ চাঙন মাসেমা সানাই ব-র নগ সেঅই
থাং ।
- চবাহই : নরগ আ-ন বুথারই ফা-ন খিবই ৱিদি আঙ
সাঅই মানয়ানবা মানয়া-ন হিনই সাঅ ।
- বিৱিনদিয়া : নিনি মুঙ খাই তাম সীলাই ?
- চাকসিয়া : আনি মুঙ খাই চাকসিয়া ।
- বিৱিনদিয়া : নীঙ খাই সাঅইদে মান নিনি নগ গানানি বরক
নগ সেঅই থাংমানি ব-র নগ সেঅই থাংকা ?
- চাকসিয়া : আবখাই আঙ নু-ব নুকয়া সাঅই-ব মানয়া ।
- বিৱিনদিয়া : নীঙ ম ককন চাঙন সামানি নিনি ম সই ককদা ।
- চাকসিয়া : আউ আনি ম সই কক-ন ।
- বিৱিনদিয়া : ম তে-ব চালাক বরক ৱিদি বন লাথা বাই ।
- চাকসিয়া : আইয় আঙ সই কক-ন নরক সামানিদে নরক
আন বুঅ নরক আন বুথারসে খিবদি তে-ব
আঙ তাতাল সায়া নরক-ন ।

বিরিনদিয়া : নীঙ চাঁঙন তাতাল সায়া নন তাবুক ফা-তসে
খিকিলায়ই রিনানি নীঙ তাতাল সায়া বরকন।
হিমদি রমদি খাদি বন তাতাল সায়ান ফা-ত
ফুনুগগই রিঅইগীরানাখু।

বিরিনদিয়া, চবারাই, চাকসিয়া থাংকা।

উদয়, কিতঙ, দুলিয়া ফাইকা।

কিতঙ : আবনি উলখাই তাই তাম উঙখা দাবুরা ?
উদয় : আবনি উল খাই রাজা নকবুরুম নকবুরুম
বিরিনদিয়া রকন রিহরই সৌঙরিখা। সৌঙরিঅই
সঅই মানয়া বররকন হিনকাই বুঅই তগই
লানসান খায়ই নকসগই হুগ সগই পিসার
পিবুঙ খায়ই রমই তুবই ফা-ত কুপুলুঙ খায়ই
দাঅই রিফাইবাইখা। যাঙগ কামিঙনি বীরাই
চেরাইরক মাই মৌচায়া তীয় মানীঙয়া উঙগই
থাইবাইখা সিমা কীরাই উঙগই।
দুলিয়া : আবনি উল হিনকাই তাই তাম উঙখা দাবুরা ?
উদয় : আবনি উল খাই অ তকথু হাজারি কামিঙ
নিরাল নিবানদ উঙগই তকথু পুঙগই থাঙখা,
তাবুক খীনাди আঙ সাউনী।

উদয়, কিতঙ, দুলিয়া থাংকা।

বিরিনদিয়া, চনদিয়া ফাইকা।

বিরিনদিয়া : নিনি মুঙ খাই তাম উঙখা।
চনদিয়া : আনি মুঙ হিনকাই চনদিয়াত।
বিরিনদিয়া : নীঙ নরকনি কামিঙনি বররক খারই নগ সেঅই
থাংমানি কুবুনি জাগাঅ আ-ব সঅইদে মান ?
চনদিয়া : আঙ আবলে সঅই মানয়া।

- বিরিনদিয়া : নীঙ সাঅই মানয়া, রিদি ব-ন লাথা বাই মাঙ
থুপুসারি।
- চনদিয়া : আইয়ু অ মাইয়ু আ-ন আসীক তা বুবাই সিদি
আঙ তাবুক কুবুই কক নন সাঅই রিনাই।
- বিরিনদিয়া : সাদি খাই চাঁঙ নন বুলিয়া সায়া হিনকাইলে
চাঁঙ বুনাই নন, নীঙ সইসই কুবুই ককন সাদি
বিয়াঙগ খারই নগ সেঅই থাংবাইখা।
- চনদিয়া : আঙ কুবুই ককন সাকাই নরক বুনিয়া বেলে।
- বিরিনদিয়ারক : আউ নীঙ কুবুই ককন সাকাই চাঁঙ নন বুয়া।
- চনদিয়া : ম তকথু হাজারি কামিঙনি বররক রাজানি
খাজনা রিনানি রাঙ পইসা কীরীই বাই
তসিলরক বাই মাই রাঙ লুতা রিচুম কুবুক খাই
জাগনানিন কিরিঅই নগ সেঅই খারই
থাংবাইখা দঙদরাই হাচীক বেসের কুনাঅ বলঙ
কুথুক বিসিঙগ।
- বিরিনদিয়া : আউ চনদিয়া নীঙ কক কুবুই-ন সাকা চাঁঙন,
নীঙ অ দঙদরাই জাগান নীঙ চাঁঙন তীলাঙগই
ফুনাগই মা রিঅইনাই. অঙথা নন চাঁঙ তিনি
বুলিয়া ফিয়গই রিখা নীঙ চাঁঙন তাতাল
সালিয়ানাবেলে।
- চনদিয়া : আঙ নরকন তাতাল সায়া কুবুই-ন সাঅ।

বিরিনদিয়ারক তাই চনদিয়া থাংকা।

বুবাগ্রা কুসু, বিরিনদিয়ারক ফাইকা।

- বুবাগ্রাকুসু : বিরিনদিয়ারক নরকন কামিঙ সেঅই
থানাইরক-ন খবর আনতীরা নাহারদি হিনই
কামিঙ কামিঙগ রিহরমানি নরক অ নগ সেঅই
থানাইরকনি খবর আনতীরাদে মানখা,
বিয়াঙগ নগ সেঅই খারই থাংবাইখা আবরক?

- বিরিনদিয়ারক : খলুমকা বুবাগ্রাকুসু। আউ চাঙ অ নগ সেঅই
খারই থাংনাইরকনি খবর মানখা বুবাগ্রা কুসু।
- বুবাগ্রাকুসু : আবরক বিয়াঙ ফাইসিঙগ থাংবাইখা হিন
সীলাই খারই?
- বিরিনদিয়ারক : বরক হিনকাই যাঙ পুব গীলানি হাচীক বেসের
দঙদীরাঙ জাগা হিনমানি আরসে খারই থাংবাই
ফন।
- বুবাগ্রাকুসু : বরগ তামঙগই খারই মা থাঙলাই হিন?
- বিরিনদিয়ারক : বরক খারই নক সেঅই থাংমানি হিনকাই
রাজানি খাজনান রিঅই মানয়া উঙগই
তসিলরক বাই মাইরাঙ লুতা রিচুম কুরুক
খাইজাগানী হিনই খারই থাঙলাইখা হিনতা,
রাঙ পুইসা কীরাই রিঅই মানয়া বাই।
- বুবাগ্রাকুসু : অ আহাইদা আঙ আব চিনি বুবাগ্রা বাই
সালাইয়ানী আব তাম খায়ই মান।
- বিরিনদিয়ারক : আউ বুবাগ্রা কুসু নীঙ কিসা চিনি বুবাগ্রা বাই
সালাই আকলাই বররকন তাম খীলায়ই মান
কিসা নাইজাবাদি।
- বুবাগ্রাকুসু : আউ আঙ সালাইয়ানী।

বুবাগ্রাকুসু, বিরিনদিয়ারক থাংকা।

বুবাগ্রা, বুবাগ্রাকুসু, ফাইকা।

- বুবাগ্রা : বুবাগ্রাকুসু বাহাই? অ নগ সেঅই খারই
থানাইরকনি খবরদে খীনাকা বরগ বরঅ খারই
থাংবাইখা।
- বুবাগ্রাকুসু : খলুমকা বুবাগ্রা। অ নগ সেঅই খারই
থাংনাইরকনি কক্স আঙ খীনাকা, বরগ হাচীক
দঙদরাই বেসের কুনাঅসে খারই তঙলাই ফন।
- বুবাগ্রা : বরক তঙমা চামা তামঙগই নগ সেঅই

- খারলায়ই থাঙলাই হিন সীলাই অসই অসইবা ।
- বুবাথাকুসু : অসই অসইয়া বুবাথ্রা অ নগ সেঅই খারই থানাইরক বরগনি রাঙ পুইসা কীরাইজাগ । বরগন তসিল, খাজনানি রাঙ পুইসা সানই রিঅই মানয়া হিনকাই কুবুক খায়ই মাইরাঙ লুতা রিচুম তীলাঙগই থাঙ বাইয়ানী হিনই সে খারলায়ই নগ সেলাই থাংবাই ফন ।
- বুবাথ্রা : বরগনি অ রাঙ পুইসা কীরাই হিনই কামিঙন খিবই নগ সেলায়ই থাঙলাইমানি আব আঙ সাঅই মানয়া বরকনি রাঙ পুইসা কীরাই খাজনা রিঅই মানয়া-ন । আঙ বরকনি থানি খাজনা নাহারনাই-ন নাহারনাই । বরক সাব সাব নগ সেলাই খারলায়ই থাং আঙ তাবুক বিরিনদিয়া- রকন সাঅই রিহরডানী নরক জে খারই নগ সেঅই থাঙনাইরকন জতন-ন রমই খাঅই তুবদি হিনই ।
- বুবাথ্রাকুসু : চীঙ তাবুক বরগন আবতীই খায়ই রমই নাহারকাই চিনি প্রজারকদে খা নাঙগই থাংবাই-ন বুবাথ্রা ।
- বুবাথ্রা : আনি সিপাই তঙগ সমতিরি তঙগ বরক আন পাইন ?

বুবাথ্রা, বুবাথ্রা কুসু থাঙকা ।
বিরিনদিয়ারক, চনদিয়া ফাইকা ।

- বিরিনদিয়ারক : চনদিয়া হিমদি কাই নীঙ চীঙন সামানি দঙ দরাই হাচীক বেসের কুনাঅ খারই থাং নাইরক তঙগই তঙমানি জাগাঅ চীঙন তাবুক আরঅ তীয়ই হিমদি ।
- চনদিয়া : দ হিমদি কাই আঙ নরগন তীলাঙগই ফুনুকগই

রিঅই ফাইয়ানী অ দঙদরাই হাচীক বেসের
গিলামা চাল’।

বিরিনদিয়ারক

: দ চালই থাংতন তে-ব চাঙ আর থানানি-ন
নাঙনাই।

চনদিয়া

: বিরিনদিয়ারকন তীলাঙগই ফুণুগই রিঅই
খাই-ন বিরিনদিয়ারক অ নক সেঅই খারই
থাংনাইরকন জতন-ন রমই খাঅই তুব বাইখা
তুবই জত-ন ফা-ত খিচনই রিফাই- বাইখা,
জতই অ নগ সেলাই খারই থাঙমানি জাগাঅ
আসু বুৱা হিনই খরকসা-ন রমজাগয়া উঙগই
য়গই তঙরীকসিঅ। অ আসু বুৱা তকথু
হাজারিনি কামিঙ সেঅই ফাইপুবুঅ বিনি
লগিঅ মসক মীসাই উাগ তক তকথু তকবুলু
তমসা তককুবু তাই তকসা তকতাই জতন বিনি
লগিঅ রীক থারই ফাইবাইখা।

বিরিনদিয়ারক বাই চনদিয়া থাংকা।

আসুবুৱা বাই কাথি ফাইকা।

কাথি

: চাঙ জে ফাইনাইরক জতনসে বুবাথানি
বিরিনদিয়ারক রমই তীলাঙগই থাংবাইখা চাঙ
তাবুক তাম খায়ই তঙলাইনানি অর। যাঙব
অর উঙখা বলঙ কুথুক হাচীক বেসের
তঙথকয়া জাগা।

আসুবুৱা

: তাই তাম খাইনানিবা চিনি তঙথাই-ন অর
হিনকাই তাই বর খায়ই চাঙ খারই
থাংচিনানিবা, চাঙ জে খারলাই ফাইমানি সে
খারই তঙগই মানসুকলিয়া চিনি বুবাথা
খীনাঅই জতনসে রমই তীলাঙগই ফা-ত
খিকীলায়ই রিঅইখা।

- কাথি : আউ আবত আহাই-ন তে-ব চাঁঙ অরঅ
তঙলাইনানি কিরিমিসিসা য়াদেবা ।
- আসুবুরা : আউ ককত আহাই-ন নীঙ কুসতাম ফা-ন তা
উনাদি । আঙসে তঙবেলে চিনি অগ' বীসা
বীতাই কীরাই ফা-ন কুসতাম উঙয়া, আঙ
য়াখুঙ ডাঅই হাতিঅ ফাল মামাঙ চালাইয়ানী
তাই তাম খাইনানিবা ।
- কাথি : উদি নিনি য়াখুঙন তাই তাম খায়ই তঙনানিবা,
চিনি অগ' ফা-ন সা কাইসা সীক তঙখাই
উঙখামনতা ।
- আসুবুরা : কীরাইখাই তাই তাম খাইনানি সীলাই, আবত
চীলা ফা-ন বীরাই ফা-ন কাইসা সীক বীসা
তঙখাই উঙখামন তা ।

আসুবুরা, কাথি, থাঙকা ।
চবারাই, চাকসিয়া, ফাইকা ।

- চবারাই : দা চাকসিয়া চাঁঙ বাহাই ম ফা-ত মাঙ কীলায়ই
চিনি জিবন কুসুঙসা খায়ই থাইলাঙবাইনানি ।
- চাকসিয়া : মীসীক অইনাই খাইজাগইদে বানচেলায়ই
মান ? নীঙ তা উনাদি চিনি বাগই-ব কাইসায়া
কাইসালে বীচানাই তঙগানী । চাঁঙ নগ গানাঅ
হুগ-ন হগমানি সে চালিয়া । নগ গানাঅ হুগ
হকয়া হিনকাই ন চিনি বুবাথ্রা থাইগীলাখামন
চাঁঙব ফা-ত কীলাইগীলাখামন ।
- চবারাই : চাঁঙ জেসা তেসা বুবাথ্রা কুসু-ন বুবাথ্রা চঙগই
রিয়াকাই-ন চানানি বন বুবাথ্রা চঙগই-ন চাঁঙ
দেৱানানি কীলাইসিঅ ।
- চাকসিয়া : ফাইদি চাঁঙ ফা-ত হাবই তঙনাই বাই তঙনাই
কক থানচা লাম থানচা উঙলায়ই
তঙলাইয়ানী ।

চব্বাৰাই : ফা-ত কীলায়ই তঙনাইৰকন সীঙকা নৰগ
জত-ন কক থানচা লাম থানচা খায়ই
তঙলাইবাইয়ানীবাীলা ।

ফাত' তঙনাইৰক ফাইকা ।

ফা-ত কীলায়ই তঙনাইৰক সাকা আউ চীঙ
জত-ন থানচা খায়ই-ন তঙনাই আবতীই
য়াখাই চীঙ তাই বানচেলিয়া ।

চাকসিয়া : আহাই কাই চীঙ তিনিনি সিমি-ন কক কাইসা
খুক কাইসা খায়ই তঙসিনাইতা না ?

চব্বাৰাই : আহাই কাই নৰগ কুবুই খাঅই সীমাই
তাঙবাইদি ।

ফা-ত কীলাইনাইৰক : আউ চীঙ জত-ন সীমাই তাঙখা থানচা
তঙনানি হিনই ।

চব্বাৰাই, চাকসিয়া, তাই ফা-ত কীলাইনাইৰক থাঙকা ।

আসুবুৰা বাই কাথি ফাইকা ।

আসুবুৰা : আঙ য়াখুঙ ডাংগীৰানা, নীঙ আনি বাগই দুমা
বাইসা সীগই তুবই ফাইদি-দ ?

কাথি : আউ নীঙ তাবুক থাংগই য়াখুঙ ডাঅইগীৰাদিখ
আঙ মাইতীক তীকসা সঙগই মুফুনই নন দুমা
বাইসা সীগই তুবই খানি ফাইয়ানী ।

কাথি থাংকা ।

আসুবুৰা : ম য়াখুঙন তিনি ডাবাইখাইসে খীনা হাতিঅ
ফালই হাতি সম ম-স তুবই ফাইনানিম
য়াখুঙ-ন তিনি ডাবাইয়াকাই চাসে চায়া তিনি

জেসা খাই ফা-ন ম যাখুঙন ডাবাইনানিসে
নাঙনাই।

কাথি ফাইকা।

কাথি : হিনদি আঙ দুমা সাগই তুবই ফাইকা, নীঙ দুমা
নীঙফাইগীরাদি; যাখুঙ ডামানি বুখুক মীনামই
তঙখীনা।

অ জরাত খাই তকথু মাসা পুঙগই তঙফাইকা।

তকথু : কুকেরে কু, কুকু; আসু বুরাসা যাখুঙ উনাইসা
আন-ব খাঁই তনফাইলিয়া।

কাথি : হাই ম তকথু তাম হিনই পুঙগই তঙখা খীনাদি।
আসুবুরা : বীরীই খাই বীরীই বিয়াঙ বিয়াঙ তকথু
পুঙমানি-ন খীনাঅই তঙখা বুই বলঙনি
তকথুবা বিনি পুঙমুঙ-ব পুঙতা হিন’।

তকথু : তাই উইসা পুঙসাউকা-কুকেরে কু, কুকু আসু
বুরাসা যাখুঙ উনাইসা আন-ব খাঁই তন
ফাইলিয়া।

কাথি : ম তকথু আহাই-ন আহাই খায়ই পুঙগই
তঙসাউকা খীনাই নাইদি নীঙ তকথু পুঙমানি।

তকথু : তাই উইসা পুঙসাউকা কুকেরে কু, কুকু, আসু
বুরাসা যাখুঙ উনাইসা আন ব খাঁই তন
ফাইলিয়া।

আসুবুরা : হাই কুবুই-ন তিতে আনসে খাঁই তনফাইদি
হিনবেলে।

কাথি : আহাই কাই খাঁই তনই নাইদি খাই অ তকথুবা
খাঁইঅ আকনদে নাঙন, নাঙখাই চাঁঙ তকথু
মসেদেঙ চালাইয়ই মান’। তিনি খাঁইন রিঅই

- নাইদি খাই তকথু সাঅই তঙমানি-বা নাঙগই
ফা-ন মান’।
- আসুবুরা : উহু তাবুক যাখুঙ ডাঅই তঙম তঙম তকথুনি
খাই রিঅই নাইলা সোলাই তকথু খাইঅ নাদে
নাঙন নাদে নাঙয়া।
- কাথি : নাঙখাই নাঙখা নাঙয়াখাই নাঙয়া তব খাই
রিঅই নাইদি।
- আসুবুরা : আউ আহাই কাই রিঅই-ন মা নাইসি
নাই-নতা। আঙ খাই রিনানি থাংকা।
- কাথি : আউ থাংদি।

আসুবুরা বাই কাথি থাংকা।

চিলঙতি বাই দয়াতি ফাইকা।

- দয়াতি : চিনি দঙদরাই কামিঙগ চীলারক খরকসা ফা-ন
কাঁরাই উঙগই কামিঙ সায়েই তঙখা বেলে
সিরিঙ সিরিঙ উঙসুগই। ম খালিসা নাঙনাই
রাজান বুবাথা হিনই রিজাগই চাঙ জতন
থেকেলাইসুকলাইখাবেলে। চিনি বুবাথা
সিতিরা উঙয়া হিনকাই চাঙ মাতাই হাচীক কুনা
দঙদরাই কামিঙগ-ব মা ফাই গীলাখামন, চিনি
বীসাইসঙব ফা-ত কাঁলাইনানি
নাঙগীলাখামন। অবতীইয়াদে মারে।
- চিলঙতি : আউ আবতাইন মারে চিনি রাজা হাময়া বাই-ন
চাঙ তকথু হাজারি কামিঙনি-ব ম বলঙ কুথু-গ
সেঅই মা ফাইগীলাখামন। চিনি ম রাজান
সেঅই কুবুনি রাজা খায়ীই চঙগই রিঅই
মানখাই চাসুকখামনতা মারে, চিনি বীসাইসঙত
অ ফা-তনি তাই য়গলাই ফাইলাই
মানলাইগীলাখা আর-ন সগই মা
থাইলাইসিনাই।

- দয়াতি : আউ আবতাই-ন উঙনাই মারে, ফাইদি চাঙ
থানচা উঙলাইয়ই মুঙসা বুইদি খীলাই লাইয়ই
ম রাজান খিবই রিহরই দে মান-ন নাইলাই
মানলাইখামনতা ।
- চিলঙতি : আঙব আবতাই-ন বীখা বিসিঙগ উানসুগই
তঙগ মারে । চাঙ বিনি প্রজারক জত-ন থানচা
উঙগই বন রাজা হিনই মানেলিয়া খাই-ন ববা
রাজা ফলতসা খাই কগই মা থাংবেলে ।
- দয়াতি : আউ আবলে আহাই-ন মারে ।
চিলঙতি : চাঙন চীলা উঙগই খরকসাসীক চুবা চরুনাই
তঙখাই উঙখামন মারে চাঙ পাল খায়ই থাংগই
রাজা বাই চবা নাঙলাই মান- খামন, চাঙ
পালনদে ব সাইচুঙ পাই ।
- দয়াতি : আউ আবলে কুবুই-ন মারে আঙবা আবতাই
খাই সীরাঙগইসে তঙগ, চিনি রাজান
নাইসেলেনাই খাই কীবাঙ-ন উঙখা ।
- চিলঙতি : সালচা রিলাইনানি ফা-ন কীলায়ই মান' তা-ম
হিনই সানানি মীতাই খায়ইদে তঙলায়ই মান
রাজা বাই হিনই ।

চিলঙতি বাই দয়াতি থাংকা ।
আসু বুৱা বাই কাথি ফাইকা ।

- আসুবুৱা : ফাইদি নীঙব কিসা আনি ম য়াখুঙন উাচুবু
গীৱাদি, দাকতি উাখাই উাঅই পায়ই হাতিঅ
তীলাঙগই ফালইনানি নাঙগানী । আয়াঙ বেলে
বলঙনি লামাতাই খাই কিফিলই ফাইনানি
নগ' ।
- কাথি : আউ আঙব উাচুবুনানি-ন হিনই তঙগ । আঙ
য়াঙগ খায়ই য়াখুঙন উাউনী নীঙ য়াঙগ খায়ই
উাদি ।

অ জরাঅ তকথু পুঙসাউখা ।

- তকথু : কুকেরে কু কু কু, আসু বুরাসা য়াখুঙ উনাইসা
আন-ব খাঁইনি তীলাঙ ফাইলিয়া ।
- কাথি : হাই ম তকথু বিয়াঙ ফাইসিঙব পুঙগই
তঙসাউখা আন-ব খাঁইনি তীলাঙ ফাইয়া হিনই
খীনাঅই নাইগীরাদি ।
- আসুবুরা : ম বীরীই খাই বিনি খুনজু বাই বিয়াঙনি তকথু
পুঙমানিন খীনাঅই তঙখা দানদা পিনদা
ককরকন ।
- তকথু : তাই উইসা পুসে পুঙসাউখা, কু কেরে কু কু
কু আসু বুরাসা য়াখুঙ উনাইসা আনব খাঁইনি
তীলাঙ ফাইলিয়া ।
- কাথি : ইক তাই উইসা পুঙগই তঙসাউখা ।
- আসুবুরা : অ কুবুই-ন তিতে আঙ খাঁই রিমানি তকথুসে
পুঙগই তঙখীনাবেলে । আঙ থাঙগই
নাইগীরানা হিনই থাঙগই খাঁই চাক মানিন
নাইয়ই নাইবা কুবুই চাচা-ন ললা লাই খায়ই
খাঁই চাকমানিঅ নাঙগই তঙখা আফুবু হিনকাই
আসুবুরা অ জানবা হিনই অ তকথুন খাঁইনি
সেপেলেঅই নগ' তুবই ফাইকা নগ' তুবই
খাঅই তনিফাইকা ।
- কাথি : বীসাই আসুবুরা তকথুন তুবমানি নুগই
হামজাগই তঙখা মইসেদেঙ খায়ই চানানি
বাগই ।

আসুবুরা বাই কাথি থাংকা ।

বুবাগ্রা বাই বুবাগ্রা কুসু ফাইকা ।

- বুবাগ্রা : বুবাগ্রা কুসু তাবুকলে আনি কামিঙ নিরাল
উঙগই মা থাংখা, কাইসা ফা-ন হালাগুলা
উঙনাই কীরীইখানা বুবাগ্রা কুসু ।

বুবাগ্রাকুসু

: আবতাই হালাগুলাত উঙনাই কাঁরাইখা তবে
নগবুরুমবুরুম-ন অ-মা অ-মা অ-বা হিনই
কাবলায়ই সিমি-ন তঙলায়ই উর নাঙলায়ই
তঙবাইখা। জানি জানি বাঁসাই জানি জানি বুফা
ফা-ত' কাঁলায়ই তঙমানি বাই তাই জতনি
নগ-ন চালাইমুঙ নুঙলাই মুঙব কাঁরাইখা।
আবয়াই-ব ডাসেক ডারেঙ-ত কিসা ফা-ন
কাঁরাইখা হিনই মান'। তাবুক খাই আঙ জে
নুগমানি মাইন মীচায়া অগ বুকচা উঙগই
কাঁলায়ই থাইলাই-ন তঙলাইখা বুবাগ্রা।

বুবাগ্রা

: বুবাগ্রাকুসু তাবুক জরাতাই খরক বাঁসীক
থাইলাইখানা নীঙ সাঅইদে মান সাঅই
মানখাই সাসীলাই।

বুবাগ্রাকুসু

: খুলুমকা বুবাগ্রা তাবুক জরা তাঁই বাঁসীক-ব
থীয়ই থাঙকা আবলে আঙ সাচুগই মানয়া
বুবাগ্রা।

বুবাগ্রা

: থাইতন থাইতন তেবসে থাইতন আ-ন খাজনা
রিয়া উঙমানি হা, হা, হা, বরক থাইকাইসে
আঙ চানানি তেব' বিসি খায়ই।

বুবাগ্রাকুসু

: চিনি প্রজারক জত-ন থীয়ই থাঙবাইখাই নীঙ
সাব বাই রাজা হিনজাগনানি সীলাই বুবাগ্রা ?

বুবাগ্রা

: জত-ন পাইসুগই থীয়ই থাঙয়া জে কাঁথাঙ
তঙনাইরক বাই বরক বাই আঙ বুবাগ্রা
হিনজাগই তঙগানীতা। আবনি বাগইদে
ডীনাঅই তঙ ? প্রজারকন আবতাই খাইয়া খাই
চায়া, আবতাই বরকন আঙ খাই কাইসে বরগ
আন কিরিঅই খাজনা রিনানি আবতাই খাইয়া
হিনকাই বরগ আন খাজনা রিয়া আবতাই
বাইসে বরগন মা খাইঅ। হা হা হা নীঙ সাঅই
মানখাদে খানাকা বুবাগ্রা কুসু।

বুবাগ্রা কুসু

: আউ আবলে আবতীই-ন।

বুবাগ্রা বাই বুবাগ্রা কুসু থাংকা।

আসু বুবা বাই কাথি ফাইকা।

[আসুবুরা বাই বিহিগ কাথি অ তকথু খাইঅ
নাঙমানিন রমই তুবই নগ' খাইঅ তনিফাইকা
উল রাখারই মইসেদেঙ খায়ই চালাইয়ানী
হিনই। বরগ তাই উইসা থাঙগই হিচাকনাই
বরগ উামানি যাখুঙন থাংগই উালায়ীই
তঙগইলাইখা]

আসুবুরা

: বিহিগ-ন হিনকা বাপারি নীঙ তকথু পুঙমানি
ককন বুজিঅ-নতা। আঙ হাতিঅ থাংগই ম
য়াখুঙন ফালই হাতি সম ম-স তুবই ফাইকাই
সাইরিগ' হিনকাই ম তকথুন রাখারই সগই
হাঙগই মসদেঙ খায়ই কাহামকাই
চালাইনানিতা।

কাথি

: আউ আবলে আবতীই খাই-ন চালাইমানি
হাম'। নীঙ হাতিঅ থাংগই যাখুঙ ফালই
দাকতি-ন নগ' ফাইদি, অ তকথুন রাখারই
মসদেঙ খায়ই চালাইনানি হিনকাইবা।

আসুবুরা

: আউ আঙ দাকতি-ন ফাইয়ানী যাখুঙ
ফালবাইখাই আঙ আর তাই তাম খাই তঙনানি
বা দাকতি-ন ফাইনাইতা আর বর লেরই
তঙনানি, লগিদে মান' আবসে।

তকথু

: পুঙসাউখা কুরেরে কু কু কু আসু বুবাসা যাখুঙ
উানইসা আনব জাঙগাঅ চবই তনলিয়া।

কাথি

: হইম তকথুবা পুঙগইসে তঙসাউখাবেলে আন
তামঙগই জাঙগাঅ চবই তনলিয়া হিনই।

আসুবুরা

: নুকখাদা বখাই অ তকথুন পুঙমানিসে

- খীনাসাঅই তঙসাউখা, তকথুন জাঙগাঅ
চবতেনানি হিনইবা পুঙ ফন !
- কাথি : আউ আবতীই হিনই-ন পুঙগ, খীনাদি তাবুক
তাই ডাইসা পুঙগানু নীঙ খীনাঅই তঙদি ।
- তকথু : কুকেরে কুকুকু আসুবুরাসা য়াখুঙ উনাই সা
আন-ব জাঙগা উঅই চব ফাইলিয়া ।
- কাথি : ইক নুগখাদা আ-ন জাঙগাঅ চব ফাইলিয়া
হিনই পুঙগই তঙগ । নীঙ তকথু জাঙগাসে
উঅই অ তকথুন চবই রিগীরাডি, থাংদি হাতিঅ
থাঙয়াসানি ।
- আসুবুরা : উহু তাবুক তকথু জাঙগা-ন উঅইনাই সীলাই
আয়াঙবেলে হাতিঅ থানানি হিনই দঅই
তঙমানি দাকতি ফায়ই নন রাখারই চাফাইনানি
হিনই তঙমানি ।
- কাথি : থাংদি হাতিঅ থাংলাঙ আকলাঙ জাঙগা উঅই
অ তকথুনসে চবই কীলাঙগীরাডি উল হাতিঅ
থাংথানি ফনসে হাবলাঙ সিদ ।

আসুবুরা বাই কাথি থাংকা ।
সদার বাই, বলনতিয়া ফাইকা ।

- সদার : বাহই বলনতিয়া চিনি তকথু হাজারি কামিঙনি
খবর তাই বররক তাবুক বুবতীই খায়ই
তঙবাই ? নরকলে বলনতিয়ারকবা বেরাই
খেরাই কামিঙন নাইকলনাই রকবা ।
- বলনতিয়া : তা সাদি সদার চিনি কামিঙ খাই দুরদসা নাঙগই
তঙখা, মাই মীচায়া তীয় মা নুঙয়া উঙলায়ই
চেরাই অকীরা থাইলাইবাই মানিসে কুল
কাঁরাইখা, নক বুরুম বুরুম থাইলায়ই তঙবাইখা,
আবন নীঙ নুগখা কাই তাই তঙগই
মানগীলাখামন ।

- সদার : আউ উঃ রাজা কিসা খাজনা মানয়া বাইসে বররকন আবতাই খায়ই খিবইমান তাই তাম হিনই সালাঙনানি ককন, যাঙ প্রজারক খাই মীচায়া মানুঙয়া খায়ই থাইলাইঅ, যাঙ রাজা খাই বেলে খিচিলাঙ তামই মৌনাইয়। প্রজারক জতন কক থানচা উঙলায়ই মানলাইখাই নীঙ রাজা হিন-ব থেলে থেকেখামন, ফুঙচাই-ন রাজা কগই মা থাংখামন।
- বলনতিয়া : প্রজারকনি বিসিঙ-ব বাগসা নীঙ সামানি কক নন সালাইয় চীঙ জত-ন কক বাগসা খুক বাগসা উঙগই মানখাই ম রাজান সকগই খিবই মানখামন হিনই সালাইঅ।
- সদার : আব সালাইনানি-ন কাম উঙগই তঙখা, রাজা বদে তাই প্রজারকন সাক নাঙসি রাজাবেলে গীনাঙ প্রজারক বেলে কীরাই। কীরাই বাই গীনাঙ দে তাই থানচা উঙসি, কীরাই বাই গীনাঙ বেলে হাবাই নখা বাই চালমানি সীক চাল’।
- বলনতিয়া : খাজনা কিসা মানয়া হিন বদে জতন-ন ফা-ত’ চবই রিবাইনানি সীলাই আব ককনসে সলয়া উঙগই তঙখা, হাঅ খীনায়া নগ’ খীনায়া উাগমা কঙগরাই মান’ হিনমানি হাই।
- সদার : নরকনি ককখাই সহই-ন।

সদার বাই বলতিয়ারক থাংকা।

আসুবুরা বাই কাথি ফাইকা।

- কাথি : অ নীঙ হাতিনি সকফাইখা, সকফাইখা হামকা অ তকথু-ন দাকতি রাখারই মসদেঙ খায়ই হরনি মাই চালায়ই থুলায়ই মান’। নীঙ ফায়ই সকফাইখা হামকা।

- আসুবুরা : আউ আঙ আব বাই-ন দাকতি ফাইঅ, তাই
কিসা লেরই ফাইনানি হিনমানিসে অ তকথু-ন
রাথারই চালাইনানি হিনই-ন আঙ হাতিনি
দাকতি কীসাই ফাইসিঅ হিনদি হাতিনি পায়ই
তুবই ফাইমানি মানাইরকন খাতি ফাইবাইদি।
- তকথু : পুসে পুঙউখা কুকেরে কুকুকু আসু বুরাসা য়াখুঙ
উনাইসা আ-ন নীঙ তা রাথার গীরাদি।
- কাথি : হাই নীঙ খীনাকাদে, অ তকথুবা আন তা
রাথারগীরাদি হিনইসে সাবীলা।
- আসুবুরা : নুকখাদে উঙসাউখা অ তকথু তাম হিনই-বা
পুঙখা ব তাম জাতেরে জাত খীনাসাই
তঙসাউখা।
- কাথি : অ কুবুই-ন তা রাথারদি হিনই সাঅ অ তকথু।
- তকথু : কুকেরে কু কু কু আসুবুরাসা য়াখুঙ উনাইসা
আন তা রাথারগীরাদিখ আনি থানি কক তঙখ।
- কাথি : খীনাকাদা নীঙ তাবুকলে তকথু সামানি ককন।
- আসুবুরা : আউ আঙ তাই অ তকথুন রাথারলিয়া খাই।
তাবুক হর' তামনসে সঙগই চানানি
নাইসীলাই। আয়াঙ বেলে আঙ অ তকথুন
রাথারই চানানি হিনইসে কুসতাম কাকাইন
ফা-ন তুবই ফাইয়া, তাবুক হর' তামনসে মুই
সঙগই চানানি উঙখা নাইদি।
- কাথি : আউ রাথারলিয়া হিনকাই তঙসিতন, উল'
জেতাই-ন অ তকথুন রাথারই চালাই মান' তাম
তঙবা?

আসুবুরা বাই কাথি থাংকা।
বিরিনদিয়ারক ফাইকা।

- বিরিনদিয়ারক : এই তকথু হাজারি কামিঙনি বররক নরগনি
ন-গ বরক থাইলাই থাঙলাই উঙগই তঙ ফা-ন

নরক থানচা খায়ই তঙলাই মানলিয়া, থানচা
 খায়ই চালায়ই মাননিয়া থানচা খায়ই রাজানি
 ককন সাঅই কক চাবলায়ই মাননিয়া তাই
 রাজান সেজাঅই ককনব সালায়ই মাননিয়া,
 নরগ রাজান সেজাঅই ককন চাবলাই খাই
 আবন রাজা খীনাকাই নরগন খরকচা খরকচা
 খাই সকলাইবাই কগই বুথারই খিবই
 রিবাইনাই। চাঙ বিরিনদিয়ারক ম ককন রাজানি
 হুকম বাই নরগন সাঅই কীলাঙগ।

বিরিনদিয়ারক থাংকা।
 আসুবুরা বাই কাথি ফাইকা।

- আসুবুরা : ফাইদি চাঙ ফুঙ কীচাঙগ নীঙ বাই আঙ বাই
 যাখুঙন উলাইখাই কাঙসা পায়ই দে মানন
 নাইলায়ানী সীকাঙনি হাতিঅ কাঙনীই
 কাঙথামসীকদে তীলাঙগই মানন, তীলাঙগই
 মানখাইবা তাই কিসা রাঙ পুইসা বিসি খায়ই
 মান’।
- কাথি : দ উডানীতা। যাখুঙ কাঙ থাম সীকদে নন
 রিহর মানন, সীকাঙনি হাতিঅ।
- তকথু : জাঙগা বিসিঙগ তঙতীতীই পুঙগ কুকেরে
 কুকুকু আসুবুরাসা যাখুঙ উনাইসা কামিঙ
 কইসাঅ কক থানচা-ব উঙলাইয়া।
- কাথি : নীঙ তকথু পুঙমানি খীনাকাদা চাঙ কামিঙ
 কইসা উঙগই কক থানচা-ব উঙলাইয়া ফন।
- আসুবুরা : তাই তাম কামিঙ কক থানচা উঙলাইনানি
 তঙলাইবা জত-ন তঙলাইঅ চালাইঅ।
- তকথু : তাই উইসা পুঙখা কুকেরে কুকু আসু বুরাসা
 যাখুঙ উনাইসা রাজা নরগন সাতক পিতক
 খাইমানি আবনি বাগই কক-ব চাবলাইয়া।

- কাথি : খীনাকাদা তাবুকলে রাজা চাঁঙন সাতক পিতক
খাই তঙমানি আবনি বাগই কুসতাম ফা-ন কক
চাবলাইয়া হিনই তকথু পুঙগ, নরগ কুসতাম
ফা-ন কক সালাইয়া-ন।
- আসুবুরা : আউ কুবুইয়া খাই তাম সীলাই? আসীক রাজা
জত চীলারকন-ন রমই তীলাঙগই ফা-ত
খিকিলায়ীই তনিমানিসে কে কাইসা ফা-ন
সেজাঅই ককন সালাইয়া তকথু পুঙমানি আব
কক সই কুবুই কুবুই-ন। নীঙ খীনা থাংদি
চিলঙতি বাই দয়াতিন রিঙগই নাহারই ফাইদি।

আসুবুরা বাই কাথি থাংকা।
চবারাই বাই চাকসিয়া ফাইকা।

- চাকসিয়া : দা চবারাই চাঁঙত ফা-ত কীলাইলাইয়াই
তঙলাইখা মীচা ফা-ন মা নীঙ ফা-ন চিনি
বিহিগ বীসা তাম খায়ই তঙলাইখা তাম খাইবা
চলাইখা তাম হিনই সানানি।
- চকরাই : তাই তাম হিনই সাচিনাই মীচাইদে তঙখা মা
নীঙগইদে তঙখা খীয়ইদে তঙখা থাঙগইদে
তঙখা, চাঁঙদে তাই চিনি বিহিগ বীসা বাই তাই
মালাইলাঙসি, চাঁঙবা ম ফাত'-ন কীলায়ই
থাইলাইসিনাই তাঙসীকখা বুবাগ্রা কুসুন রাজা
চঙগই রিঅই চাঁঙন।
- চাকসিয়া : চাঁঙ খাই জেসা তেসা ফা-ন উঙথন চিনি নগনি
বিহিগ বীসানসে বিসি খায়ই ডানাঅই ফাইঅ
থীদে থাইবাইখা থাদে থাঙ বাইখা সাঅই
মানলিয়া বুবতীই জানি-ব উঙলায়ই
তঙবাইখা।

- চকরাই : আউ আব-ন ডীনামাসিঙসা ককতা। তাবুক
কাইসাসীক ফা-ন চিনি বাগই বাঁচানাই তঙখাই
উঙখামনতা।
- চাকসিয়া : মীতাই খাইলে তঙগই মানয়া ম চীঙ জেসা
মুঙসায় মুঙসালে মা খাইলাইনাই।
- চকরাই : আউ নিনি আব খাই কক থিক-ন।

চকরাই বাই চাকসিয়া থাংকা।
কাথি, চিলঙতি তাই দয়াতি ফাইকা।

- দয়াতি : তাম খাইনানি চীঙন রিঙ সীলাই বাচাই।
- কাথি : চিনি কামিঙনি চীলারকন মাসা ফা-ন ফিয়গগই
কীলাঙয়াঅই মাসা ফা-ন কীরাই খাঅই
জতনন রমই তীলাঙগই ফা-ত বিসিঙগ দাঅই
তনিবাইখা, যাঙগ চীঙখাই ব বাই-ব থানচা
উঙলায়ই মানয়া থানচা তঙলায়ই মানয়া,
থানচা খাই কক সালাইয়া উঙলায়ই তঙলাই
তঙলাইঅ। ফাইদি চীঙ বাঁরাইরক ফা-ন থানচা
খায়ই ককন সালায়ই তঙলাইয়ানী নগ কাইসা
হাই খাই ফাইদি।
- চিলঙতি : আউ বাচাই নিনি আব খাই কক সহ-ন, ফাইদি
আঙ খরকসা তঙগ, ফিয়া ম ককন চীঙ সিমিসে
সালাইদিবা কেবনব তা সাদি হানি-ব খনজু
তঙগ, চীঙ সিমি-ন সালাই- নানি খাইদি।
- কাথি : চীঙ তাবুক নীঙ বাই আঙ বাই সিমিনসে ম
ককন সালাইবা আব বুইন সানানি ককদেবা ?
- দয়াতি : অঙখা চীঙ তাবুক বিসিঙ বিসিঙ আউইসে
খীলাইলাইনানি আবতাই খাই ম রাজান
উলতগই খিবইদে মানন নাইলাইয়ানী চীঙ
জত-ন থানচা খাই।

কাথি

: নরগ তিনিনি সিমি-ন মাতীই কামন খাইনানি
খাইদি তেব তেব খাই বুই খীনায়া জাত খাই,
নরগ খীনাঅ ফাইবাইদি আনি নগ' আর আনি
বীসাই-ব তঙগানী।

কাথি, চিলঙতি তাই দয়াতি থাংকা।

চিলঙতি বাই দয়াতি ফাইকা।

দয়াতি

: মিয়াঅ বাচাই কাথি ফায়ীই চীঙন সাফাই-
মানি-বা বেলাই কাহামনি ককসেবীলা,
আবতীই খায়ীই চীঙ জত-ন কক থানচা
উঙলায়ই খিবলায়ই মানখাই চিনি রাজান
উলতগই খিবই রিহরনানি বিসি খাই কক
বাঙয়া।

চিলঙতি

: চীঙ তাবুক জত-ন কক থানচা খুক থানচা
উঙগই মানখাই-ন তাই উনানানি নাঙলিয়া,
তাবুক চীঙ পুইলা চিনি ম কক সাঅই থানচা
খায়ই তিসানানিসে চীঙ বিসি খাই
লেঙপীরাঅই থাংগীরানাই।

দয়াতি

: আকন তীরীক তীরীক খাই খাইয়ানীতা, তিনি
কিসা খীনা কিসা খাই চীঙ আবতীই খাই
তঙগই বুইন বুজকসীগই রিঅই মানখাই-ন
তাই উনানানি কীরীইখা, চিনি-মত কক
হাময়া-য়াবেলে রাজা গীনাঙ কতরনি য়াগনি
খমতান চীঙ কাঁরাই রক সেগই চিনি য়াগ'
খমতান তুবুই ফাইনানিসে দীলা।

চিলঙতি

: চীঙ তাবুক নীঙ বাই আঙ বাই তাই দাদা
আসুবুরানি বিহিগ বাচাই কাইসা হিনকাই চীঙ
তাবুক জরাতীই খরকবাঁরাই উঙগই তঙখা
তাই জে ফা-ত কীলাইনাইরকনি বিহিগসঙত
জত-ন চিনি ম আনদলন' ফাই

দয়াতি

চিলঙতি

চিলঙতি

হাবফাইবাইনাইন, আবন কারই-ব তেইব ফাই
হাব ফাইনাই। হিমদি তাবুক চাঁও দাদা আসুবুরা
বাইসে মালাই খিবলাই- গীরানাখু।

: খীনাঅ খাই থাংলাইসিডানীতা-না ?

: আউ খীনা-ন থাংলাইসিনাই খীনা নীঙ
দাকতি-ন ফাইদি।

: আউ খীনা-ন থাংলাইসিনাই খীনা নঙ
দাকতি-ন ফাইদি।

চিলঙতি বাই দয়াতি থাঙকা।

গুয়া ফাইকা।

গুয়া

: আউ, কামিঙ কামিঙগ হাতি হাতিঅ রাজানি
ককর্তাই খাম বুঅই রিমানি-বা বুইন ফা-ত
কীলাইয়ই তঙবাইথন হিনইসে খাম বুঅই
রিজাগসিঅ, আঙ হাই কীরীই খরঙ খরঙ
বররক বা খাজীনা রিঅই মানয়া উঙগই ফা-ত
কীলায়ই তঙবাইনানি-নতা, তাই তাম খাইনানি
তঙবা। রাজারক গীনাঙরক কীরীইরক তাম
খাই বানচেলায়ই তঙলাই কিসা ফা-ন সাঅই
মানয়া-ন। গীনাঙ বাই কীরীইলে নখা বাই হা
চালমানি সীক চালই তঙগ। রাজারক কীরীইন
কিসান ফা-ন খাইরকয়া-ন, আয়াঙবেলে প্রজা
কীরীই হিনকাই রাজা সে কীরীই ম ককন
ডানসীকনাই কেবসে কীরীই। নীঙ রাজা
উঙগই উইসালে মনি বদি নাঙগানী।

গুয়া থাংকা।

আসুবুরা, কাথি, চিলঙতি তাই দয়াতি ফাইকা।

আসুবুরা

চিলঙতি

: নরক ফাইবাইখা আহাই দে।

: আউ চাঁও ফাইকা দাদা।

- দয়্যতি : নীঙ চাঁঙন ঝিঙখাই চাঁঙ ফাইকাতা দাদা ।
- আসুবুৱা : আউ নৱগ ফাইকা হামকা নৱগ বাই আহাই-ন
তঙতীতীই কক থাইচা থাইনীই সালাইনানি
হিনই-ন নৱগন ঝিঙগই নাহাৱ আঙ-ন ।
- চিলঙতি : তাম ককন সানানি তঙ চাঁঙন বীখা খুলকগই-ন
সাদি দাদা তা কিরিদি তা লাচিদি ।
- কাথি : বৱগ কীনীইন আঙ উসীকাঙন সাঅই তিনি
তুবই ফাইঅ, নীঙ বৱগন জে কক-ন সানানি
তঙগ সাঅই ঝিহরদি, বৱগ নিনি ককন
খীনানি বাগই-ন ফাইঅ ।
- আসুবুৱা : চাঁঙ মীতীই খায়ই তঙগই চায়াখ, নাহাৱই
নাইদি নীসাইৱকসঙ হিনকাই তাবুক ফা-ত
কীলায়ই তঙবাইখা চাঁঙ বেলে ন-গ সিরিঙ
সিরিঙ খায়ই আচুকলায়ই তঙবাইখা । চাঁঙ
কিসানি ফা-ন হদিস কীৱীই উঙগই ফাইদি চাঁঙ
জতন থানচা উঙগই কক বাগসা খুক বাকসা
উঙগই তঙখাই মনি লামা-ন তাঁঙসা ৱমলাইয়া
হিনকাই বৱগ ফা-ত সিমি-ন তঙগই সগই
সুমই গেলেঅই থাংবাইয়ানী । ফাইদি চাঁঙ
তাবুক কক ৱাগই তাম খাইলাই মান,
নাইলাইয়ানী চাঁঙ জত-ন পাল খায়ই, চাঁঙ খাই
পাল ৱাজখাই সাইচুঙ, সাইচুঙ দে পালন পাই,
গীনাঙৱক খাই বিসি বাঙয়া চাঁঙ কীৱীইৱকসে
বিসি বাঙগ নিয়াদে? চাঁঙ কীৱীইৱক বাগসা-ন
বাকসা উঙগই মানয়া বাইসে বৱগন চাঁঙ
পাইয়া, চাঁঙ কীৱীইৱক জত-ন থানচা উঙগই
মানখাই তিনিনি বিসিঙ-ন গীনাঙৱক-ন
উথগই ঝিহরই মান' ।
- কাথি : নৱগ তাবুক থাঙগই তিনিনি সিমি-ন চাঁঙ
তাবুক সালাইমানি ককৱকন সালাইনানি খাইদি
বিসি লেৱই তা তঙদি ।

চিলঙতি : আউ চীঙ তাবুক থাংকাই-ন ম ককন
সালাইয়ানী।

কাথি : খবরদার রাজা খীনাঅই থাংগানী নাইদি।

আসুবুরা, কাথি, চিলঙতি তাই দয়াতি থাংকা।

কাথি বাই আসুবুরা ফাইকা।

আসুবুরা : হিমদি চিনি যাখুঙ ডানানি-ন পায়ই রিঅই-
গীরানা, অ যাখুঙ পাই রিখাইসে খীনাঅ
হাতিঅ তীলাঙ থানানি উঙগানী।

কাথি : হিমদি খাই পাই রিলাইগীরানা হিনই হিচাকনাই
যাখুঙ ডীলাই তঙখা ককন সালাইয়াই।

তকথু : পুঙগই তঙউখা-কুকুকে কুকুকু আসু বুরাসা
যাখুঙ ডানাইসা নীঙ তা ডানাদি নিনি-ব বীসা
চীলা কাইসা।

কাথি : হাই ম তকথু তাম হিনই পুঙ সীলাই খীনা
গীরাদি-বা নীঙ, তাম বীসা কাইসা হিনই
পুঙগ।

আসুবুরা : তাম আহাই জাতেরে জাত উঙসাই তঙসাউখা
বীসা বীসা বীর্তাই বীর্তাই তকথু জেসা-ন পুঙগ
আবদে তাই খীনাঅই কুল মান' বলঙনি
তকবা।

তকথু : পুসে পুঙসাউখা কুরেরে কুকুকু আসুবুরাসা
যাখুঙ ডানাইসা নীঙ তা ডানাসিদি নিনি-ব
বীসা চীলা কাইসা।

আসুবুরা : হাই চিনি-ব বীসা চীলা খরকসা উঙনানি তঙ
হিনবেলে অ জান আহাই খাইত কাহামসে
উঙখা।

কাথি : কুবুই-ন আনি বহগ-ব তাম অগলালাই হাই-ন
উঙগই তঙগ, অখলাই চায়ে চায়ে চাঅই আঙ
সাক কুপুলুঙ-ন উঙখীনা।

- আসুবুৱা : অ জানবা আহাই খাইবা কাহামসে উঙখা
চিনি-ব অগ' সা কীরাই আয়াঙ-ব চিনি বীসা
চীলাসে হিন'।
- কাথি : উঙসিথন বীসা খরকসা ফা-ন তাই তাম
খাইনানিবা, বুই হাই-ন চিনি-ব বীসা তঙনানি
নাঙবেলে।

আসুবুৱা বাই কাথি থাংকা।
বুবাগ্ৰা বাই বিৱিনদিয়া ফাইকা।

- বিৱিনদিয়াৱক : খুলুমকা বুবাগ্ৰা, নীঙ চীঙন তাম খাইনানি
রিঙসীলাই? নীঙ চীঙন সাদি নীঙ চীঙন জে
সামানি আবন-ন চীঙ খাইনাই।
- বুবাগ্ৰা : নরগ সালবুবুমবুবুম চিনি তকথু হাজাৰি
কামিঙন নাইকলদি সাব আনি বকন সেজাঅই
সালাই। জে আন সেজাঅই সালাইনাইন রমই
তুবই ফায়ই ফা-ত' খিচনই ৰিফাইদি। নরগ
তিনি নি সিমি-ন অ কামন মা খাইনাই।
- বিৱিনদিয়াৱক : আউ চীঙ তিনি নি সিমি-ন অ কামরকন
খাইয়ানী নীঙ চিনি বাগই তা উানাди বুবাগ্ৰা।
- বুবাগ্ৰা : সুদু তকথু হাজাৰি কামিঙগয়া, আন খাজনা
ৰিনানি কিৰিঅই খাৰই থাংবাইনাই দঙদরাই
হাচীক বেসেৰ' থাংগই তঙনাইরকন-ব থাঙগই
মা নাইচমনাই।
- বিৱিনদিয়াৱক : আউ বুবাগ্ৰা, চীঙ অ দঙদরাই কামিঙগব থাংগই
নাইচমনাই নীঙ কুসতাম ফা-ন তা উানাди
বুবাগ্ৰা।
- বুবাগ্ৰা : আঙ নরগ তঙসাক আঙ কুসতামন ফা-ন'
উানায়া, আঙ নরগনন আসাঅই তঙগ।
- বিৱিনদিয়াৱক : চীঙ নকবুবুম নকবুবুম কীসাঅই সাব তাম

ককন সাঅই তঙ চীঙ জতন খীনাচমই
নাইচমই ফাইনাই বুবাগ্ৰা ।
বুবাগ্ৰা : আউ আবতাই-ন খাইদি ।

বুবাগ্ৰা বাই বিরিনদিয়ারক থাংকা ।
চিলঙতি, দয়াতি তাই কামিঙনি বীরাইরক ফাইকা ।

চিলঙতি : চিনি দঙদরাই কামিঙনি বীরাইরক ফাই
বাইখাদা জত-ন । ফাইবাইখাই আনি ককন
খীনাবাইদি ।
দয়াতি : সাদি নীঙন সীকাঙ চিনি বীরাইরকন ।
চিলঙতি : নাহারদি রাজা চিনি বীসাইসঙন রমই
তীলাঙগই থাঙমানি গিলামা সাল উঙগই
থাঙকা, তিনি জরাতাই-ব চিনি বীসাইসঙ যগই
ফাইয়াখ-মনি বাগই চীঙ মুঙসায় মুঙসা কাম
মা খাইনাই, উঙয়াখাই চিনি বীসাইসঙ অ
ফা-ত'-ন থীয়ই সগই সুমই থাঙনাই । চীঙ
তাবুকনি সিমি-ন কক থানচা খুক থানচা খায়ই
মা তঙলাইনাই আনি আসুক-ন কক ।
দয়াতি : নরগ চিলঙতিনি ককন খীনাবাইখীনা বীলা,
নরগ ম ককন কাহাম হিনই বুজিখাই য়াফা
খরবই কাহাম হিনই সাদি ।
বীরাইরক : য়াফা খরবই কাহাম হিনই সাবাইখা ।

চিলঙতি, দয়াতি তাই কামিঙনি বীরাইরক থাংকা ।
কাথি ফাইকা ।

কাথি : আ-ন তকথু সামানি নিনি বীসা চীলা উঙগানী
হিনই কুবুই চাচা-ন চীলা-ন উঙখা, বুইনি
হই-ন আনি-ব বীসা উঙখা আঙব তাই বীসানি

বাগই ডীনানানি নাঙলিয়া, বাবু নীঙন আনি
উলনি নীঙন আনি সীকাঙনি নীঙন আনি
জতনি উঙনাই। নীঙ হামই তঙদি নীঙ চাঅই
তঙদি আয়ুক কুপুলুঙ মানই থায়ুক কুপুলুঙ
মানই।

আসুবুরা ফাইকা।

- আসুবুরা : হদি আন উইসা আনি বাবুন-ব সিমি-ন বামই
তঙগ আ-ন খাই উইসা ফা-ন হরয়া।
- কাথি : তঙগীরাডি তাই সীরাপসা তঙগই নীঙ বামদি
আঙ বামমানি সে আইসি যকয়াখ, নীঙ তাই
কিসা তঙগীরাডিখ।
- আসুবুরা : হদি আন হিনই সেগই নাহারই বামখা।

কাথি বাই আসুবুরা থাংকা।

চিলঙতি বাই বিরিনদিয়া ফাইকা।

- বিরিনদিয়ারক : নীঙ বরনি বীরীই উঙখা।
- চিলঙতি : আঙ দঙদরাই কামিঙনি বীরীই।
- বিরিনদিয়ারক : নরগনি ম কামিঙগ চিনি রাজান সেজাঅই
ককদে সালাই তাতাল তা সাডি চীঙ-ন।
- চিলঙতি : তামঙগই রাজান সেজালায়ই কক সালাইয়া
উঙনানিসীলাই? চুঙ কীরীই খরঙ খরঙ বররক
খাজনা রিঅই মানয়া উঙগই রাজানি তসিল
চিনি মাইরাঙ লুতা রিচুম কুবুক খায়ই তুবই
ফাইখাই চীঙ লাঙতা লাঙতি তঙগই মান-ন,
আববাইন চীঙ দঙদরাই কামিঙগ নক সেলায়ই
ফাইলাইমানিসে চিনি জতনি বীসাই সঙন রমই
তীলাঙগই ফা-ত বিসিঙগ খাই দাঅই

তনিবাইনানি হিনকাই চাঙ তামঙগই রাজান
সেজাঅই কক সালাইয়া উঙনানিবা । নরগ-ত
রাজানি বিরিনদিয়ারক নরগ উানসগই নাইবাই
সীলাই ।

বিরিনদিয়ারক

: আউ ককত আহাই-ন, তবে নরগ কক থাইচা
খীনায়া দেবা রাজা রাঙ কাঁরাই সিয়া, উাঠাই
নগ কাঁরাই সিয়া-আব বাইন রাজা বাই প্রজা
বিসি খায়ই চাললাইঅ নখা বাই হা বাই চালই
তঙমানিসীক । তেব নরগ রাজান সেজাঅই
ককন তা সালাইদি রাজা খীনাকাই মুঙসাসীক
উঙগানাবেলে । চাঙ থাংকা ।

বিরিনদিয়ারক থাংকা ।

চিলঙতি

: নরগ বাহাইখাই আনি ককন ফিরকগই মানলিয়া
সীলাই নাঙমানি ককনদে ফিরকগই মান । চাঙ
তাবুক লামাঅ পাহারা তনিঅই পানদা
আচুকলাইনানি তকসা তকতাই ফা-ন সাঅই
মানয়া জাত চারিঅই ।

দয়াতি ফাইকা ।

দয়াতি

: তাম বাচাই চিনি কামিঙগ বিরিনদিয়ারক ফায়ই
থাং পাইখা হিনবা, তামখাইনানি ফাই হিন ?

চিলঙতি

: চিনি কামিঙ কাইসাসীকদে রাজান সেজাঅই
তঙ কাইসাসীকদে বিনি বাগই হাময়া ককন
সালাই, বন সেজালায়ই পানদাদে আচুকলাই
তঙ আবন নাইকানি খীলাই ফাইঅ ।

দয়াতি

: নীঙ খাই তাম হিনই সাঅই রিহরখা সীলাই
বাচাই ?

- চিলঙতি : আঙ খাই কাহামখাই-ন সাতই রিহরখা চাঙ
 রাজানি খাজনা রিঅই মানয়া হিনকাই
 তসিলরক চিনি মাইরাঙ লুতা রিচুম-ন কুবুক
 খাই তীলাঙজাগনানি কিরিঅই চাঙ দঙদরাই
 কামিঙগ নগ সেলাই ফাইলাইমানি সে চিনি
 বাসাই সঙনরমই ফা-ত থিকিলায়ই তনিবাইখা
 আবনি বাগই চাঙ তামঙগই রাজান সেজাঅই
 কক সায়া উঙনানি হিনই সাতই রিখা ।
- দয়াতি : উলখাই তাম হিনলাই তঙলাইখা সীলাই ?
- চিলঙতি : বিরিনদিয়ারক আউ হিনই মা গসেবাই খাতা,
 নাঙমানি ককন গসেয়াই তঙগই মান ?
- দয়াতি : নীঙ কাহাম খাই-ন সাতই রিহরখা অ
 বিরিনদিয়ারকন ।
- চিলঙতি : তাবুক খাই চিনি থাঙমানি ফাইমানি লামাঅ
 পাহারা আচুক রিঅই চাঙ পানদা কতর খায়ই
 আচুকলাইনানি জত-ন তীয়ই আফুবু খাই চিনি
 দাদা আসুবুরানব তনিনানি আচুক রিঅই ।
- দয়াতি : নীঙ থিক কক-ন সাকা ।

দয়াতি বাই চিলঙতি থাংকা ।
 বিরিনদিয়া বাই চনদিয়া ফাইকা ।

- চনদিয়া : বিরিনদিয়ারক নরগন আঙ দঙদরাই কামিঙগ
 তীলাঙগই থাঙগই আঙ রমরিঅই রিহরমানি
 বররক তাবুক-ব ফা-ত বিসিঙনি যকয়াখদা,
 আব তাম হিনমানি কক উঙখা সীলাই বরকনি
 বিহিগ বাসা তাম-ব উঙলায়ই তঙজাবাইখা
 সীলাই ?
- বিরিনদিয়ারক : আব চাঙ তাই সাতই মানলিয়াবেলে আব
 বুবাথাসে সাতই মানসিঅ ।

চন্দ্রিয়া : রাজা কামবুলা রাজা য়াগ বুলা হিনমানিলে
কুবুই-ন।

বিরিনদিয়ারক বাই চন্দ্রিয়া থাংকা।
সদার বাই সেঙবুবাগ্রা ফাইকা।

সেঙবুবাগ্রা : সদার নাইতে নাইতে চবারাই চাকসিয়াসঙ
ফা-ত কীলাই লাইমানি তাকীলাই বাই বিসি
সিনিরক উঙগই থাংকীনাবেলে বালকয়াদা
বরগ ফা-ত কীলাইলাইমানি।

সদার : আউ আবলে আবতাই-ন বিসি সিনি-ন উঙগই
থাংকা। তাম বরগনি বাগই চিনি বুবাগ্রা-ন
কুসতাম ফানসে সামানি খীনায়াবেলে বরগ
তাই অ ফা-তনি য়কয়াঅই মাঙদে অ
জাগাঅ-ন থীয়ই গেলে অই থাংলাইসিনানি
আবলে চায়া-দ।

সেঙ বুবাগ্রা : চায়া হিনই তাই তাম খাইনানি তঙবা, আব
চানানি চায়া বুবাগ্রানিসে কক উঙসিঅ।

সদার : দ-নগ সেঅই খারই-ন থাংকা খাজনা রিঅই
মানয়া খাই তসিলরক বাই কুবুক খাইজাগনানি
কিরিঅই, দ বরগ খারনাই রকনি-ন চায়া খাই
উঙখা, উঙফা-ন বিসা বিসিকনাইরক তনিঅই
ফা-ত বিসিঙনি ফিয়গই রিহরখাই চাখামনতা।

সেঙবুবাগ্রা : বুবাগ্রাদে তাই আব-ন জাই তঙসি নীঙ জেসা
ফা-ন উঙগই তঙদি।

সদার : আউ ককলে আহাই-ন।

সদার বাই সেঙ বুবাগ্রা থাংকা।
চিলঙতি বাই দয়াতি ফাইকা।

দয়াতি : দাদা আসুবুরানি বীসীলা কয়া তাকীলাই বাই

বিসিসিনি উঙগই থাঙকা বেলে! বা-বাহই
আমসীক বসর-বা উঙগই থাঙকা
সারীকগইসে মানসীলাবলিয়া বেলে বসর বা
দাকতি থাংগ-ন তিতে।

চিলঙতি

: বসর থাংমানি আহাই-ন সাচীলাবই মারীক
য়াবুফুবু থাঙ বুফুবু ফাই। অ দাদা আসুবুরানি
বীসীলা কয়া আচাইমানি উসু কাঙগ হাইসে
মা তঙগ, বুফুবু-ব আসীক উঙগই থাংকা
আঙলে কিসা ফা-ন সারীকগই মারীকলিয়া।

দয়াতি

: আঙ সীলাই আবতীইন সারীকগই মানয়া।
চীঙ থানচা খাই তঙলাইনানি থানচা খাই
চালাইনানি হিনই সালাইমানি-ব আগিনি
সীলাই তেইব বিসি খাই রাগখা, তাবুক নীঙ
জেসাকাই ফা-ন সালাইসিদি জেসা খাই ফা-ন
তঙলাইসিদি চীঙন সেজাঅই সানাই তাই
কে-ব কীরীইখা।

চিলঙতি

দয়াতি

: আউ তাবুক খাইলে চীঙ রাজা বাই চবা ফা-ন
নাঙলাই সানখা চীঙ হাই মাঙ হিনকাই।

চিলঙতি

: চীঙ আগি তঙগই ফাইমানি তকথু হাজারি
কামিঙগ চিনি ম কামিঙ হাই খাই হাবসুগই
মানয়াখু, চীঙ আর-ব কিসা কিসা খাই হাবনানি
নাঙগানী।

দয়াতি

: তাবুক চিনি লগিঅ চীলা মাসাসীক তঙখাই-ন
উঙখামন, আকন চীলা-ব খরকসা ফা-ন
কীরীইখা দীলা, জতনন রমই তীলাঙগই ফা-ত
খাই দাঅই রিঅই- বাইখা দীলা তাই তাম ককন
সানানি।

চিলঙতি

: চবা নাঙনানি হিনকাই চীঙব চবা-ন নাঙগই
মানখা, চীঙ বীরীইরক হিনকাইবা চবা-ন
খীলায়ই মানয়াদে হিনবা।

দয়াতি

: চাঁও হিনই চবান নাঙগই মানয়া তঙ?

চিলঙতি বাই দয়াতি থাংকা।

আসুবুরা বাই কাথি ফাইকা।

আসুবুরা

: চিনি বাঁসা বিসি সিনি উঙগই থাঙকা ব-ন তাই নাইনানি নাঙলিয়া ব থাঙগই তঙগীরাথন সাইচুঙ, আসানি ফাইদি চাঁও চিনি যাখুঙ ডাঅই পাইলাই খিবলাইগীরাণা ফাইদি।

কাথি

: আউ হিমদিকাই দাকতি পাইখাই পায়ই খিবমানি-ন হাম', আয়াঙবেলে খীনাঅ খাই-ন যাখুঙ তীলাঙগই হাতিঅ ফালই- নানি নাঙগানী। আহাই খাইসে হাতি সম ম-স তুবই ফাইনানি নাঙগানী।

তকথু ফাইকা।

তকথু

: কুকেরে কুকুকু আসু বুরাসা যাখুঙ উনাইসা বাঁসালা কয়ান চবাখাইনানি-ব ফীরাঁঙয়া।

কাথি

: হাই তকথুবা তাম চিনি বাঁসালা কয়া-ন চবা খাইনানি ফীরাঁঙয়া হিনই তঙখাবেলে।

আসুবুরা

: ম বাঁরাঁই খাইন বিয়াঙ বিয়াঙ তকথু চিনি বাঁসান চবা খাইনানি ফীরাঁঙয়া হিনমানি ককন খীনাঅই তঙখা।

কাথি

: হাই নন আঙ এরেঙদে সাবা খীনাদি তাই উইসা তকথু পুঙমানি নীঙ খীনাঅই তঙদি তাম হিনই পুঙ।

তকথু

: কুকেরে কুকুকু আসুবুরাসা যাখুঙ উনাইসা বাঁসালা কয়ান চবাখাইনানি-ব ফীরাঁঙয়া।

কাথি

: খীনাকাদে তাবুকলে তকথু তাম হিনই পুঙগই তঙ?

- আসুবুরা : আউ বীরীইচীক কুবুই চাচা-ন নীঙ আন সামানি হাইকাই-ন পুঙতিতে।
- কাথি : আঙ নন এরেঙদে সাবা। ফাইদি চবা খাইনানি-ন ফীরীঙনাই চিনি বীসীলান।
- আসুবুরা : ফাইদি তাখাই ফীরীঙলাই-ন রিলাইয়ানী।

আসুবুরা বাই কাথি থাংকা।
কয়া বাই মনি ফাইকা।

- কয়া : আনলে মা বাই বা চবা খাইনানি ফীরীঙ- নানি ফন। অ জান-বা আঙখাই চবা খাই- নানি সীরীঙনাই, নীঙ সীলাই মনি নীঙ খাই সীরীঙনানিদা।
- মনি : আঙব সীরীঙনাই, নীঙ বাই বাগসা খাই মা আন রিহরখাইবা আঙ নীঙ বাই বাকসা-ন ফাই সীরীঙনাই। চবা সীরীঙগই মানখাই-বা কাহামনি ককসে। ব সালনি সিমি নীঙ চবা খাইনানি সীরীঙনানি সীলাই ?
- কয়া : আঙ তাবুক-ব সাতই মানয়াখ, বাসঙবা বুফুবুবা ফীরীঙন।
- মনি : নীঙ চবান সীরীঙখাই আন-ব সাহরদি-দ? আঙ মান সাতই জেসাখাই ফা-ন চবা খাইনানি সীরীঙনানি বাগই ফাইয়ানী।
- কয়া : আউ আঙ নন জেসা খাই ফা-ন সাহর- ডানী।

কয়া বাই মনি থাংকা।
মনি বাই চিলঙতি ফাইকা।

- মনি : মা, দা কয়ানলে বুফা য়ঙচীলা চবা খাইনানি বাগই চবান ফীরীঙনানি ফন, মা আঙব চবা খাইনানি বাগই চবা খাইনানি সীরীঙ- নানি,

- মা নীঙ আন জেসা খাই ফা-ন চবান খাইনানি
বাগই চবা সীরাঙনানি হরদি দাদা কয়া বাই
বাকসা ।
- চিলঙতি : নীঙ চবা খাইনানি চবা-ন সীরাঙগইদে মান-
নবা বাবু ?
- মনি : মান' মা, দাদা কয়া-ন মানখাই আঙ খাইবা
তামঙগই মানয়া তঙনানি, আঙব মাননাই তা ।
- চিলঙতি : দ নিনি দাদা চবা সীরাঙনানি হিনই নন রিঙফুরু
খাই নীঙ থাংদি তা ।
- মনি : আউ মা আঙ আফুরু-ন থাঙগানী ।

মনি বাই চিলঙতি থাংকা ।
আসুবুরা বাই কাথি ফাইকা ।

- কাথি : তিনি-ত নীঙ য়াখুঙ ফালনানি বাগই হাতিঅ
থাংগানী, নীঙ হাতিঅ থাংকাই ব-ন ব-ন
তেবসা খায়ই সীঙগই নাইদি সাব' চবা-ন
খাইনানি সই সই খায়ই ফীরাঙগই মাননাই
তঙ । আবতাই মাননাই তঙখাইবা সেরেক চা
খায়ই তুবই ফাইদি ।
- আসুবুরা : আঙ তিনি হাতিঅ থাঙগীরানাতা থাঙকাই
বুই-ন তেব তেব খায়ই সীঙগই নাইয়ানী
সাববা সই সই খায়ই চবা-ন ফীরাঙগই মাননাই
তঙ ।
- কাথি : আবতাই সই সই খায়ই মাননাই তঙ খাইবা
তিনি- নিনি লগি খায়ই তুবই ফাইদি ।
- আসুবুরা : দ তিনি থাংগই নাই গীরানাতা ।
- কাথি : চিনি হাচীকনি দঙদরাই কামিঙগ কেনব
কিরিনানি কীরাই চীঙ জত-ন কক বাগসা খুক
বাগসা উঙগই তঙবাইখা ।

আসুবুৱা

: আউ ককত আহাই-ন তাবুক চিনি দঙদরাই
কামিঙ হাই তকথু হাজাৰি কামিঙগ চিনি মীতাই
খায়ই মানখাই-ন উঙ খামন-তা, উলে উঙগানী
উইসাসীক চিনি ম কামিঙ হাই গীনাঙন'
নাইসেলেজাগয়া কাইসা ফা-ন কীৰাই, তাবুক
বুজিঅই মানসীক য়াখ বাইসে থানচা উঙলায়ই
মানয়া খবা বুজিলায়ই মানখাই জত-ন চিনি
কামিঙ হাই-ন উঙনাইতা।

কাথি

: আঙ চবা ফীৰীঙনাইন নাইতুগদি হিন মানি-ন
তাপকদি-দ জেসা কাই ফা-ন নাই তুগই
তুবনানি খাইদি।

আসুবুৱা

: আউ আঙ পকয়া।

আসুবুৱা বাই কাথি থাংকা।
সদাৰ বাই চনদিয়া ফাইকা।

চনদিয়া

: আঙব খাজনা ৰিনানি কিৰিঅই নগ সেঅই
দঙদরাই কামিঙগ থানাইৰকনি মুঙন পুইলা
সায়ী উঙগই তঙমানি-ন আন বিৰিনদিয়াৰক
লাথা বাই মাঙ বুঅই ৰিখাই আঙ তাই
তাতাল-ন সাঅই মানলিয়া কুবুই ককন-ন
সাঅই মা ৰিখা, আউ নক সেঅই-ন থাংবাইখা
হিনই দা সদাৰ আৱৰক তাবুক-ব ফা-তনি
য়কয়াখনা।

সদাৰ

: আউ তাবুক-ব য়কয়াখ।

চনদিয়া

: উঃ আহাই খাই তাবুক-ব য়গয়াখ হিনকাই
বালগগই থাংকাবেলে চিনি ৰাজাবা বাহাই খাই
বৰগন আসীক সাল বালগইবা ফিয়গই ৰিয়াবা
উঙখা। য়াঙগ বৰগনি বিহিগ বীসাবা তাম-ব
উঙগই তঙখা তাম হিনই সাচিনানি।

- সদার : তাই তাম উঙনানিবা মীচায়া মানীঙয়া উঙলাই
তঙবাইখাতা আবতাই মীচায়া মা নুঙয়া উঙগই
বাগসাবা থাইলাই থাঙলাই উঙগই
তঙবাইখাতা, তাই তাম হিনই সানানি ।
- চনদিয়া : রাজারক আবতাই-ন খাইঅ, রাজা খাইবা
গীনাঙয়াদে, গীনাঙরকনি থানি কিসা ফা-ন
কাঁরাইনি ফাইসিঙ মায়া দয়া কাঁরাই বরগ
কাঁরাইরকনি থানি রাঙ পুইসা মানমানি বাইসে
কক ।
- সদার : ককখাই আহাই-ন, ম রাজান তকথু হাজারি
কামিঙনি বররক খরকসা ফা-ন হামজাগনাই
কাঁরাইখা ।
- চনদিয়া : চিনি ম বুবাথান প্রজারক হামজাগয়া মাঙ
উঙগই থাংকাই ব উল' মালে মান লাইয়ানী
নায়ই তঙদি, প্রজারক বাই-ন সালচা নুগগানু
বিনি রঙন-ব ।
- সদার : আবলে নুগনাই-ন ।

সদার বাই চনদিয়া থাংকা ।
আসুবুরা বাই বদনিয়া ফাইকা ।

- আসুবুরা : নীঙ বরনি বরক উঙখা ?
- বদনিয়া : আঙ কাঁপীরা কামিঙনি বরকসে ।
- আসুবুরা : নিনি মুঙ খাই তাম সীলাই ?
- বদনিয়া : আনি মুঙ খাই বদনিয়াতা ।
- আসুবুরা : নীঙ ম হাতিঅ তাম খাইনানি ফাইসীলাই ?
- বদনিয়া : আঙ তিনি ম হাতিঅ ফাইমানি খাই য়াখুঙ
ফালনানি বাগই ফাইঅ, য়াখুঙ ফালই হাতি
উঙগই তীলাঙগই থানানি হিনই ফাইঅ,
মাইবুঙ-ব কিসা পায়ই তীলাঙগই থানানি,

আনি কীপীরা কামিঙগ মাই মীচায়ামাঙ
উঙলায়ই তঙবাইখা। চিনি আরনি রাজা-ব
চাঙন কিসা ফা-ন নাইসিকয়া।

আসুবুরা

: আউ চিনি আরনি রাজা-ব চাঙন কিসা ফা-ন
নাইসিকয়া নরগনি আরনি রাজা হাই-ন। চিনি
আরনি রাজা হিনকাই খাজনা বিসি খাই
রমনানি খাজনা রিঅই মানয়া হিনকাই ফা-ত
বিসিঙগ চপনানি, বীরাই সিকিলা বুইনি বীসা
কাহাম কাহামরকন রমই তুবুঅই কইনা খাঙগ
হিনই রাজানি আনন্দ মহল' দাঅই তনি
ফাইনানি আবতীই সিমিলে মান' তাই
কুসতাম-ন মানয়া, নীঙ সে রাজা-ন চুবাচুরুদি
রাজা নন চুবাচুরুনাইয়া কিসা ফা-ন।

বদনিয়া

: আউ আবলে আহাই-ন রাজা চাঙন কিসা ফা-ন
চুবা চুরুনাইয়া আববাই-ন আঙ খাই রাজা হাই
গীনাঙরকন কিসা ফা-ন নাইসিকনানি মুচুঙয়া।
বরগন চাঙ প্রজারক কক থানচা খুক থানচা
উঙগই চবা খায়ীই রীখীলায়ই রিহরই
মানখাইসে উঙগ।

আসুবুরা

: বদনিয়া নীঙ খাই সাঅইদে মান চবা খাইনানি
ফীরীঙগই মাননাই বরক তদে তঙনা।

বদনিয়া

: চবা খাইনানি ফীরীঙগই মাননাই বরক কীরীই
তঙন ?

আসুবুরা

: সাব সীলাই চবা খাইনানি ফীরীঙগই মাননাই
সাবলে তঙবা আবতীই বরক ?

বদনিয়া

: আবতীই চবান খাইনানি ফীরীঙগই মান
নাইরক-বা আগিনি সেনাপতি হিনজাগনাই
কীচামরকতা, বরকসে চবান খাইনানি
ফীরীঙগই মাননাইরকবা, বরগনসে নাহার দি
চবান খাইনানি সীরীঙনানি হিনকাই বা।

আসুবুৱা : আউ কুবুই য়াখাই তা-ম সীলাই। বদনিয়া নীঙ
উল আঙ বাই তাই উইসা মালাইদি।

বদনিয়া : আউ মালাইয়ানী নীঙ বাই তাই উইসা হাতিঅ
ফাইতাই আফুবু তাই কিসা কক সালাইয়ানী।

আসুবুৱা বাই বদনিয়া থাংকা।

চিলঙতি বাই দয়াতি ফাইকা।

দয়াতি : চীঙ জতন কক থানচা উঙগই চবা খাইনানি
বাগই চবা সীৰীঙলাইখাই উঙখামন, চবা
খায়ীই ৰাজান বুথারই চিনি বীসাইসঙন
ফিয়কগই তুবলায়ই মানলাইখামন।

চিলঙতি : চবা খাইনানি বাগই চবা সীৰীঙলাই- নানি-ন
নাইলাই তঙখা, নীঙ ফিয়া তাবুক কে কাইসান
ফা-ন তা সাগীৱাদিখ।

দয়াতি : হই আব কুবুইদে?

চিলঙতি : আব কুবুইয়াখাই তাম আঙ নন এৱেঙদে সাবা?

দয়াতি : হামকা আহাই কাই সীৰীঙনানি হিনকাই
দাকতি-ন সীৰীঙলাইদি চিনি বীসাই সঙন-ব
দাকতি ফিয়কগই তুবই ফাইলাই মান', সাব
ফীৰীঙ ফাইনানি হিনসীলাই।

চিলঙতি : ফীৰীঙনাইন থিক খায়ীই তুবই ফাইনাই
হিনকাই দাদা আসুবুৱাসে, বসে হাতিঅ থাংগই
চবা ফীৰীঙনাই বৱকন ককন সালায়ই তুবই
ফাইনানি কক। নীঙ জেতাই-ন খীনাউনী নীঙ
তাবুক সিরিঙ সিরিঙ খাই তঙগীৱাদি।

দয়াতি : আউ আঙ তাবুক সায়া কুসতাম ফা-ন।

চিলঙতি বাই দয়াতি থাংকা।

আসুবুৱা বাই কাথি ফাইকা।

- কাথি : নীঙ তিনি হাতিঅ থাংগই চবা ফীরাঙনাইন নাইতুকনানি হিনই আন সাঅই থাংমানি বাহাই ফীরাঙনাইন মাদে মানখা ?
- আসুবুরা : মানমাতং মানখা আবসে তাই উইসা হাতিঅ থাঙগই অ বরক বাই মালাইনানি কক ।
- কাথি : অ তামঙ উইসা বাই-ন ককন পাইসুগই কাবুঅই ফায়ই মানয়া সীলাই । নীঙ ককন উইসা বাই-ন পাই সুগই ফাইকাই থানানি নাঙগীলাখামনতা । যাঙ চিলঙতিসঙ খাই লেজাগলাই তঙবাইখা বুফুঝুনি সিমি সীরাঙলাইনানি হিনই । যাঙ বেলে বুই বীসাইসঙন খাতাঙজাগমানি কুল কাঁরাই-খাগীজা লেরজাগবায়ীই ।
- আসুবুরা : চামানি বাগসাবাইদে থিঅই মান হিন আববা কিসা লের নাই-ন কিসা নাইসিঙগইন মা তঙগীরানাই-নতা ।
- কাথি : আহাই হিনলে দাকতি চবা সীরাঙগই চবা নাঙখাই নাঙগই পাই থিবনানিয়াদা । অ ফা-ত কাঁলাইনাইরক আব-ব তাবুকনি সিমিদে লাঙকা-ন বালগগই থাঙকাবেলে । নাইদি বরগ ফা-ত কাঁলাই বাইসিনি বীসা আচাইমানিসে চিনি বীসাসে বীসীক তরই থাংকা বরগ তামঙগই চবা খাইনানি দয়া উঙনানি-বা ।
- আসুবুরা : আউ ককত আব তাই-ন ।

আসুবুরা বাই কাথি থাংকা ।
চবाराই বাই চাকসিয়া ফাইকা ।

- চাকসিয়া : চীঙ তাই খাই ম ফা-ত বিসিঙনি যগগীলা-খানা, চীঙ অ ফা-ত বিসিঙগ-ন থায়ীই

- গেলেঅই মীনামই থাংবাইসিনানি উঙখা ।
তাইদে চীঙ য়গসি, চীঙ ম তাবুক থাইনানিদা
তাবুকসে জুউান উঙসীকয়া-খ হিনমানি হাই ।
- চব্বারাই : তাবুক আঙ য়গই মা থাংমানি পতিদা সাঅই
মানখামন রাজান আঙ থীয়ই ফা-ন থাঙতন
তে-ব আঙ ফুঙসা বুঅই নাইখামন । য়াঙ নকনি
খবর আনতীরা-ব মানয়া-দ, তাম খাই
তঙবাইখা তাম খায়ই চাবাইখা থীদে থাইবাইখা
থাদে থাঙবাইখা তাম হিনই সানানি ।
- চাকসিয়া : আঙব তাবুক য়কখাই সাঅই মানখামন জে
তাই-ন উইসা থাইলাঙনানি । ফাইদি চব্বারাই
চীঙ জে ফা-ত খাঅই চব্বজাগনাইরক কক
থানচা খুক থানচা উঙলায়ই তঙলাইমানি হাম
লাইয় । খীনানি সিমি জত-ন কক চাবলাইনানি
বাগই সালাইদি ।
- চব্বারাই : আউ খীনানি সিমি-ন চীঙ তাবুক তাম
খাইলাইনাই হিনই কক চাবলাইসিনাই চীঙ
পাল জত-ন আচুকলায়ই ।

চব্বারাই বাই চাকসিয়া থাংকা ।

আসুবুরা, বদনিয়া তাই সেনাপতি ফাইকা ।

- বদনিয়া : ইক দাদা নীঙ সামানি বাই-ন আঙ নন
সেনাপতি কীচামন তুবই রিফাইকা । নীঙ
তাবুকব বাই ককন সালাইদি ।
- আসুবুরা : নীঙ সালাইখীনাবীলা সীলাই ।
- বদনিয়া : আউ আঙত সালাইখা ।
- আসুবুরা : আহাই খাই তাই তাম সীলাই ।
- বদনিয়া : নীঙ উইসা সালাইদিতা ।
- আসুবুরা : খুলুমকা সেনাপতি ।

- সেনাপতি : খুলুমকা ।
- আসুবুরা : সেনাপতি নীঙ চিনি আর থাংগই চবান খাইনানি ফাঁরীঙগই মানানী বীলা সীলাই ?
- সেনাপতি : মান' তামঙগই মানয়া উঙনানি-বা, আন কিসা সুবিদা খায়ই তনিদিতা নরগ ।
- আসুবুরা : চাঁঙ জত-ন কঁরীই বরকজা, নীঙ চানানি নাইতাই চাঁঙ চারিঅই মাননিয়া, নীঙ তঙথকতাই খাই-ব চাঁঙ তনিঅই মাননিয়া তব নন বুবতাই খাইয়াই তনিঅই মান চাঁঙ নাইয়ানী নীঙ তা উানাди हिमदि तबुक-न नन तीलाङ्गइ थानानि ।
- সেনাপতি : দ হিমদি খাই, তবুক-ন নীঙ বাই থাংগানীতা, আঙ উল সাইচুঙ তাম খাই থানানি-বা তবুক নীঙ বাই-ন থাংমানি হামতা ।
- বদনিয়া : আউ তবুক-ন থাংলাইদি উল সাইচুঙ সুসুক থাংগই তঙমানি সীলাই ।
- আসুবুরা : আউ চাঁঙ থাংকা-দ ?

আসুবুরা, বদনিয়া তাই সেনাপতি থাংকা ।
কাথি, আসুবুরা বাই, সেনাপতি ফাইকা ।

- আসুবুরা : ইক চিনি অর চবা খাইনানি চবান ফাঁরীঙনানি বাগই সেনাপতি খরকসান রমই তুবই ফাইকা ।
- কাথি : আউ কাহাম-ন উঙখা চাঁঙ নীঙ হাই সেনাপতিনন নাইতুগলায়ই তঙগ, তিনি খাই সাল থাংকা খীনানি সিমি-ন ফাঁরীঙ- সিদি তিনি খাই হিমই ফাইমানিবা লেঙজাগখীনা ।
- সেনাপতি : তিনি হিনব ফাঁরীঙনানিখাই ফাঁরীঙগই মান' তাম আসাঁক লেঙনানি ।
- আসুবুরা : অঙখা খীনানি সিমি-ন ফাঁরীঙসিদি ।

- সেনাপতি : আউ খীনানি সিমি-ন ফাঁরীঙসিডানী খাই তিনি তঙসিডানী খাই।
- আসুবুরা : আঙ তিনি জত চবা খাইনানি বরকন নুঙ- গই সাতই তনিবাইয়ানী খীনানি সিমি সঁরীঙনানি বাগই।

কাথি, আসুবুরা বাই সেনাপতি থাংকা।

কাথি, দয়াতি, তাই চিলঙতি ফাইকা।

- চিলঙতি : তা-ম খাইনানি চাঙন নীঙ মা রিঙ সীলাই, তাম খাইনানি চাঙ বাই কামদে তঙ?
- কাথি : চাঙ জে কক সালায়ই আসা খাইমানি আব তাবুক ফলেনানি উঙথা।
- দয়াতি : তাম কক-ব উঙথা চাঙন বুজি রিঅই সাদি বুবতীই কক-নব সানানি হিনই নাইখা চাঙনবা।
- কাথি : চাঙ উইসা সালাইয়াদেবা চাঙ চবা খাইনানি বাগই চবা খাইনানি সঁরীঙলাইনানি হিনই, অ চবা খাইনানি বাগই চবা খাইনানি ফাঁরীঙনাই ফায়ই তঙফাইকা মিয়া-ন ফাইকা আনি নগ', মিয়া সাইরিগ-ন আনি ন-গ সকফায়ই তঙ ফাইকা।
- চিলঙতি : অ জানবা আহাই খাইবা কাহামসে উঙথা বেলে, আঙ সঁরীঙয়া ফা-ন আনি বাঁসান রিহরনাইতা।
- কাথি : আঙ-ব আনি বাঁসানন রিহরনাই।
- দয়াতি : আঙ বাঁরীই ফা-ন আঙন চবা খাইনানি সঁরীঙনাই আঙ খাই তাম খরকসাসীকন বুথারই মাননিয়াদে তাম।
- চিলঙতি : খীনা ফুঙনি সিমিদে সাইরিকনি সিমি ফাঁরীঙনানি হিন নীঙ সাতই মানখাদে বাচাই?

- কাথি : খীনা ফুঙনি সিমি-ন ফীরাইনাইতা ।
- চিলঙতি : আঙ জতন-ন রিঙগই সাঅই রিহরবাইয়ানী
জত-ন ফায়ই সীরাঙ ফাইবাইথন ।
- কাথি : আউ রিহরবাইদি জতন-ন, খরকসা ফা-ন তা
কররিদি জতন ফায়ই মানজাগফাই- বাইথন ।
- চিলঙতি : মীসীক কাম কাহাম-ন করঅই চালাই-ন থপচা
ফা-ন করঅই চায়া ।
- কাথি : আউ সাবাইদি কাহাম খাই জতন-ন ।

কাথি, দয়াতি তাই চিলঙতি থাংকা ।

মইনাক বাই চবারাই ফাইকা ।

- চবারাই : দা মইনাক চাঙ ফা-ত ফায়ই হাবফাইমানি
বিসিকনাই চিখাম বসর উঙগই থাঙকা বেলে,
তাবুক-ব চাঙ ফা-ত বিসিঙনি যগনানি কুসতাম
ফা-ন হদিস কীরাইখ, চাঙবা তাই যকয়ই
মাঙদে থাইলাই-ন সাঅই মানলিয়া তাবুক
জরাতই যকনানি হিনই গদাগরম-ন কীরাইখ ।
- মইনাক : চাঙ তাবুক চিনি নিজেনি নগনি বরক বাই ফা-ন
কিসা মালাইখাই উঙখামন, সীঙগই নাই
মানখামন তামখাই তঙলাইখা, তাম খায়ই
চালাইখা ।
- চবারাই : আউ ককত আহাই-ন তাবুক মালাই মান-
লাইয়াবেলে, মালাইখাই-ত কাহাম হাময়া
সীঙগই নাই মানখামন, আঙ খাই আনি বিহিগ
বীসা-ন খাতাঙমানি তাই কুল সিমা কীরাইখা ।
- মইনাক : আঙ সীলাই খাতাঙমানি তাই সাঅই মানয়া
নুগথক নুগথক উঙগই মকল মাঙসে কীফাঅই
তঙসিঅ । আনি বীসারক তাবুক লে সিকীলা
সগই বাই তঙবাইখীনা ।

- চব্বাৰাই : সকয়া উঙন সিকীলা-বা চীঙ ফা-ত হাবমানি
সে চিনীই চিথাম উঙগই থাংকা, চীঙ ফাইদরপ
ফুবু আচাইনাইরকবা তামঙগই সিকীলা উঙয়া
উঙনানি-বা।
- মইনাক : আউ আবলে আহাই-ন।

মইনাক বাই চব্বাৰাই থাংকা।
চিলঙতি বাই দয়াতি ফাইকা।

- চিলঙতি : আনি আঙসীলা চবা খাইনানি বাগই চবা
সীৰীঙগই মানখীনা না, কুসু তরমানি
নুগখাবেলে।

- দয়াতি : নীসীলা মনিয়া সাদা চবা খাইনানি বাগই চবা
সীৰীঙনানি মানয়া তঙ চিনি আবরক ফা-ত
কীলাইলাইমানিসে চিনীই চিথাম বসর উঙগই
থাংকা, বরগ পুইলা ফা-ত হাবয়াসানিসে
নীসীলা মনিয়াসঙ আচায়ই বিসানি বরক
উঙগই তঙখা, দাদা আসুবুরানি বীসীলা কয়াসা
হিন-ব আসীক ন উঙখাতা নীসীলা মনিয়াসানি
অমরসীক চি নীই চিথামনি, বরগ-বা তামঙগই
চবা খাইনানি বাগই চবান সীৰীঙগই মানয়া
উঙনানি সীলাই। বরকনতা তাবুক জেসা-ব
সীৰীঙনানি জরা।

- চিলঙতি : আউ আবলে আবতাই-ন সীৰীঙথন, আনি
বীসা-ন আঙ রিহরয়াই তঙয়া জেসা-ব
সীৰীঙনানি হিনকাই সীসে সীৰীঙথন। আঙ
বন মানা খাইয়া।

- দয়াতি : তামঙগই মানা খাইনানি-বা, জেসা ফা-ন
সীৰীঙমানি মানুই-বা কাহাম ককসে। আচায়ই
ফাইকাই সীৰীঙনানি-ন নাঙনাই, আচায়ই

ফাইকাই নাইনানি-ন নাঙনাই, আচায়ই
ফাইকাই কক কাহাম লাম কাহাম-ন নাইসিগই
নুকসিগই সীরাঙ নানি-ন নাঙনাই। আবতাই
খায়ীই সীরাঙ-য়াখাই নীঙ বরক হিনজাগয়াসে
উঙগই থাঙনাই বরক হিনকাই সীরাঙনানিসে
নাঙগ কাহামন' হিনকাই। আরনি বিসিঙ হাময়া
সীরাঙখাইলে উঙলিয়া ফিয়া।

চিলঙতি

: বরক হিনকাই কাহাম-ন সীরাঙনানি নাঙ
নাই-নতা।

চিলঙতি বাই দয়াতি থাংকা।

কাথি বাই কয়া ফাইকা।

কাথি

: বাবু নীঙ সেনাপতিনি থানি চবা খাইনানি বাগই
চবা সীরাঙখাই নীঙ জেসা খাই ফা-ন নরগন
সা-ব বিসি খায়ই চবা খাইনানি মানখা হিনই
নরক-ন ফীরাঙনাই নরক-ন তমজগই নাইখাই
নীঙন জতনি সীলাই বিসি খাই মাননানি
নাঙগানী ফিয়া উঙয়াখাই চলাইনিয়া। নাহারই
নাইদি নীঙ চিনি কামিঙনি তঙমুঙন
বীসাইগীনাঙ হিনই খরকসা ফা-ন কীরাইখা
জতনন রাজা রমই তীলাঙগই ফা-ত
খিকীলায়ীই তনিবাইখা, আবরকম নীঙ রাজা
বাই চবা খায়ীই চবাত জিতিঅই রাজান
মেচেনই অ ফা-তঅ কীলই তঙনাইরকন
ফিয়গই উদার খাই তুবুনানি নাঙনাই, আহাই
খাইসে নীঙ চবা খাইনানি হিনই চবা
সীরাঙমানি কাম উঙনানি বাবু নীঙ আনি ককন
বুজিনানি খাইদি আঙ নন সামানিন।

কয়া

: আউ মা, আঙ নিনি ককন থাইচা থাইচা খায়ই

- নারীকগইদে মান-ন নাইয়ানীতা ।
- কাথি : আসীক ন কক নীঙ রাজা বাই চবা খায়ই
তঙফুরু আঙ তাই নন ফীরাঙগই তঙগই
মানলিয়া ।
- কয়া : আউ মা, আঙব নিনি কক-ন নারীকগইদে
মান-ন নাইয়ানীতা ।

কাথি বাই কয়া থাংকা ।

সেনাপতি, কয়া, মনিয়া তাই দলরক ফাইকা ।

- সেনাপতি : কয়া, মনিয়া, নরগন-ত আঙ তাবুক চবা
খাইনানি বাগই ফীরাঙনাই, নরগ জেসা খায়ই
ফা-ন চবান খায়ই জিতিনানি নাঙনাই রাজা
বাই ফা-ন গরজা বাই ফা-ন । আঙ তিনিনি
সিমি-ন নরগন চবা খাইনানি বাগই চবা-ন
ফীরাঙসিনাই । আঙ তিনি নরগন বাদুখুঙ বাই
চবা খাইমানি ফীরাঙনাই ।
- কয়া : আউ গুরু বাদুখুঙ বাই চবা খাইনানিন সীকাঙ
ফীরাঙগীরাডি উল' তাই কুবুনি ফীরাঙদি ।
- সেনাপতি : দ, জত-ন থিক থাক উঙবাইদি তাবুক-ন আঙ
নরকন ফীরাঙসিনাই বাদুখুঙ বাই চবা
খাইমানি ।
- মনিয়া : গুরু চীঙ জত-ন থিক থাক উঙবাইখা ।
- সেনাপতি : আঙ তাবুক-ম য়াখুঙগ কিতিঙ খায়ই রিগই
কাবুমানি জাগাঅ নরক তাবুক চাখীলা বাই
কগই অ কিতিঙ বীলাম হাবরিদি সা-ব আ-র
চাখীলা বাই হাবরিঅই মান । সাইচুঙ সাইচুঙ
খাই কগই অ বীলাম' হাবরিদি খরকসা খায়ই
কগই ফুনকদি আন নরগ ।
- মনিয়া : আঙন পুইলা কগগানী খাই গুরু ।

সেনাপতি

: নৌগন জতনি সৌকাঙ ককদি খাই মনিয়া।

মনিয়া পুইলা ককনাই ফা-ন অ গুরু যাখুঙগ
রিগই কাবুঅই ফাইমানি অ বীলাম ম চাখীলা
বাই কগই ফীনাঙগই মানলিয়া, উঙখাই জত-ন
খরকসা খরকসা খাই কগই নাইবাইখা কে
কাইসা-ব কগই ফীনাঙগই মানলিয়া, আবতাই
উঙগই জত-ন মগই উানা জাগলায়ীই
তঙবাইখা বাবপেরেবাব বাহাই খাই চীঙ
খরকসা ফা-ন অ গুরু রিগই কাবুমানি বীলাম
তাই লাইরিঅই মানলাইলিয়া সীলাই।

কয়া

: গুরু বুই জত-ন খরকসা খরকসা খাই কগই
নাইবাইখা খরকসা ফা-ন নৌগ যাখুঙগ কিতিঙ
খায়ীই রিগই কাবুই ফাইমানি জাগাঅ চাখীলা
বাই কগই অ কিতিঙনি কৌনাই কৌচার তাই
খাই লাইরিঅই মান- লাইলিয়াগীজা, তাবুক
আঙ উাইসা কগই নাইয়ানী আন হামবাই রিদি
গুরু নৌগ।

সেনাপতি

: থাংদি নৌগ তাবুক উাইসা কগই নাইদি কয়া
নন আঙ আনি খানি তাই খায়ীই হামবাই রিখা।

কয়া

: আনি গুরু জিতি থন হিনই কগই রিহরখা গুরু
যাখুঙনি কৌনাই কৌচার' রিগই কাবুই ফাইমানি
বীলাম-ন নাইসিগই। কয়া অ বীলামন
নাইসিগই কগই রিমানি লগি লগি-ন অ বীলাম
কৌনাইনি কৌচার' হাবই থাংকা ফীলাতসা খাই।

সেনাপতি

: আফুরু খাই কয়া-ন হামজাগই যাফা খরবই
ফিকুঙন বুথেব ফাইকা নৌগন আনি মুকুম-ন
নারীকনাই হিনই। আফুরু খাই আর নাইসিগই
আ সা-ল' চবা ফৌরীঙমানিন আর-ন পাই থাক
রিঅই হিনকা তিনি সালনি জরাতাই আসীক-ন
হিনই পাই রিঅই রিখা।

সেনাপতি, কয়া, মনিয়া তাই দলরক থাংকা ।
আসুবুৱা বাই কাথি ফাইকা ।

- কাথি : আঙ আনি বাবুন সাঅই ৱিহরমানি আনি ককন
আনি সাজীলা বাবু নারীকথা-ন নৌঙন চবা
খায়ীই চিনি হা-ন নারীকনাই হিনই সাঅই
ৱিহরমানি আনি ককন আনি সাজীলা
কিসাফা-ন বারলিয়া আনি ককন চরপসা খাই
নারীকথা ।
- আসুবুৱা : বুমা বুফানি ককন খাই বীসা হিনকাই
নারীকনানি-ন নাঙগ বাহাই বুমানি বীসা
বুফানি বীসা হিনজাগনানি-বা বুফা চিনাইনি
গুণ হিনকাই বীসা চিথামনি গুণ হিনমানি
খীনায়াদা আব বুইনি কক-ন তঙবেলে ।
- কাথি : আউ আবতাই কক হিনই তঙগ-ন বুমা বাই
বুফা চিনাইনি গুন হিনকাই বীসা চিথামনি গুন
ফন । চিনি ম বীসাবা আবতাইদে উঙন তাম
হিনই সানানি ।
- আসুবুৱা : তাবুক তাম হিনই সানানি আববা উলসে সাঅই
মানানী ।
- কাথি : আউ ককত আহাই-ন ।

আসুবুৱা বাই কাথি থাংকা ।
চিলঙতি বাই দয়াতি ফাইকা ।

- দয়াতি : নৌঙ মিয়াঅ সেনাপতি ফায়ীই চবা খাইনানি
বাগই চবান ফীৰীঙমানি নৌঙ খাই তাম
উঙজাগথা । আঙ খাই অ সেনাপতি
ফীৰীঙমানিন কাহাম খাই চাজাখসুকথা ।
তামঙগই হিনবা ককন বুজিসুকরি থাইচা থাইচা
খায়ীই চবা খাইনানিব ফীৰীঙগ ।

- চিলঙতি : আব সিমিদেবা উলনি ককন সাঅই খীনারিঅ মীতাই খাই মীতাই তা হিনই। চিনি ম দঙদরাই কামিঙগ জতনি সীলাই মানকুকনাইবা চিনি দাদা আসুবুরানি বীসীলা কয়াসে বিসি খায়ই মাননাই উঙগানী বেলে।
- দয়াতি : মানখন আবত জেসা ফা-ন খরকসা মানখাই-ন উঙগ। জেসা ফা-ন মানই রাজা বাই চবা খায়াই রাজান মেচেনই মান খাই-ন উঙগ তাই কুসতাম কক হিনইসে কীরাই।
- চিলঙতি : চাঙখাই কাইসান ফা-ন তাতাল সামানি কীরাই চাঙ খাজনা রিঅই মানয়া হিনই নগ কিসা সেঅই ফাইমানিবদা চিনি বীসাইসঙন রমই মীতাই খাই বিরমা ফীনাঙগই তনি- বাইনানি নাঙসীলাই হিনু।
- দয়াতি : চাঙ কাইসান ফা-ন কুসতাম খাইয়া তঙমানিসে নীঙ রাজা উঙগই চীঙন নাই- সিগই মানয়াদীলা, চাঙ চবাঅ জিতিঅই মানখাই-নীঙ হাই গীনাঙ রাজা-ন সাঅই মানানী।
- চিলঙতি : দয়া চাঙ খমতা মানগীরাখনলে আফুবু সাঅই মানানী চাঙ তাম খায়ই তঙলাই।
- দয়াতি : নীঙ নিনি নীসীলান সাদি কাহামখাই চবা খাইনানি সীরাঙদি হিনই। চাঙব কাহাম খাই সীরাঙগানী।
- চিলঙতি : আউ সাউনৌ আনি বাবুন-ব।

চিলঙতি বাই দয়াতি থাংকা।
সেনাপতি, কয়া তাই মনিয়া ফাইকা।

- সেনাপতি : আঙ তিনি-ব মিয়ানি হাই-ন হাই যাখুঙ কীনাইনি কীচার' কিতিঙ খাই রিগই রিউনৌ,

নরগ অ কিতিঙনি কীনাই কীচার' নায়ীই ককদি
 চাখীলা বাই খরকসা খরকসা খায়ীই নরগ
 তাবুক জেসা বাই ফা-ন চবা খাইনানি
 সীরাঙগই নরগ উল চবান খাইনানি থাংখাই
 জিতিঅই ফাইনানি নাঙনাই থাইয়ীই
 বুথারজাগই জিতিয়া উঙগই বুথারজাগই
 থায়ীই ফাইনানি ককয়া, জিতিঅই ফাইনানিসে
 কক।

মনিয়া : গুরু তিনি-ব আঙন সীকাঙ ককনাইতা, বুই-ব
 আঙ হাই-ন সাইচুঙ সাইচুঙ ফায়ীই ককথন
 তা।

সেনাপতি : জত-ন সাইচুঙ সাইচুঙ খাই-ন ককথনতা, কয়া
 নীঙ তিনি জতনি উল খায়ই ককদিতা। বুই
 নিনি সীলাই সীকাঙ ককবাইগীরাথন।

কয়া : আউ গুরু আঙ তিনি জতনি সীলাই উল-ন
 ককগানী, আনি সীলাই সীকাঙ বুই ককবাই
 গীরাথন।

সেনাপতি : দ মনিয়া নীঙ বুইনি সীলাই সীকাঙ ককনানি
 হিনমানি ককদি খাই নীঙন।

মনিয়া : আঙ তাবুক ককখা, খুলুমকা গুরু।

সেনাপতি : বা নুঙ হামই তঙদি চাঅই তঙদি তিনি খাই
 নীঙন পাইনাই অঙখা, তাবুক নীঙ তঙসিদি,
 বুই ককগীরাথন কয়া।

[আফুরু হিনকাই জে চবা খাইনানি
 সীরাঙনানি হিনই ফাইনাইরক জত-ন খরকসা
 খরকসা খাই ককখা তাই তাম খাই চবা খাইনানি
 নাঙ আবরক-ব সীরাঙ-বাইখা। বাকসা-বা
 কাহাম খাই-ন চবান খাইনানি মানখা বাকসাবা
 মানসুকয়াখু। আর সীরাঙনাইরকনি বিসিঙ
 জতনি সীলাই বিসি খায়ীই মানখা আসুবুরনি

বীসীলা হিনজাগনাই কয়া, ব-ন বিসি খায়ীই
চবান খাইনানি মাননাই। আবনি উল মান নাই
হিনকাই চিলঙুতিনি বীসীলা মনিয়া
হিনজাগনাই]

- কয়া : গুরু আঙ তাই উইসা উইনাই সীরাঙ খাই-ন
মানানী হাই মা তঙগ গুরু।
- সেনাপতি : নরগ জত-ন মাননাই খরকসা কিসা সীকাঙ
খরকসা কিসা উল খাই মাননাই, চবা খাই নরগ
জতন খাই মাননাই। নরগ তিনি থাংবাইসিদি,
খীনাঅ তাই উইসা ফাইদি ফাইয়া তা তঙবাইদি
তিনি আসীক-ন অঙখা।

সেনাপতি, কয়া তাই মনিয়া থাংকা।

আসুবুরা বাই বদনিয়া ফাইকা।

- বদনিয়া : দা আসুবুরা, ফাইকা আহইদা হাতিঅ।
- আসুবুরা : আউ য়াখুঙ ফালনানি বাগই হাতিঅ মা
ফাইজাখাতা, আঙ হাতিঅ ফাইয়া হিনকাই
উসে উঙয়াবেলে।
- বদনিয়া : আঙব হাতিঅ য়াখুঙ ফালনানি বাগই-ন মা
ফাইতা, আঙ য়াখুঙন ফালকাইসে হাতি সম
মসন পাই তীলাঙনানি উঙয়াখাই তাই হাতি
সম মস' মীচানানি কীরীই। দা আসুবুরা নিনি
আর চবা ফীরীঙনাই সেনাপতি কাহাম খাইদে
ফীরীঙ-না হাময়া খাইদে ফীরীঙ?
- আসুবুরা : উ-আবলে কাহাম খাই-ন ফীরীঙগ হিনই
খীনাঅ হাময়া খাই ফীরীঙনিয়া।
- বদনিয়া : আউ কাহামখাই ফীরীখাই-ন কাহাম তা।
- আসুবুরা : অ সেনাপতি বেলাই-ন বরক খাই কাহাম,
ককরক সামানি হিন-ব কীচাঙ কীচাঙ খাই
সায়।

- বদনিয়া : আউ আবলে আবতাই-ন, ককন খাই কীচাঙ
কীচাঙ খাই-ন সাঅ, ককদঅই সায়া। সেনাপতি
চবা খাইনানি ফীরীঙনানি হিনই থাংমানি-বা
কাহাম খাই-ন ফীরীঙগই কাবুডানী নাই তঙদি,
বুই বাই চবা খাই পাইনানি জাত খাই।
- আসুবুরা : আউ আবলে খাইয়াই-ন কাবুনাই।

আসুবুরা বাই বদনিয়া থাংকা।
সেনাপতি, কয়া, মনিয়া তাই দলরক ফাইকা।

- সেনাপতি : তিনিলে আঙ নরকন সেঙ বাই চবা খাই মানিন
ফীরীঙনাই। নরগ জ-ন সেঙ কঙসা খাই
তীয়াই খরকনাই খরকনাই খাই বাঁচাদি সেঙ
বাই চবা খাইনানি সীরীঙনানি। আবতাই খাই
বাঁচাঅই-বন-ব তানলাইনানি নাইদি, কাইসা
তাননানি নাইখাই তাই খরকসা সেঙবাই
য়াচাকদি। আবতাই খায়ই তানজাগলাইয়া
উঙলায়ই তঙলাইদি।
- কয়া : আঙ খাই ম নিয়া বাই আব তাই খাইলাই- যানী
গুরু।
- সেনাপতি : আউ নীঙ বাই মনিয়া খরকনাই আবতাই-ন
খীলাইলাইদি, নন কনিয়া তানতানি নাই থন,
নীঙ-ব কনিয়ান তাননানি নাইদি সেঙ বাই।
- মনিয়া : আউ গুরু চাঙ আবতাই-ন খীলাইলাইনাই।

[উল খাই জত-ন জে চবান খাইনানি হিনই
সীরীঙনানি ফাইনাইরক জত-ন সেনাপতি
সামানি হাই-ন খায়াই সীরীঙ- লাইখা জুলুম
খাই লাইয়াই ব বন মেচেন- নানি নাইঅ,
বব-বন মেচেননানি নাইঅ। আবতাই

উঙলায়্যাই তঙলাইখা । যাঙ কয়া বাই মনিয়া-ব
 হর হর চাঁঙলায়্যাই জুলমনি সাকা জুলুম
 উঙলায়ই তঙলাইখা কুকুবুই চাচা-ন বন-ব
 বুথারই খিবনানি হিনই নাইলাই তঙখা । আফুবু
 খাই সেনাপতি গুরু নুহুরই থাংগই মানা খায়ই
 সেঙ সেগই তুবই ফাইবাইখা । হিনকা আঙ
 ফাইয়া হিনকাই নরকবা বুথারলায়ইসে
 থাইলাইখামন বেলে । উলখাই কয়া বাই মনিয়া
 সেনাপতি গুরুন খুলুমলাই সাকা গুরু নীঙ চিনি
 সেঙন সেগই তুবই ফাইয়া হিনকাই চাঁঙবা
 বুথারলাইসে থাইলাইখামন বেলে]

কয়া

: গুরু নীঙ তিনি চাঁঙন বানচেরিখা ।

কনিয়া

: আউ গুরু নীঙ তিনি বানচে রিখা-ন চাঁঙন,
 উঙয়াখাই চাঁঙ থাইলাইজাগতাইসে
 উঙলাইখামন ।

কয়া

: চাঁঙ খাই সেঙ বাই চবা-ন খাইনানি সীরীঙতে
 সীরীঙতে মুস নাঙলাই তাই যাকানানিসে
 মুচুঙয়া উঙলাই তঙলাই- খা-বা জেসা কাম-ব
 মুস নাঙখাই আবতাই সে উঙগই থাঙদ ।
 কনিয়া নীঙ আ-ন বীখাঅ হাময়া তা হিনদি-দ ?

কনিয়া

: নীঙ আন কুসতাম তা হিনদি-দ । ফাইদি দাদা
 কয়া নীঙ বাই আঙ কীবাকলায়্যাই মতম
 সুলায়ই খিবই রিগীরানাখু ।

[আউ ফাইদি খাই হিনই কীবাকলাইখা কয়া
 বাই কনিয়া ।]

সেনাপতি

: নরগ তাবুক খাই চবা খায়্যাই জিতিঅই মান-
 সিনাই নরগ জতনন আঙ হামবাই রিখা নরগ
 জত-ন হামই চাঅই তঙবাই চবান খায়্যাই-ব
 জিতিবাইদি, নরক খীনাঅ তাই উাইসা
 ফাইবাইদি ।

সেনাপতি, কয়া, মনিয়া তাই দলরক থাংকা ।
কাথি, চিলঙতি তাই দয়াতি ফাইকা ।

- চিলঙতি : বাচাই নীসীলা কয়া-ন জতনি সীলাই চবা
সীরাঙমানি-ন মাননাই, ব হাই মাননাই অ দল'
কীরাই ।
- দয়াতি : আঙ জতন-ন নাইসিগই নাইবাইখা, ব হাই
মাননাই অ দল' তাই কীরাই । ব খাই বাদুখুঙ
বাই চবা খাইনানি-ব সাব সাব খায়ই মা-ন সেঙ
বাই চবা খাইনানি সীরাঙ মানি-ব সাব সাব
খায়ই মা-ন আবতাই মান নাই হিনই-ন
আলকা বরক তঙগ । কয়াসা খাই চবা
খাইয়াই-ব জিতিঅই ফাঅই মানখা ।
- কাথি : আসাঁক লে মানয়াখ চবা খায়ই জিতিনানি ।
- চিলঙতি : মানখা বাচাই, নীঙ নীসীলান নুগয়াখ বাই
আবতাই সাঅই তঙতা । কয়াসা চবান খায়ই
আসুদা খাইয়াই-ন জিতিঅই মানখা তাহিন,
বন খাই চাঙ চিনি সেনাপতিসে চঙগই রিনানি ।
- দয়াতি : আবখাই কুবুই হিনমানি কক-ন ।
- কাথি : আউ চঙগই রিবাইদি চঙগই রিয়াবা জেসা
ফা-ন উঙলায়ই তঙলাইদি নরগ ।

কাথি, চিলঙতি তাই দয়াতি থাংকা ।
আসুবুরা বাই কাথি ফাইকা ।

- কাথি : নিনি য়াখুঙ উবাইখাদা ?
- আসুবুরা : উবাইয়াখু হিমদি নীঙব আন কিসা ডাচুবুদি
দাকতি উখাই উঅই পাইয়ই খিবনানি ।
- কাথি : আউ হিমদি খাই পাইখাই পায়ই খিবি- মানি-ন
হাম' নীঙব দাকতি খায়ই হাতিঅ থাংগই
মান' ।

তকথু ফাইকা।

- তকথু : কুকেরে কুকুকু, আসু বুরাসা য়াখুঙ উনাইসা দাকতি-ব চবা খাইনানি থাংয়া গীজা।
- কাথি : চাঙন দাকতি চবা খাইনানি থাংয়া গীজা হিনই তকথু পুঙগই তঙখা খীনাঅই নাইগীরাদি।
- আসুবুরা : তকথু বদা বুই চবান খীলাইলাইনানি ন সাঅই মান-ন নিনি খুনজু-ব তকথু পুঙগই তঙমানি-জাতেরে জাত নন খীনাঅই রিঅ বিয়াঙবা বিয়াঙ বিনি খুনজুবা থাং সাঅই মানয়া।
- তকথু : পুসে পুঙ সাউখা কুকেরে কুকুকু, আসু বুরাসা য়াখুঙ উনাইসা দাকতি-ব চবা খাইনানি থাংয়া গীজা।
- আসুবুরা : আউ কুবুই য়াখাই তাম সীলাই দাকতি-ন তামঙগই চবা খাইনানি থাংয়াগীজা হিনই-ন পুঙয়াখাই তাম সীলাহ?
- কাথি : আঙ সায়াদে নন তকথু দাকতি তামঙগই চবা খাইনানি থাঙয়া হিনই পুঙগ হিনই?
- আসুবুরা : আহাই খাই আঙ জতনন সাঅই রিবাই য়ীনা দাকতি চবা-ন খাইনানি থাংবাইদি হিনই।
- কাথি : আউ দাকতি চবান খাইকাই খাইয়ই পায়ই খিবতন বুবাগ্রা ফা-ন পাইথন চাঙ ফা-ন চেনথন, চাঙ ফা-ন পাইথন ববাগ্রা ফা-ন চেনথন।

আসুবুরা বাই কাথি থাংকা।

আসুবুরা তাই দঙদরাই কামিঙনি বররক ফাইকা।

- কামিঙনি বররক : দাদা নীঙ তাম খাইনানি চাঙন রিঙগই নাহার, তাম চাঙ বাই কামদে তঙ?

- আসুবুরা : নাহারদি চিনি দঙদরাই কামিঙনি চীলারক
 তাবুকনি সিমি ফাত' কীলায়ই তঙবাই মানি
 লিয়া, চাঙ তাবুক-ব বরকনি বাগই কুসতাম
 খবর আনতিরি খীলায়ই নাইলাইয়া, বরক তাম
 খাইলাই তঙলাইখা তাম খাইলাই চালাইখা।
 নরগ তাবুক বুবাখা বাই বুফুবু থাংলাই চবান
 খাইলাই বন মেচেনই কাবুঅই নরগনি জানি
 জানি বাঁসাইসঙন ফিয়গই নগ' তুবই ফাইলাই
 মানন নাইদি, নরগ চবা খাইনানি থানানি
 হিনকাই দাকতি-ন থাঙলাইদি, বিসি লেরই তা
 তঙলাইদি।
- কামিঙনি বররক : আউ নিনি কক খাই চামানি-ন চাঙ দাকতি-ন
 থাংলাইয়ানী চাঙ তাইকিসা চিনি গুবুনি থানি
 সীরাঙলাইগীরানাখু।
- আসুবুরা : আউ তাই উইসা সীরাঙগই তাই কিসা মানই
 দাকতি-ন চবা খাইনানি থাংলাই নানি খাইদি।
- কামিঙনি বররক : আউ চাঙ দাকতি খাইয়ই-ন থাংলাইয়ানী।

আসুবুরা তাই দঙদরাই কামিঙনি বররক থাংকা।
 সেনাপতি বাই কয়া ফাইকা।

- কয়া : গুবু নীঙ তিনিদে তাই উইসা চবা খাইনানি
 বাগই চবা ফীরাঙনানি ?
- সেনাপতি : আউ আঙ তিনি-ব ফীরাঙনানি।
- কয়া : গুবু আঙ তিনি চবা খাইনানি-ন সীরাঙমানি
 জাগাঅ থাংগই মানলিয়া-দ।
- সেনাপতি : হাই নীঙ তিনি তামঙগই থাংগই মানয়া
 উঙনানি সীলাই, নিনি তিনি তাম চায়া রকদে
 তঙ তাম ?
- কয়া : আনি-বা তিনি লুমই তঙখা নগ', আববাইন

- আঙ তিনি নরগ বাই চবা খাইনানি ফাঁরীঙ-
মানি জাগাঅ তঙগই মানলিয়া ।
- সেনাপতি : নীঙ কীরীইখাই চায়াতা, নীঙ তঙখাই
উঙখামনতা, আহাইকাই আঙ থাংকা খাই ।
- কয়া : থাঙসিদি খাই গুবু ।

কয়া বাই সেনাপতি থাঙকা ।

সেনাপতি, মনিয়া তাই সীরীঙনাইরক ফাইকা ।

- মনিয়া : গুবু তাম দাদা কয়া তিনি চবা সীরীঙনানি
ফাইলিয়াদা নীঙ সাইচুঙ সাক গুদীরা গুদীরা
খায়ই ফাইসীলাই ।
- সেনাপতি : কয়া তিনি চবা খাইনানি সীরীঙথানি ফায়ই
মানলিয়া বিনি বুফা নগ' লুমই তঙগ হিনই ।
- মনিয়া : দাদা কয়া চবান সীরীঙথানি কীরীই হিনকাই
বাহাই চানানি-বা, ব কীরীই হিনকাই চায়া
উঙগই থানাই ।
- সেনাপতি : কয়া কীরীই ফান তাম উঙনানি-বা ব- কীরীই
ফা-ন নরগ সিমি-ন সীরীঙলাই- সিদি ।
- সীরীঙনাইরক : ইহি, কয়া কীরীইখাইলে চায়া ।
ব-ব সাখা চায়া হিনই ।
ব-ব সাখা চায়া হিনই ।
- মনিয়া : কয়া কীরীই খাইলে চায়া-ন ।
- সেনাপতি : কয়া কীরীই হিনকাই তিনি চবা খাইনানি হিনই
চবা সীরীঙ লাইনানি তানসঅই রিনানিদে ?
- মনিয়া : আউ তানসঅই-ন রিদি ।

সেনাপতি, মনিয়া তাই সীরীঙনাইরক থাংকা ।

কয়া বাই মনিয়া ফাইকা ।

- মনিয়া : দাদা কয়া, নীঙ কীরীইখাই চাঙ বুবাথ্রা বাই
চবা নাঙলাইমানি হাম-ন, চিনি অ দঙদরাই
কামিঙনি বররক নন মাঙ আসালাই তঙবাইখা

নীঙ য়াকাই চবাত জিতিঅই মানলাইনিয়া
হিনলায়ই তঙখা, নীঙ-ব সা-ল চবা খাইনানি
থাংগই মান-ন সাদি, নীঙ আন সাকাইসে আঙ
জতনন সাঅই রিবাইনানি।

- কয়া : আঙ আব-ত বুবাথ্রা বাই চবা খাইলাইনানি
থানানি-ন আবসে আনি নগ' আনি-বা লুমই
বীসাক হাময়া উঙগই তঙখাতা।
- মনিয়া : আব-ব কুবুই কক-ন নিজিনি বুফাসে হায়া
কীলায়ই তঙখাই তাই তাম খাই থানানি-বা,
দ উল' বীসাক হামগীরাথ আফুবু থাংলাই
সিউনী তা।
- কয়া : আনি বাবুবা বুফুবু বীসাক-ব হাম-ন আঙ
চবাতবা বুফুবুঅ থাংন ? উঙয়া খাই নরক সিমি
ফা-ন থাঙলাইসিদি।
- মানিয়া : আবলে উঙয়া-দ আবলে ননসে চাঙ সেনাপতি
চঙলায়ই তঙলাইয়, সেনাপতি সীকাঙ থাংয়া
খাই তাই সাব থাংনাই তঙবা আহাই কাই নীঙন
সীকাঙ খায়ই থানানি নাঙতা।
- কয়া : আঙ খাই তাবুক থাংগই মাননিয়া-খ।
- মনিয়া : দ-নিনি নীফা হামগীরাথন-তাখাই।

কয়া বাই মনিয়া থাংকা।
আসুবুরা বাই কয়া ফাইকা।

- আসুবুরা : বাবু নরগ বুফুবুঅ বুবাথ্রা বাই চবান খাইনানি
থানানি সীলাই, থানানি হিনকাই দাকতি-ন
থানানি খাইদি।
- কয়া : থানানি হিনকাই দাকতি-ন থাঙলাই মানখামন
নীঙ লুমই হাঁয়া কীলায়ই তঙমানি বাই সে।
- আসুবুরা : অমা নরগ আঙ হাঁয়া কীলায়ই তঙমানি-ন
নাইসিঙগই তঙগই মান-ন, থাংদি থাংকাই

থাংগই পায়ই ফাইয়াই সে, ব-কালনি
সিমি-ফা-ত কীলায়ই তঙবাই মানি, আব
রাজান চবা খায়ই মেচেনই অ ফাত' কীলায়ই
তঙনাইরকন ফিয়গই তুবই ফাইনানি যাদা
আঙখাই-ব কালে-ন থাংজাকনানি মুচুঙ
তঙখা। থাংলাইদি দাকতি খাইয়ই-ন।

- কয়া : থানানিত থানানি-ন নিনি লুমমানিসে তাম
উঙ-ন।
- আসুবুরা : থানদি আনি বীসাক কুসতাম উঙয়া।

আসুবুরা বাই কয়া থাংকা।

চিলঙতি, দয়াতি তাই কয়া ফাইকা।

- কয়া : পি নরগব সাল' চবান নাঙখাই চা-ন সাসীলাই।
- চিলঙতি : সীকাঙনি মঙগলবারনি সা-ল' থাংলাই খাই
তামঙ সীলাই, অ সাল হিনকাই বার-ব কাহাম।
- দয়াতি : আঙখাই মঙগল বারনি সাল-ন চাজাগ'।
- চিলঙতি : হিমলাইদি খাই অ সাল-ন। যাগ বুকচালে
খরকসা ফা-ন তা হিমদি-দ, জত-ন জানি
জরাতীই জা মানীই কাহামন তীয়বাইদি
কুসতাম কীরীই হিনকাই দা বথি তঙগ আব
ফা-ন তাইনানি হিনই সাঅই মান', জে ফায়ীই
গানাঅ মানজাগনাই ন খরকসা ফা-ন তা
য়াকাদি খরকসা ন লগি তাইয়ই-ন থাইদি।
- দয়াতি : আঙদে আনি লগিঅ খরকসা ন ফা-ন লগিঅ
তীলাঙগই থাঙয়াইথাই সীলাই।
- কয়া : আহাই কাই সীকাঙনি মঙগলবারনি সাল'-ন
চবা খাইনানি হিনই সাবাইদি।
- চিলঙতি : আউ সীকাঙনি মঙগলবারনি সাল-ন রাজা বাই
চবা নাঙনানি সালন থিক খাইকা হিনই
সাচিউনীতা।

- কয়া : আসীক-ন নরগ বাই তিনি রাজা বাই চবা
খাইনানি হিনই থাংলাইনানি হিনই কক
রিলাইখা।
- চিলঙতি : আউ বাবু চীঙ থাঙকাতা।

চিলঙতি, দয়াতি তাই কয়া থাংকা।
গুয়া বাই কয়া ফাইকা।

- গুয়া : কয়া নীঙ তাম খাইনানি বাগই আন মা রিঙখা
সীলাই আসীক দদ-র খায়ই।
- কয়া : ককখাই আহাইসে নীঙ বুবাগ্রান থাংগই কক
থাইচা মা সানাইসে তিনি-ন থাঙগই।
- গুয়া : তামনি বাগই আসীক রাজা বাই কাম নাঙখা
সীলাই।
- কয়া : কাম খাই আহাইসে চীঙ বিনি প্রজারক
সীকাঙনি মঙগলবারনি সাল' ব বাই চবা
খীলাই ফাইনানি। বন সাদি নীঙ বিনি হান ব
আপু সহই-ন যাকারই রিখনব থাইনানি
কিরিখাইবা। আরনি বিসিঙগবথাইনানি কিরিয়া
হিনকাই-বা চীঙ বাই চবা খাইখন। অ ককন
নীঙ খীনানি বিসিঙগ-ন সাঅই রিঅইদি তা
লেরদি নীঙ বাই আসীকন কক।
- গুয়া : আঙ তাবুক থাংকাই-ন রাজান সাঅই
রিঅইয়ানী, আঙ থাংকা তাবুক।

গুয়া বাই কয়া থাংকা।
বুবাগ্রা বাই গুয়া ফাইকা।

- বুবাগ্রা : গুয়া নীঙ তিনি তামঙগই আঙ বাই আসীক
মালাইনানি মুচুঙজাগখা সীলাই?

গুয়া

: বুবাগ্ৰা খুলুমকা, বুখীলাই ফিকুঙ য়ামফীরা চানু তানখীলাই কতকনি থাইন নুগানী, তাবুক ফাইনাই সীকাঙনি মঙলবারনি সাল' দঙদরাই কামিঙনি কয়া হিনজাগনাই নীঙ বাই ফায়ই চবা নাঙফাইনানি ফন, নীঙ থাইনানি কিরিখাই আহই-ন বন নীঙ তঙমানি জাগান য়াকারই রিদি ফন, আরনি বিসিঙগ নীঙ থাইনানি কিরিয়া হিনকাইবা ব বাই চবান নাঙদি ফন, আনি আসীক-ন কক আঙ তাই কুসতাম ফা-ন সানানি কীরাই।

বুবাগ্ৰা

: বা পাৰি আঙ অ হাচীক বেসের কামিঙনি চেৰাই বন আঙ কিরিঅইদে আঙ চবা খীলাইয়াই তঙনানি আবসীকয়া-খ, অ মঙলবারনি সাল' আঙ বাই চবা খাইনানি হিনই ফাইনাইরক আনি থানি খরকসা ফা-ন কিফিলই থাংনিয়া, জতন-ন বুথারই নারীগই খিববাইয়ানী, বরগ আন সিচে সিনিয়াখ। গুয়া নীঙ বরগন সাঅইদি থাইনানি মুচুঙখাই দাকতি খায়ই থাং- বাইদি হিনই সাঅই রিঅইবাইদি।

বুবাগ্ৰা বাই গুয়া থাংকা।

কয়া, মনিয়া তাই চবা খাইনাইরক ফাইকা।

[মঙগলবারনি সাল সকফাইখা জত-ন জাগা কীরাঙসাত ফায়ই থুপসা উঙগই কুথুমলাইখা। আফুবু খাই জত-ন কক থানচা উঙগই বুডানা রিলাইলাইখা]

মনিয়া

: হিনকাই-নরগ জে চবা খাইনানি থাংনাইরক আনি ককন খীনাবাইগীরাদি।

চবাখাইনাইরক

: তাম সাদি নীঙ সানানি হিনমানি।

- মনিয়া : চিনি চবা খাইনাইরকনি দল'-ত সেনাপতি
হিনই খরকসান ফান চঙজাগ কীরাই চাঙ
সাবন সেনাপতি চঙবাই রিনানি নরগ জত-ন
সাবাইদি চাঙ তাবুক-ন অর সেনাপতি চঙগই
রিনানি সীকাঙ হিম্নানি বাগই।
- চবাখাইনাইরক : চাঙ কয়ান চিনি সেনাপতি খাইনানি মুচুঙগ,
বন-ন চিনি সেনাপতি খাইদি।
- মনিয়া : নরগ জতনদে কয়া-ন সেনাপতি খাইনানি
সইলাইবা।
- চবাখাইনাইরক : আউ চাঙ জত-ন কয়ান সেনাপতি খাইনানি
সইঅ।
- মনিয়া : আহই কাই ব-ন চিনি সেনাপতি উঙখা।
- চবাখাইনাইরক : জত-ন কয়ান যাফা খরবই সেনাপতি মানে
লাইয়ই নাহারকা ব-ন চিনি সেনাপতি উঙখা
হিনই।
- মনিয়া : কয়ান সেনাপতি খাইকা হিনই হামজাগই
খুমতীরাঙ কয়ানি ততীরাঅ কান রিঅই রিখা।
- চবাখাই নাইরক : ব কয়ান খুমতীরাঙ কানরিঅই রিখা।

কয়া, মনিয়া তাই চবা খাইনাইরক থাংকা।

বুবাগ্রা বাই সেঙ বুবাগ্রা ফাইকা।

- বুবাগ্রা : সেঙ বুবাগ্রা তিনি-ত চাঙ দঙদরাই কামিঙনি
বরক বাই চবা নাঙলাইনানি কীলাইলাইখা,
বরগ-ত চাঙন পাইয়া আহাইন সাঅই মান'
নীঙ অ চবা খাইনানি হিনই ফাইনাইরকনি
খরকসান ফা-ন তা যাকারদি জতনন বুথারই
নারীগই খিবই রিবাইদি।
- সেঙবুবাগ্রা : খলুমকা বুবাগ্রা, নিনি ককত সই-ন জতনন
বুথারই নারীকগই খিবাইনানি-ন আব-ত

বুবাগ্ৰা

ককন, তবে আনি কক খাই অ বুথার জাগনাই
বররক জত-ন কীৰীই খরঙ খরঙ গীজা মাঙতা
বরগন তাম খায়ই বুথার- নানি আনি য়াগ
ফাইয়া বুবাগ্ৰা ।

- : নীঙ তঙদি খাই আঙ সাক বাইথাঙন বীচাঅই
চবা খাইসিনাই আহাই হিনই সেঙবুবাগ্ৰা-ন
বুবাগ্ৰা সেঙ বাই দীৰীকসা কই ততীরাঅ তানই
বুথারই খিবই রিখা । হিনকা আউ আনি
আপদ-ন পাইখাম সেঙবুবাগ্ৰান আঙ নারীগই
তনিখাই আনসে বুথারই খিবই রিজাগখামন,
আন বুথারনাই বরক নীঙ তাবুক বাহাই উঙখা
সীলাই ।

বুবাগ্ৰা বাই সেঙবুবাগ্ৰা থাংকা ।

তকথু হাজারি কামিঙনি বররক ফাইকা ।

তকথু কামিঙনি বররক দঙদরাই কামিঙনি
বরক ফায়ই বুবাগ্ৰা বাই চবা নাঙলাইনানি হিনই
খীনাঅই চাজাগলাই সুকখা । চাজাগই
বারসালাইখা অ জানবা তাবুকলে রাজা
বুথারজাগনানি উঙখা হিনই, জত-ন
হিনলাইখা চাঙলে রাজানি ফাইসিঙগ কীৰীই
দঙদরাঙ কামিঙনি ফাই সিঙগ সে চীঙ
তঙলাইনাই হিনই সালাইখা, আরনি বিসিঙগ
তে-ব সালাইখা চিনি ম রাজা খাজনা রিঅই
মানয়া বরগরকন তাবুক জরাতীই ফা-ন চবই
তনিখু বরগ-ন ফিয়কগই রিনানি হিনই তাবুক
কুসতাম ফান গদাগর ম কীৰীইখু । ম রাজান
বুথারই খিবই মানখাই চাঙ তুকুঅই বীচামানি
হাই উঙনাই জত বরক-ন সীৰীঙ সীৰীঙ
উঙগই ।

তকথু হাজাৰি কামিঙনি বৱৰক থাংকা ।
বুবাগ্ৰা তাই সিপাই বিৱিনদিয়া ফাইকা ।

- বুবাগ্ৰা : নৱগ আনি সিপাই বিৱিনদিয়াৰক তিনি-ত
দঙদৱাই কামিঙনি বৱৰক চবান নাঙলাইনানি
নাঙলাই, অ চবাঅ-ত চাঙন পাইনাই নৱগ চাঙ
বাই জে চবা খাইনানি হিনই ফাইনাইৰকন
খৱকসান ফা-ন তা-ফিয়কদি জতন-ন বুথারই
সাব খায়ই নাৱীগই খিবই ৰিবাইদি খৱকসা
ফা-ন নগ কিফিলই থাংয়া জাত খায়ই ।
- সিপাইৰগ : আউ বুবাগ্ৰা চাঙ আবতাই খাইয়ই-ন জত নন
বুথারই-ন নাৱীগই খিববাইয়ানী নাঙ তা
উনাদি বুবাগ্ৰা ।
- বুবাগ্ৰা : আসীকলে অ দঙদৱাই কামিঙনি বৱৰক আঙ
বাই চবা খাইলাইনানি বাগই ফাসে
ফাইলাইখীনা । নৱগ আনি সিপাইৰক
দাকতিসে নখৱই চবা খাইলাইমানি জাগাঅ
থাংলায়ই তঙবাইদি । বৱক ফায়ই সকপাই
খাই-ন তাই কুসতাম কক কীৱাই ৰিসে ৰিদি
দীৱীক সাকাই দীৱীক তানই বেৱাদি সেঙ বাই
মাঙ ।
- সিপাইৰগ : আউ বুবাগ্ৰা, চাঙ আবতাই-ন খাইয়ানী নন
সাকাবেলে তা-উনাদি হিনই ।

বুবাগ্ৰা বাই সিপাই বিৱিনদিয়া থাংকা ।
দঙদৱাঙ কামিঙনি চবা খাইনাইৰক ফাইকা ।

দঙ দৱাঙ কামিঙনি কয়া-বা পাইথন, তকথু
হাজাৰি কামিঙনি বুবাগ্ৰাবা চেনথন, দঙদৱাঙ
কামিঙনি কয়াবা পাইথন, তকথু হাজাৰি
কামিঙনি বুবাগ্ৰাবা চেনথন ।

বুবাগ্ৰা

: বা চেনখন হিনই ফাইলাইখা চবা খাইমানি
জাগাঅ।

বুবাগ্ৰানি দল ফাইকা।

বুবাগ্ৰা হিনকা নরগনি দল-ন সীকাঙ
আগগদি হিনই বুবাগ্ৰা বীচাঅই নাহারই তঙখা,
দঙদরাইনি দল ফাইখাই-ন চবা রিলাইনানি
হিনই নরগ জাবেই ফাইগীরাডি সীকাঙ হিনই
সাহরই তঙখা বুবাগ্ৰা। বুবাগ্ৰা তে-ব সাহরখা
নরগ অরনি-ন কিফিলই থাংবাইদি চবান খাইয়া
কারই, নরগ অ-র জে ফাইনাইরক আনি থানি
খরকসা ফা-ন কিফিলই থাংনিয়া আনি থানি,
নরগ অরনি-ন কিফিলই থাংবাইদি নরগ
থাংনানি মুচুঙ খাই, তঙনানি মুচুঙখাইবা আঙ
বাই চবা খাই পাইদি নরগ।

কয়া সেনাপতি ফাইকা।

কয়া

: এই বুবাগ্ৰা নীঙ তাম অর সাহরই তঙ বুবাগ্ৰা
তীতীই নীঙ নিনি প্রজারক বাই মীতীই খায়ই
কক সাঅই তঙনানি লাচিয়াদা? নীঙ চিনি
কামিঙনি বররক-নন খাজনা রিঅই মানয়া
হিনই নীঙ রমই বিসিরে বিসি ফা-ত চবই
তনমানি-ন তাবুক-ন জতনন ফিয়গগই
রিহরবাইদি তাবুক-ন, আহাই খাই চীঙ
তাবুক-ন নীঙবাই চবা খাইয়াঅই নগ' কিফিলই
থাংগানী।

বুবাগ্ৰা

: আঙ অ খাজনা রিঅই মানয়া রকনত ফা-ত
চবখা-ন তাবুক ননসে চবনানি ফা-ত হিনই

বুবাথ্রা নখরই ফাইকা ফায়ই কয়া বাই চবান
নাঙলাই ফাইকা ।

সিপাই বিরিনদিয়ারক-ব চবা খাইনানি
হিনই থাংনাইরক বাই চবা নাঙলাইখা, চবা
নাঙলাইতে নাঙলাই তে সিপাই বিরিনদিয়া
খরকসা নুগই রিখা আতকাসা নাইবা বিনি
বুমাসঙ বিনি বতইজীকসঙ বিনি বুবাচাঁইসঙ
তাই বিনি জাইতি গুসতি-নসে নুগই রিঅই
আতকাসা আচমবক চাঅই থাংকা ।

আতকাসাখায়ই সিপাই বিরিনদিয়া সাকা ।

সিপাই বিরিনদিয়া : সাকা খীনাবাইগীরাদি খীনাবাই গীরাদি
তাখুকরক বুখুকরক খীনাবাইগীরাদি চবা-ন তা
খীলাই লাইগীরাদি-খ আঙ নরগন কক থাইচা
সানানি ।

চবাখাই নাইরক : সৌঙখা তা-ম তা-ম হিনই ।

সিপাই বিরিনদিয়া : সাকা ম চবান আঙ তাই খাইলিয়া ।

চবাখাই নাইরক : সৌঙকা তামঙগই নৌঙ ম চবান খাইলিয়া সীলাই
তামঙগই তাম উঙখা নিনি ।

সিপাই বিরিনদিয়া : নরক ম চবা খাইতানি জুইত খায়ই নাহারই
নাইদি অ-র জত-ন চাঙ নক কাইসানি বরক
মাঙসে নরগ জুইত খায়ই নাইসিগই নাই
সীলাই অ-র তাই কে-ব কীরাই, চিনি মা চিনি
তই চিনি পি চিনি বাচাঁই চিনি নানক চিনি বাই
চিনি কাকি চিনি মামিসঙ সিমিসে ম চাঙ বাই
চবা নাঙলাইরকনিদ-ল নরগ নাহারই
নাইবাইদি জুইত খায়ই ।

চবানাঙনাইরক : জুইত খায়ই নাহারই সাকা আউ কুবুইয়া খাই
তাম সীলাই হিনই সাকা । বব হিনকা আঙব
তাই চবান খাইলিয়া হিনই সাকা আবতাই হিনই

- জত-ন সালাইতে সালাইতে রাজানি ফাইসিঙগ
 খরকসা ফা-ন চবা খাই নাই হিনই কাঁরাইখা,
 রাজা সাইচুঙ-ন চবা খাইনাই উঙগই তঙসিঅ।
- কয়া : আফুরু কাই হিনকা, এই রাজা নীঙ তাবুক লে
 চিনি থানি তাই বর যগই থাংচিনানি নীঙ তাই
 চিনি থানি যগই থাংলিয়া, এই মনিয়া তাবুক-ন
 ম রাজান রমই খাদি।
- কনিয়া : আউ সেনাপতি হিনই রাজান রমই খাঅই
 খিবকা।
- রাজা : আন তা খাসিদি আঙন জত-ন অইনাই খাইকা,
 আন খামানি খেঙগই রিদি, আঙ তাই মীতাই
 উঙলিয়া।
- কয়া : নীঙ তাবুকদে সাঅই মান আঙ অইনাই খাইকা
 হিনই, নন খাজনা রিঅই মানয়া হিনই বসররে
 বসর নীঙ বরকন রমই ফা-ত খিচনই চবই
 তনিমানি সীলাই, মুইতু দে তঙ? হিমদি নন
 তাবুক ফা-ত চবই তনিনাই অ ফা-তনি
 বিসিঙগ-ন নন বুথারনাই। থাংদি নরগ জত-ন
 ফা-ত কীলাই তঙনাইরকন ফিয়কলায়ই
 তুবলায়ই ফাইলাইগীরাইদি থাংবাইদি নরগ
 জত-ন।

[আফুরু কাই চবা খাইনানি হিনই
 ফাইনাইরক জত-ন থাংগই ফা-ত কীলায়ই
 তঙনাইরকন ফিয়গগই তুবই ফাইবাইখা।
 আফুরু কাই অ ফা-ত কীলায়ই তঙনাইরক
 জানি জানি বিহিগ বীসান নুগই কাবলায়ই
 তঙবাইখা, তিনি নরগ তাম খায়ই অর ফায়ই
 চীঙন ফা-তনি সুরগগই মানফাইখা সীলাই]

দণ্ডদরাঙ কামিঙনি চবা খাইনাইরক থাংকা ।
মইনাক বাই বলঙতি ফাইকা ।

মইনাক : চাঙ ফা-ত হাবমানি তাবুকয়া চি থাম চিবাইরাই
বসরসে লায়ই থাংকা তে-ব বাহাইকাই রাজা
বাই চবা নাঙগই রাজা-ন মেচেনই নরক চাঙন
ফিয়কগই তুবই ফায়ই মানখা নরগ হাই বরক
কাহামরকলে ম হাঅ তাই কীরাইনা ।

বলঙতি : ম-চাঙন পুইলা সীকাঙ ককন তিসাই
রিগীরাইনাই হিনকাই দাদা আসুবুরাসে । চাঙ
পুইলা-ন সাকা কক খুক থিক উঙদি, থানচা
খায়ই তঙদি থানচা খায়ই চাদি হিনই চাঙন
সাগীরাখা, উলখাই চবা খাইনানি হিনই
সালাইখাই দাদা আসুবুরান চবান ফাঁরীঙনানি
বাগই সেনাপতি খরকসা চাঙন নাইতুগই
রিফাইকাতা আব বাইসে চাঙ রাজা বাই চবা
খাইয়ই মানসিঅ । চাঙ চবা খাইনানি বাগই
চবান সীরাঙলাইফুবু জতনি সীলাই বিসি খায়ই
মাননাই হিনকাই-ন দাদা আসুবুরানি বাসীলা
কয়া হিনজাগনাই, আববাই-ন বন চাঙ
সেনাপতি চঙগই রিঅ ।

মইনাক : অ আহাইদা, বসীক বুই তাই চবা খাইনানি
মানয়াদা অ কয়া হিনজাগনাই-ন বিসি খায়ই
মান বেলে না ।

বলঙতি : আউ ব-ন বিসি খায়ই চবা খাইনানি মাননাই
বরক ।

মইনাক বাই বলঙতি থাংকা ।

চবারাই বাই চাকসিয়া ফাইকা ।

চাকসিয়া : তাম কয়ানি বুফা দা আসুবুরা ন হয়া বারি
হিনইসে খীনাবেলে ।

- চব্বাৰাই : হাই কুবুইদে হিন আ-ব। তাবুকতাইৰগ' বুফা থাই কাইলে চাঙ মালাইসুকথা।
- চাকসিয়া : তাবুক চিনি অ-ৰ উঙখা ৰাজা কীৰাই হা উঙগই তঙখা জেসা উঙগই তঙব তাই সমজগনাই তমজগনাই কীৰাই উঙগই তঙমানি জৰাঅ।
- চব্বাৰাই : চাঙ তাবুক তকথু হাজাৰি কামিঙ বাই দঙদৰাই কামিঙনি বৰক আগিনি হাই কাই-ন তাই উাইসা থানচা উঙগই বুবাথা চঙলায়ই ৰিলাইনানি সে নাঙনাই বুবাথা কীৰাইত চাঙ তঙগই মানয়াবেলে।
- চাকসিয়া : আউ চাঙন তাই উাইসা চিনি তকথু হাজাৰি কামিঙগ সেলায়ই মা থাঙলাইয়ানীতা, চিনি আগিনি নকথাই কীচাম', চাঙ আগিঅ নগ সেলায়ই ফাইলাইমানি উঙখা ৰাজা-ন খাজনা ৰিঅই মানয়া উঙগই তসিল বাই মাইৰাঙ লুতা ৰিচুম কুবুক খাইজগই ৰি কীৰাই চুম কীৰাই লাঙতা লাঙতি মা তঙলাই যানী হিনই সে নগ সেঅই অ দঙদৰাই কামিঙগ খাৰই সেলায়ই ফাইলাইমানি দীলা।
- চব্বাৰাই : আউ আব-ত আহাই-ন তাবুক থাংলাইনাই তা চাঙ জত-ন কামিঙ কাগলাই ফুইলাই খাইলাই তঙমানি দে হামবা থানচা খায়ই তঙলাইমানি-ন হামতা কক থানচা খুক থানচা খায়ই-ন, আব-ন চিনি ৰাইদা বা আবতাই খাই-ন তঙনানি নাঙনাইতা।
- চাকসিয়া : তাবুক কয়ানি বুফা আসুবুৰা হায়া কতৰ কীলায়ই তঙমানিসে তাম উঙন সাঅই মানয়াখ।
- চব্বাৰাই : আউ আবলে উানামাসিঙসা-ন।

চব্বাৰাই বাই চাকসিয়া থাংকা ।
মনিয়া ফাইকা ।

মনিয়া

: দঙদৰাই কামিঙগ গুৰিঅই জতন-ন সাকীলায়ই
ৰিবাৰাইখা, কয়ানি বুফা আসুবুৰা থীয়ই থাংকা,
বীসাইনি লগি লগি-ন বিহিগ-ব আতকাসা
কাফীৰাঅই থীয়ই থাঙকা আবতাই জতনন
সঅই খবরন ৰিঅই কাবুবাৰাইখা । আফুৰু কাই
কামিঙনি বররক উৰ নাঙগই কাবলায়ই
ফাইবাৰাইখা, আসুবুৰা বাই বিহিগ কাথিন
সিমালীঙগ তীলাঙগই কাসত খাইলাইনানি
বাগই । অ ফাইলাইফুবুঅ বাগসাবা যঙ হিনই
কাবই ফাইকা, বাগসাবা অ পি হিনই কাবই
ফাইকা, বাগসাবা তয় হিনই কাবই ফাইকা,
বাগসাবা যঙবীৰীই হিনই কাবই ফাইকা,
আবতাই খায়ই জতন ফাইলাইয়ই পাল খায়ই
সিমালীঙগ তীলাঙলায়ই আসুবুৰা বাই বিহিগ
কাথিন কাসত খীলাইলাই খিবলাইখা । বীসীলা
কয়া-ব হচিনি নি মাইখীলাই ৰিনানিন তীয়
সারচাই তুবই হৰচিনি মাইখীলাই বুমা বুফান
ৰিঅই পাই খিবকা ।

মনিয়া তাই কামিঙনি বরকরগ থাংকা ।
চাকসিয়া ফাইকা ।

চাকসিয়া

: দঙদৰাই কামিঙনি জত বররকন ৰিঙগই
আগিঅ বরক তঙবুমানি কামিঙ কীচাম তকথু
হাজাৰি কামিঙ কীচাম জত-ন বাগ- সানি
বাগসা খায়ই তাইসা আৰ-ন আৰ খায়ই নগ
সেলাই থাংবাৰাইখা । তাবুক খাই আগিনি হাই

তাই উইসা অ তকথু হাজারি কামিঙ আগিনি
হাই-ন হম হম দম দম উঙ লায়ই তঙলাই উখা
ডাসেক ডাসেক উরেঙ উরেঙ উঙলায়ই।

চাকসিয়া জতনন কামিঙ সেরিঅই রিবাইখা।

চিলঙতি বাই দয়াতি ফাইকা।

দয়াতি

: তাবুকলে চিনি আগিনি নকথাই জাগাঅ-ন চাঁঙ
সকফাইখা চাঁঙ কক থানচা খুক থানচা উঙগই
রাজা বাই চবা খায়ই রাজান মেচেনই
মানয়াখাই চাঁঙ তাইসা চিনি নকথাইঅ ফায়ই
সকফাইনানি নাঙগীলা- খামন তা।

চিলঙতি

: আউ আবলে রাজান চবা খাইয়ই মেচেনই
মানয়াখাই চাঁঙ অরঅ তাই উইসা কিফিলই
সকফাইয়া। চিনি দাদা আসুবুরাবাই বিহিগ
বাচাই চিনি মন নুগলাঙলিয়াতা, চিনি মন বরগ
নুগলাঙখাই বরগ কম খায়ই হামজাগ
লাঙখামন।

দয়াতি

: দাদা আসুবুরা বাই বিহিগ বাচাই কাথি কিসা
বরক কাহামদে বরগ খীয়ই থাংকা চিনি কিসানি
ফা-ন চালিয়া। বরক খীয়ই থাং কাই-ন বিনি
নগনি তকথু রিজাগ-ব বিয়াঙ-ব কীমাঅই
থাংকা সাঅই মানলিয়া।

চিলঙতি

: নগ গিসতি-ন খীয়ই থাংবাইখা অ তকথু-ব
আর তাই বর তঙনানি অ তকথু খাইবা সাঅই
মানয়াদে বিনি গিসতিরক খীয়ই থাংবাইখা
হিনই।

দয়াতি

: আউ আবলে আহাই-ন। তাবুক আঙ বাই
তঙনাই দাদা আসুবুরানি বাঁসাল কয়া হিনই
কিসানি বরক কাহাম দেবা আবতাইরকন বুবাগ্রা

- হিনই চঙগই মানখাইসে কাহাম উঙখামন ।
প্রজারকন মায়া খাইসুকখামন ।
- চিলঙতি : আবতাই কাহাম বরক উঙগই-ন বন জত-ন
সেনাপতি হিনই চঙগই রিঅ নিয়াদে ।
- দয়াতি : বন সেনাপতি চঙগই-ন চাঙ রাজান মেচেনই
মানসিঅ, উ ঙয়াখাই মেচেনইসে
মানলাইগীলাখামন ।
- চিলঙতি : রাজানি সিপাইরক -ব বরকনি জাইতি
গুসতিরকন নুগই চবান খাইয়া কারই চিনি
ফাইসিঙগ-ন য়াগ তিসাতই রিখা খাই রাজা-বা
আহাই-ন নরম উঙগই চেনই মা থাংকাতা ।
সিপাইরক-ব সাতই মানখাতা-রাজা গীনাঙনি
ফাইসিঙগ চাঙ তঙগই চুকয়া, চাঙ কীরাই
বরক কীরাইনি ফাইসিঙগ-ন তঙমানি হাম'
হিনই কীরাইনি ফাইসিঙগ-ন তঙখাতা, অ
সিপাইরকনি আব-ন সই, তীমা কীরাই
বররকবা গীনাঙ ফাইসিঙগ খায়ই তঙনানি
ককবা, কীরাইবা কীরাইনি ফাইসিঙন তঙনানি
ককতা ।
- দয়াতি : আববাই-ন আঙ খাই কীরাই খরঙ খরঙন
নায়ই-ন বুবাথ্রা চঙগই রিনানি মুচুঙগ ।
- চিলঙতি : আঙব আহাইনতা । কীরাই বরক খাই কীরাই
বরকনি কামন বিসি খায়ই খাই নাইতা । বলে
কীরাইনি দুখু-ন বুজিঅই থাংনাই-বা ।

চিলঙতি বাই দয়াতি থাংকা ।
চবারাই বাই চাকসিয়া ফাইকা ।

- চাকসিয়া : চবারাই চিনি আগিনি রাজান-ত চবা খায়ই
মেচেনই তাবুক বন ফা-ত খায়ই চবই তনিখা

খাজনা রিঅই মানয়ারকন ফা-ত চবতাই খায়ই
চবই বন তাই চাঁও প্রজারক ফিয়কলিয়া, ব
আর-ন খীয়ই সগই সুমই মা তঙসিনাই, ব
তাই মা যকনানি হিনই কীরীইখা। তাবুক বিনি
বদলা তাই কাইসা বুবাগ্রা কীতাল খায়ই মা
চঙলাইয়ানাবেলে, ফাইদি সাবন চঙলাইনানি
থিক খীলাইলাইদি।

- চবরাই : দা চাকসিয়া নীঙন সাসীলাই সাবন বুবাগ্রা
চঙগই রিখাই কাহাম উঙন নীঙন উান সীগই
সাদি।
- চাকসিয়া : আঙ আনি বীখা বিসিঙগ হিনখাই থাইনাই দা
আসুবুরানি বীসীলা কয়ান চিনি বুবাগ্রা খায়ই
রিনানি মুচুঙমানিতা নীঙ খাই তাম হিনসীলাই।
- চবরাই : আহাইকই আনি বীখা বাই নিনি বীখা থানচা-ন
উঙখাতা, আঙব দাদা আসুবুরানি বীসীলা
কয়ানন বুবাগ্রা সীনামই রিনানি মুচুঙগ আব
সে বুইবা তাম হিন-ন সাঅই মানয়া, আঙ খাই
বনন বুবাগ্রা চঙগই রিনানি মুচুঙগ বিসি খায়ই।
- চাকসিয়া : ম থিপিঅ-ন আঙ পানদা কাইসা রিঙগই
রিনাই, আফুবু-ন বুবাগ্রা চঙগই রিনাই জেসা
কাইসান ফা-ন।
- চবরাই : রিঙগই রিদি দাকতি-ন বুবাগ্রান চঙখাই
চঙলায়ই পাইলাই খিবলাইমানি হাম'।
- চাকসিয়া : আউ আঙ দাকতি-ন রিঙগানী পানদান।

চাকসিয়া বাই চবরাই থাংকা।

সদার বাই বলনতিয়ারক ফাইকা।

- সদার : ম থিপি-ত চাকসিয়া হিনজাগনাই বুবাগ্রা
চঙলাইনানি বাগই পানদা কাইসা রিঙনানি

- কক। চাঁও সাবন বুবাথ্ৰা খায়ই রিমানি হাম-ন
সাবাইসীলাই নরগ।
- বলনতিয়ারক : চাঁও বুবাথ্ৰা চঙগই রিমানিন বুই চাজাগনিয়া
বেলে।
- সদার : নরগ সাবন বুবাথ্ৰা চঙগই রিনানি মুচুঙ
সাবাইসীলাই বীখান খুলগগই।
- বলনতিয়ারক : চাঁওখাই যঙ আসুবুরানি বীসীলা কয়ানসে
বুবাথ্ৰা খায়ই রিনানি মুচুঙগ, ব খাই কীরাই
য়াখুঙ ফালই চানাইনি বীসা ব-ন বুবাথ্ৰা খায়ই
রিখাইব কীরাইন নাইসিকগানী। আববাই-ন
চাঁও ব ন বুবাথ্ৰা খাই রিনানি মুচুঙগ, নীঙ
সীলাই সদার?
- সদার : আঙব দা আসুবুরানি বীসীলা কয়ানন বুবাথ্ৰা
খাই রিনানি মুচুঙগ আহাই কাই নরগ-ব
কয়ানন বুবাথ্ৰা খায়ই রিদি অ পানদা
আচুকলাইমানি জাগাত কক সাদি।
- বলনতিয়ারক : চাঁও খাই কক সানাই অ পানদাঅ, নীঙব সাদি
সদার।
- সদার : আঙব সানাই অ পানদাঅ কয়ান বুবাথ্ৰা খাইদি
হিনই।

সদার বাই বলতিয়ারক থাংকা।
চনদিয়া বাই বিরিনদিয়ারক ফাইকা।

- বিরিনদিয়ারক : দা চনদিয়া নীঙ চাঁওন খমা খায়ই রিদি চাঁও
নন বুবাথ্ৰানি কক বাইসে নন মাবু সিঅ,
উঙয়াখাই নীঙব কীরাই বরক চাঁওব কীরাই
বরক নন চাঁও বুনানি ককয়া, বরগ-ব বুবাথ্ৰান
কীরাই বাই খাজনান রিঅই মানয়া উঙগই
কামিঙ কাহামন থিবিঅই নগ সে-অই-মা

থাংকা আব চীঙ খাইবা সাঅই মানয়াদে।
সাঅই মান ফা-ন বুবাথ্রানি কক বাই-ব
দাগেমানি কামন চীঙ মা খাইঅ।

চনদিয়া

: নরগন বুবাথ্রা খি চাদি হিনকাই নরগ খিন
চানানি ককয়াবেলে নরগ সাক সাক-ব কিসা
গুউর তিখিলাইখা, নরগনি আব চালিয়াবেলে,
নরগ উল আবতাই তা উঙলাইসিদি, কাইসান
সাঅই মান' হিনই আসীক তা সাদি, কাইসান
খাইয়ই মান' হিনই আসীক তা খাইদি, কাইসা
ন বুঅই মান' হিনই আসীক তাবুদি চীঙ বরক
নিয়াদা, চীঙ বরক হিনকাই উলনি-ব উান
সুকনানি নাঙনাই সীকাঙনি-ব উান- সুকনানি
নাঙনাই।

বিরিনদিয়ারক

: অঙখা দাদা চিনি-ন চায়া উঙখা, নীঙ তাবুক
চীঙন জেসা ফা-ন খাইদি চীঙ আবনন সঅই
তঙনাই।

চনদিয়া

: নরগন আঙ তাম খাইনানি, নরকন উল' তাই
আবতাই তাউঙসিদি হিনইসে আঙ নরগ-ন
সাঅ তাবুক।

চনদিয়া বাই বিরিনদিয়ারক থাংকা।

চাকসিয়া তাই কামিঙনি বররক ফাইবাইখা।

চাকসিয়া

: তিনি আঙ নরগন কবগই পানদা কাইসা রিঙখা,
অ পানদাঅ নরগ জত-ন ফাইবাইখা, ম
পানদাঅ নরগ জত-ন ফাইবাইখাবা কাহাম-ন
উঙখা। তিনিনি আঙ পানদা কবকগই নরগ-ন
রিঙগই তুবই ফাইমানি খাই আহইসে। চিনি
তকথু হাজারি কামিঙগ-ত বুবাথ্রা হিনই কাইসা
ফা-ন কীরাইখা। চীঙ তিনি নরগ বাই জত

বাই-ন থানচা খায়ই বুবাগ্রা চঙলাইনানি, সাবন বুবাগ্রা চঙমানি হামন নরগ জত-ন সাবাইদি তাবুক অর।

কামিঙনি বররক সাকা নরগ-ন বুবাগ্রান চঙগই রিদি নরগ জে চঙগই রিমানি-নন চাঁঙ আব-নন মানেঅই থাংগ।

চাকসিয়া

- : আঙ নরগ জতনি উঙগই-ন চিনি তকথু হাজারি কামিঙনি বুমা বুফা কীরাই চাঁঙ রাজা বাই চবা খাইপুরু সেনাপতি চঙজাগ নাই কয়া হিনই মুঙ বিনি বন-ন আঙ চিনি অরনি বুবাগ্রা উঙনানি বাগই চঙগই রিনানি মুচুঙগ, নরক তাম হিনবাই সাদি।

কামিঙনি বররক উঙখা হিনই য়াফা খরবই উঙখা হিনই সাহরলাইখা, আবনি উল হিনকাই খুমতীরাঙ কানরিঅই রিবাইখা। কামিঙনি জতবররকন। তাইব কামিঙ কামিঙনি বররক হিনবাইখা কয়া বুবাগ্রানি জয় কয়া বুবাগ্রানি জয় হিনবাই খা জত-ন আবতাই জত-ন হিনলায়ই উর নাঙলায়ই থাংকা।

চাকসিয়া

- : আফুবু খাই জতন-ন আচুকবাইদি হিনই আচুকরিবাইখা চাকসিয়ানি ককন খীনাঅই জত-ন নিরাল খায়ই আচুকবাইখা।

চবারাই

- : আফুবু খাই কয়ান রাজানি কামচাঁলাই রাজানি মতকরকন বখরগ' থুপরিঅই কানরিঅই চুমরিঅই রাজা সীনামই তুবই সিঙহাসন' আচুকরিঅই রিফাইকা।

[রাজা উঙগই সিঙহাসন' আচুক খা।]

চবারাই

- : কয়া তাবুকনি সিমি-ন চিনি রাজা উঙখা হিনই জত-নন সাকীলায়ই রিখা তিনিনি সিমি-ন চিনি রাজা উঙখা হিনই। আফুবু খাই অ পানদানি

চাকসিয়া

জত বরক-ন যাফা খরব- বাইখা কাহাম-ন
উঙখা হিনই খাপেখা হিনই।

: কয়া তিনি পুইলা রাজা চানানি সাল, ব তিনিনি
সাল' চীঙন কক থাইচা থাইনীই সাঅই
খীনারিউনী।

কয়া বুবাগ্রা

: আঙব নরগন তিনি তাই সাল' কুসতাম ফা-ন
রিঅই মানয়া, আঙ তিনি পুইলা বুবাগ্রা উঙগই
আচুকমানি সাল, তিনিনি সিমি-ন তাই নরগ
থাপানি খাজনা নকনি খাজনা হুগনি খাজনা
রিনানি নাঙলিয়া, তাই রাজারকনি রাইদাঅ
তঙমানি কইনা খাঙগই বুইনি বাঁসা কাহাম
বাঁতাই কাহামন রমই তুবই আনন্দ মহলনি
বিসিঙগ চবই তনি ফাইমানি আব-ব তিনিনি
সিমি-ন আঙ বাদ খায়ই রিখা।

অ কয়া বুবাগ্রানি ককন খীনাঅই জত-ন
দই-ন দই-ন হিনই হামবাই রিবাইখা।

চাকসিয়া ব-হামবাই রিখা।

চাকসিয়া তাই কামিঙনি বররক থাংবাইখা।

চিলঙতি বাই দয়াতি ফাইকা।

দয়াতি

: দাদা আসুবুরা বাই বিহিগ বাচাই কাথি তাবুক
তঙখাই বাঁসীলা কয়া বুবাগ্রা চামানি বাঁসীক
খায়ই তঙথকজাগবাইখামন। আবসে বাহাই-ব
ততপ তাতাব খায়ই ফুঙচাই-ন কীলায়য়ই
থীয়ই থাংবাইখা তাই তাম ককন হিনই সানানি।

চিলঙতি

: দাদা আসুবুরা বাই বাচাই কাথি-ন চীঙন উদার
খায়ই রিনাইরকতা বরগন চীঙন নরগ চবান
খাইনানি সীরাঙলাইদি হিনই সাঅইসে চীঙ
কক থানচা উঙলায়ই চবা খাইনানিন

সাঁৰীঙলায়ই চাঁও চৰা খায়ই ৰাজহাই গীনাঙ
 বৰকন মেচেনই চাঁও তাবুক ৰাজা কীতাল
 চঙজাগনাই দাদা আসুবুৰানি বীসীলা কয়ান
 বুবাথ্ৰা চঙগই ৰিঅইসে চাঁও তাই খাজনা
 হিনমানিন ৰিনানি নাঙলিয়া হিনই সাজাগ'।
 আব কম কাহামনি কক, আঙ-ত আবতাই কক
 মা বুৰা ফা বুৰানি থানি-ব খীনায়াখ, আবতাই
 জাগানি খাজনা মা ৰিয়া কক তাবুক সে
 আতকাসা খায়ই চিনি কীতাল বুবাথ্ৰা কয়ানি
 থানি খীনাগীৰাঅ।

দয়াতি

: আউ আঙব আহই-ন চিনি সিরিসিতি ৰকনি
 থানি-ব মীতাই ৰাজা খাজনা নাহাৰ যানি ককন
 খীনায়াখ। আব সুদুনদা ৰাজা কয়া কইনা-ব
 খাঙগই তাই বীৰীই সিকলা কাহাম কাহাম
 ৰকনব তীলাঙলিয়া ফন। আব চিনি বাগই কম
 কাহাম উঙথা।

চিলঙতি

: আউ আবলে আবতাই-ন, কয়ান আগিঅ আঙ
 আবসীক বৰক কাহাম হিনই সাঅই মানয়া।

দয়াতি

: ফাইদি চাঁও উইসাসীক খাংগই চিনি বুবাথ্ৰা
 কীতাল বাই কক সালাইয়ানী কীচাঙ কীচাঙ
 খায়ই।

চিলঙতি

: দ হিমনাবা উইসাসীক।

চিলঙতি বাই দয়াতি থাংকা।

কয়া বুবাথ্ৰা বাই বুবাথ্ৰাকুসু ফাইকা।

বুবাথ্ৰাকুসু

: খুলুমকা বুবাথ্ৰা, নীঙ চিনি বুবাথ্ৰা খাচুক
 উঙগই-নন আঙ কক থাইচা সানানি মুচুঙগ,
 নীঙবা তাম হিন-ন আন কাহামদে হিন-ন
 হাময়াদে হিন-ন আনবা।

- বুবাগ্রা : নীঙ আন তা খুলুমদি ননসে আঙ খুলুমনানি
নীঙ আনি সীলাই অকীরানি বিসিঙ তে-ব
অকীরা। তাবুক নীঙ আন তাম কক সানানি
মুচুঙ সাদি বীখা খুলগই।
- বুবাগ্রাকুসু : নীঙ কুসতাম ফা-ন আন হাময়া হিনই তা হিনদি
ফিয়া।
- বুবাগ্রা : আঙ নন কুসতাম ফা-ন হিনয়া সাদি কুসতামন
তা কিরিদি আন।
- বুবাগ্রাকুসু : ফাইদি নন তাকীলাই কায়াই খিবানী বুবাগ্রা।
- বুবাগ্রা : অ ককদা, আহাইখাই কাইজাগগানীতা বীরীই
বর তঙবা?
- বুবাগ্রাকুসু : আবখাই আঙ নিনি বাগই বকালে-ন বীরীই
নায়াই তঙখা, বীরীই খাই আবসে কীরীইজা
বিগীরা খরঙ খরঙ তা।
- বুবাগ্রা : আবতীই বিগীরা খরঙ খরঙন কাহাম তা দ-উঙ
থন।

কয়া বুবাগ্রা বাই বুবাগ্রাকুসু থাংকা।
বুবাগ্রাকুসু বাই চনদিয়া ফাইকা।

- চনদিয়া : বুবাগ্রাকুসু নীঙ আন তাম খাইনানি মা
রিঙসীলাই, তাম কাদে তঙ?
- বুবাগ্রাকুসু : নীসাজীকন তাকীলাই কাইনানিদা।
- চনদিয়া : বরক কাহাম মানখাই কাইনানি-ন হিনই তঙগ,
সাব কাইনানি হিনকাই আবতীই বরকদে তঙবা
বুবাগ্রাকুসু।
- বুবাগ্রাকুসু : বরক কাহাম তঙবেলে নীঙ কাইনানি হিনকাই।
- চনদিয়া : সাব সীলাই বুবাগ্রাকুসু।
- বুবাগ্রাকুসু : তাবুক কীতাল খায়াই বুবাগ্রা চঙজাগনাই তা।
- চনদিয়া : অ কয়া বুবাগ্রা বাইদা?

- বুবাগ্রাকুসু : আউ আব বাই-ন।
- চনদিয়া : উ আববাইলে আনি আঙসাজীকন কাই রিঅই
চানিয়া বেলে, রাজাসে হিনকাই আঙ বেলে
কুসতাম ফানসে কীরীই বিগীরা খরঙ খরঙ ব
বাই খাই আঙ সাজীক কাইজাগনিয়া।
- বুবাগ্রাকুসু : আবতীইয়া চনদিয়া কয়া রাজা উঙগই
তঙফা-ন ব আবতীই কীরীই গীনাঙ বাসিনাই
বরকয়া, নীঙ ব বাই-ন নীসা জীকন কাইদি
আব-ন চানাই।
- চনদিয়া : কুবুই দেবা বুবাগ্রাকুসু।
- বুবাগ্রাকুসু : কুবুই-ন চানাই।

বুবাগ্রাকুসু বাই চনদিয়া থাংকা।

মইনাক বাই বলঙতি ফাইকা।

- বলঙতি : কয়া বুবাগ্রা খাই বরক কুকুবুই খাই কাহাম-ন
আসীক কামিঙগ গীনাঙ গীনাঙনি বীসাসে
তঙগ-ব আববাইসে কাইজাগয়াই বিয়াঙ
বিয়াঙ অ কীরীই বিগীরা খরঙ খরঙ চনদিয়ানি
বীসাজীক চাকতি বাইসে কাই- জাগনানি হিনই
কক সীঙলাইখা ফন, কক সীঙনাইরক হিনখাই
বুবাগ্রাকুসুসঙ হিনতা।
- মইনাক : আউফন আঙব কিসা কিসা খীনাকা অ ককন,
ম কয়া বুবাগ্রা কীরীইনি বুবাগ্রা নিয়াদা, ম কয়া
বুবাগ্রা গীনাঙনি বুবাগ্রায়া, চীঙ পাল খায়ই
গীনাঙনি বুবাগ্রা-ন কক থানচা খায়ই চবা খায়ই
রীখীলাইয়ীই রিহরকা নিয়াদা। কয়া বুবাগ্রাবা
কীরীইনি বুবাগ্রা হিনকাই কীরীইনি কামনন
খীলাই নাইতা।
- বলঙতি : আউ আবলে কুবুই-ন কীরীইনি রাজা খাই
কীরীইনি কামনন খাইনাই, গীনাঙনি রাজা

হিনকাই গীনাঙনি কামন-ন খাইনাই। আবতাই
য়াদা।

মইনাক

: আউ আবলে আবতাই-ন।

মইনাক বাই বলঙতি থাংকা।

কয়া বুবাগ্রা বাই বুবাগ্রাকুসু ফাইকা।

বুবাগ্রাকুসু

: কয়া বুবাগ্রা বাই চনদিয়ানি বীসাজীক চাকতি
বাই কাঁরীই বরকনি সাদি খাইমানি হাই খাই-ন
খায়ীই রিখামুই পেলেঙ উাসুঙ খাম-ন
তামনাইরকন দলসা নাহারই খাম তাম রিখা।
কাঁরীইরকনি সাদিঅ মাই চলাইমানি হাই
খাই-ন মাই ব চলাইখা। আবতাই খায়ই কয়া
বুবাগ্রা বীরাইনি নগ' সালনাই সাল তাম চামারি
তঙগই বিনি নগ' বীরাইনি হামজীক তীলাঙগই
থাংকা। আবতাই খায়ীই বুবাগ্রানি সাদি
খাইমানি পাইখা।

কয়া বুবাগ্রা বাই বুবাগ্রা কুসু থাংকা।

কয়া বাই চাকতি ফাইকা।

কয়া তাই রীচাবখা।

আঙ নন নুগখা বীখাঅ হামজাগখা

নন হিগ সঙনানি বাগই।

নন হিগ সঙখা বীখানি গীতাই

নৌঙ বাই হামলাইনানি বাগই

চাকতি

:

আঙ নন নুকখা বীখাঅ হামজাগখা

নন সাই সঙনা বাগই।

নন সাই সঙখা বীখানি গীতাই

নৌঙ বাই হামলাইনা বাগই।

কয়া :

উাথবনি তীয় থপসা খরক লুজাগথা

চিনি খরকনি সাকা ।

চাঙ কীর্নাই নীঙ বাই কঙগই খুলুমকা

মীতাই য়াফুঙনি সাকা ।

চাকতি :

রঙগলে তামসা নীঙ বাইসে আঙসে

অ রাঙচাকবা জগত বালা নীঙসে ।

গানথিনি মালান খায়ীই কানই তঙগানী

খানি বরকবা নীঙসে ।

কয়া :

কাগসিঙজাগই-ব নীঙ বাই কাগলাইয়া হিনই

তামা তুলসি রমখা ।

জুগিতি নীঙ বাই কীর্নাই তঙলায়ীই

অ সীমাইন তাঙলায়ীই খিবকা ।

চাকতি :

নীঙবাই সাক খাকসা বুতুকু কাঙসা

নীঙবাই তীইলাইনা হিনই ।

কীর্নাই দা খুঙচা নীঙ বাই উঙলাইখা

তাঙগই চানানি বাগই ।

কয়া :

মীতাই উাদামা উা জর কাগয়া

নীঙ বাইলে জ-র কাগয়া

তকথু পুঙমানি পুঙ জর কাগয়া

জর নীঙ বাইলে কাগয়া ।

চাকতি :

নীঙব থাইতানি আঙব থাইনানি

আমতি খায়ই থাঙলাইনানি

নীঙ তঙথানি আঙব তঙনানি

জ-র খায়ীই তঙলাইনানি ।

কয়া চাকতি

:

বৈখন্টপুৰি তীমা পুৰি-ব মসে বৈখন্টপুৰি

সালসা নুকয়াখাই সাতামতাই, নন নুগয়াঅই তঙগই মানয়া ।

কয়া বাই চাকতি থাংকা ।

তসিল, কয়া বুবাগ্ৰা তই বিৰিনদিয়া সিপাইৰক ফাইকা ।

বুবাগ্ৰা

: সিপাইৰক, নরগ খীনানি সিমি চিনি তকথু হাজারি কামিঙনি আগিঅ চীঙন চালক লাঙনাই বুবাগ্ৰানি নগ কুবুক খাইদি। অ বুবাগ্ৰানি নগ নরক কুবুব খায়াই জে রাঙরি মানমানিন চিনি তকথু হাজারি কামিঙনি-বররকন জতন-ন বাগই রিবাই-নানি। থাংদি নরগ খীনানি সিমি-ন অ কামন খাইনানি খাইদি। সুদু অ বুবাগ্ৰান সিমিয়া গীনাঙ রকন-ব অ কামন খাইনানি খাইদি। সুদু অ বুবাগ্ৰান সিমিয়া গীনাঙ কতর কতররক-নব নাই নায়াই আবতাই-কুবুক খায়ই রাঙ পুইসা তুবই ফাইদি।

সিপাইৰক

: আউ বুবাগ্ৰা চীঙ নিনি ককতাই-ন খাইয়ানী।

বুবাগ্ৰা

: তসিল নীঙত সাঅই মান' সাব বিসি গীনাঙ কতর অ গীনাঙ কতররকনি থানি-ন রাঙরি তুবই ফাইদি গীনাঙ চিকনরকনি থানি তা তুবদি। অ গীনাঙরকনি কুবুক খায়াই রাঙ তুবমানি জত কীরাইরকন বাগই জতনন সমান সমান খাইনানি আঙ কাইসা কীরাই কাই সা-ন গীনাঙ খাইয়া। আনি মুঙ খাই কয়া বুবাগ্ৰা আঙ গীনাঙনি রাজয়া আঙ কীরাইনি রাজাসে আঙ জতনন হামবাই রিখা।



TRIBAL RESEARCH AND
CULTURAL INSTITUTE



ISBN 978-93-86707-40-6

Price / Rs. 100/-